

GEORGII C

S. Theol. D. & in Acad. Ju

Abbatis Regio. L

CONSIDER

DOCTR

PONTIFI

IVXTA DVCTVM

TRIDENT

ET

REFORM

IVXTA DVCTVM CO

THORVNI BO

ANNO CIS 13 CXLV E

FRIDERICVS VLRIC

S. Theol. D. ejusdemque in Acad.

è MSS. eruit

ALTERA V

edidit.



HELMESTAT

In Typographico CALIXTINO EXCU

ANNO CIS 13 CXLV

(72)

CALIXTI

Acad. Juliâ Prof. Prim.
egio - Lothar.

**DERATIO
TRINÆ**

IFICIÆ

IVM CONCILII

ENTINI

ET

RMATÆ

M CONFSSIONIS

BORVSSOR.

XLV EXHIBITAE.

LRICVS CALIXTVS

in Acad. Iul. P. & Ord Prof.

S. eruit &

RA VICE

didit.



ESTADII

NO Excudit HENN. MYLLERVS

1772


3X8020

E35

1672

C.1

Race.



SERENISSIMO ET POTENTISSIMO
PRINCIPI ET DOMINO
DOMINO


CAROLO LUDOVICO

COMITI PALATINO RHENI

SACRI ROMANI IMPERII ELECTORI
ET ARCHITHESAVRARIO

DOMINO MEO CLEMENTISSIMO
SALUTEM ET FELICITATEM.

Serenissime & Potentissime Prin-
ceps, Domine Clementissime.

 Edecim cum dimidio & quod ex-
currit sunt secula, quod per Prophe-
tas promissus Messias humani ge-
neris Redemptor exhibitus est, & in
aiumtâ mortalis hominis carne pro totius
mundi peccatis justissimo Iudici satisfecit, divi-
nâ gratiâ extorres DEO reconciliavit, atque ab
æternæ mortis reatu vindicavit. Jecit tunc san-
ctissimus Servator Ecclesiæ, cujus ipse esset caput,

fundamenta in Oriente , unde deinde per Occidentem , & missis Discipulis ad prædicandum Evangelium & docendum omnes gentes , per totum hoc universum diffusa est. Ipsas verò illas immensis locorum intervallis disjunctas Ecclesias fidei unitas ita conjunxit , ut è multis particularibus nasceretur una , quam Catholicam seu Universalem haud immeritò nuncupamus. Hanc Ecclesiæ unitatem & concordiam , thesaurum inæstimabilem , ultra lustrum sartam tectam conservavit , primorum perque aliquot secula succedentium , Christianorum pietas. Plures enim quàm mille sunt anni ex quo à priscâ integritate & sanctimoniâ degenerarunt Ecclesiarum Episcopi , & efferbuit contentio inter primos orbis Christiani Patriarchas , Romanum videlicet & Constantinopolitanum , utroque τὰ πρῶτα sibi vendicante. Verùm quum sola ambitio & dominandi cupiditas, causa schismatis nimis odiosa & indigna videretur , prætextus aliquanto speciosior ab opinionum , inter quas ista de processione Spiritus sancti eminebat , diversitate sumtus est , & Oriens

ab

ab Occidente, Græci à Latinis infausto schismate divisi sunt. Cui vulneri medendum quum tot seculorum non suffecerit tractus, hac turbidorum hominum ætate coaliturum exigua spes affulget, præsertim quum non hoc solo faucia laboret Ecclesia, sed plura inflixerit generis humani hostis, eamque plus vice simplici discerpserit. Quum enim insatiabilis Pontificis Romani ambitio, principatu Ecclesiastico non contenta, ad regna & imperia, Regumque & Imperatorum sceptrasibi subjicienda sese extenderet, sanctissimamque Christi religionem in dominandi instrumentum & pecuniæ aucupium converteret, emergere generosa pectora quæ contradicerent, tetra & improba dogmata improbarent, ausibusque nefandis obviam irent. Neque enim potentum Heroum animos ita fascinaverat superstitio, ut regna & imperia invadentibus Pontificibus fortiter resistere dubitarint; neque occultarunt Ecclesiarum Doctores Romanæ curiæ artes, sed propalarunt, ipsaque dogmata & sacramenta ad amplificandam Pontificis & Cleri pote-

statem atque auctoritatem quæstumque faciendum aptari, palam exprobarunt. Licet verò hisce veritatis assertoribus & Pontificiæ tyrannidis hostibus, dira opponerentur; licet ad tales averruncandos nemo non Pontificum multa & valida adhibuerit remedia; licet ab igne & ferro, quæ ultima insanabilium morborum sunt medicamenta, non abstinerint: nullis tamen neque artibus, neque anathematibus, neque persequutionibus & suppliciis efficere potuerunt, ut exstinguerentur accensæ veritatis faces, siquidem earum lux ab ijs, quos patriâ ejectos solum vertere coëgit persequutio, varijs illata provincijs, præcipuas Christiani orbis illuminavit oras. Verùm enim verò quum difficiliora plerumque magnarum expeditionum esse soleant initia, haud adè est mirum, successu minus felici reformationis negotium suscepisse illos majorum nostrorum prælusores, Johannem Erigenam Scotum, Bertramum Presbyterum, Berengarium Andegavensem, Waldenses sive Albienses, Michaëlis Cæsenatis sectatores, Fratricellos, Begardos & alios

alios. Quòd seculo autem proximè elapso
proavorum vel etiam avorum nostrorum
memoriâ excitavit tandem Deus opt. max.
viros, qui Spiritus sancti ope freti magno
negotium aggredierentur animo, & exse-
quendo pares essent, inexhaustæ ejus beni-
gnitati acceptum ferimus. Verumtamen
quum nulla humanarum actionum absolu-
tè omnibusque numeris sit perfecta, circa
hoc quoque negotium aliquam sese exseru-
isse imbecillitatem, aliquem defectum, non
sine dolore experiri & fateri omnes cogi-
mur. Factum videlicet, ut nata inter ipsos
reformationis adeò necessariæ auctores dissi-
dia, in perniciosum schisma eruperint, scis-
sis caritatis vinculis Ecclesia universa in qua-
tuor magnas divisa partes, mutuisque mem-
brorum inter sese dissidentium fatigata colli-
sionibus, mansuetudinem sanctamque sim-
plicitatem exuisse, & de pristino sinceritatis fa-
stigio deturbata videretur. Orientem enim
ab Occidente, Græcos à Latinis, Latinos non-
Reformatos sive Pontificios à Reformatis, &
Reformatos ipsos inter se divisos, magnâ ani-
mi tir-

mi triftitiâ , multoq̃ue cum gemitu intuemur.
Usque quo verò in diverfas itum est partes ,
de tollendis simultatibus , mitigandis odiis &
componendis diffidijs seria confilia agitata ,
tantum abest , ut tanto melior veritatis assertor
& cauffæ fuæ quisque haberetur patronus ,
quanto *Θέσω φυλάττειν* noſſet pertinaciùs , &
in diſſentientes inveheretur acerbìus. Ex-
acerbatis proinde de animis ulteriùs itum eſt ,
& ut alij alios magis exoſos imò abominabi-
les redderent , non in exagitando diſſenſu ac-
quieverunt , ſed hæreſes ſibi invicem intenta-
runt , & ne litigandi & intendendi deeſſet ma-
teria , per varias & infidas conſequentiarum
ambages neſcio quæ opinionum portenta
deducere & inſontibus affingere ſatege-
runt. Quâ agendi ratione fieri certè aliter
non potuit , quin miſerrima & perturbatiſ-
ſima reddatur Eccleſiæ conditio ; & ſi ad eum
modum pergitur , omnis propemodum ſpes ,
deformes adeò coituros hiatus , decollat. Si
igitur tam Reipublicæ quàm Eccleſiæ tran-
quillitatem reſtauratam , ſi non tantùm odia
& inimicitias , ſed bella quoque & cruentas
cædes

cædes cessare volumus , necessum erit ut errantibus comiter viam commonstremus , à diris anathematibus abstineamus , nec novos condamus fidei articulos, sed priscis illis & fundamentalibus in tuto collocatis, natum circa dogmatum appendices dissensum toleremus, atque effreni altercandi & contendendi libidini fibulam tandem imponamus. Cæterum causas quod Colloquiorum & Conventuum eventus piæ invitantium expectationi hætenus non respondit, ariolari fortassis haut difficile foret. Meritâ interim laude haut defraudandos existimamus eos, qui summis Majestatibus fuere auctores, ne quidquam ad promovendam Divini nominis gloriam faciens insuper haberent, sed officij sui memores, quovis modo laboranti Ecclesiæ succurrerent, perque schismata divulsam, unire niterentur. Tenetur enim & in conscientia obligatus est unusquisque, fraternam inter unius Patris cælestis filios caritatem factam tectam conservare, aut si naufragium passa sit, restaurandæ & in integrum restituendæ nullam non adhibere industriam, sed omni ut reflorescat opum vi allaborare. Et quanto quisque eminentiori

): () : (

est

est loco, quanto majore ad restaurandam pol-
let & facultate & potestate, tanto tenetur ob-
ligatusque est magis. Licet igitur ad Princi-
pes, Reges, rerumque Dominos negotium hoc
tantum non unice pertinere videatur, consilio
tamen & monitis haut deesse iis debent De-
um amantes pij, prudentes, rerumque periti vi-
ri, qui longo usu & indefesso studio morborum
penetrarunt causas, modosque medendi sug-
gerere valent. Quemadmodum enim Reipubl.
salus Politicis viris, ita Ecclesiæ Ecclesiarum
Doctoribus cordi & curæ esse debet; utrius-
que quibus & hanc & illam gubernandam com-
misit Deus opt. max. summis Majestatibus.
Quàm sedulam seriamque p. m. Parens meus
D. GEORGIUS CALIXTUS rei expediendæ
usque adhibuerit operam, quantam propter ar-
dens pietatis & tranquillitatis Ecclesiasticæ stu-
dium sustinuerit invidiam, quàm atroces tole-
raverit injurias, hîc commemorare parùm re-
fert, novit enim universus orbis eruditus; no-
runt ipsi illi, qui sarcindæ inter Christianos spi-
ritualis & Ecclesiasticæ concordie desiderium
infamibus Syncretismi, Samaritanismi & Athe-
ismi

ismi appellationibus flagellant : Ista videlicet eorum qui pacem sectantur plerumque solent esse præmia. Norunt etiam pacifici qui salutaria remedia ad sedandos tandem intestinos motus facientia non repudiant, sed suppeditantibus proba consilia favent. Inter eos verò Te Celsissime & Potentissime Princeps magno Tuo merito familiam hodie ducere tanto gaudent sibi que gratulantur magis, quanto plus in tanti Principis auctoritate præsidij collocant, quorum constantiam indignantium furor infringere nondum valuit. Neque tamen omnis omninò abjicienda spes, fore aliquando, ut ubi deferbuerint calida pectora, admittant moderatiora consilia, illumque de religionum ac cultuum confusione metum eximi sibi patiantur. Qui ut eximatur, omni conatu omnibusque viribus, omnibus ad rem facientibus modis & medijs eniti oportet. Eximi autem rectius non poterit, quam si ad pacem invitantes arbitri, rem sine furore & dolo gerere, nec alium finem quam DEI gloriam, honorem Christi & Ecclesiæ prosperitatem intendere, publicè profiteantur sancteque testentur.

):():(2

Neque

Neque enim ad status, ut vocant, rationem firmandam aptari debet religio; neque in fraudem tertij, ad hostem vel repellendum fortius vel opprimendum felicius male fida foedera inire, animosve amicitia quam pro re nata vel alere vel rumpere liceat, jungere fas æquumve est. Primarias interim actualem communionem prohibentes causas quod attinet, eas neque dissimulandas, neque loquutionum & phrasium ambiguitatibus non tollentibus sed instantibus dissensum involvendas aut palliandas, neque usque adeò elevandas existimamus, ut simplicioribus sensim ingeneretur opinio perinde esse five sic, five aliter sentiant, five cum his five cum illis contradicentium faciant, sed candidè, apertè, ingenuè, sine verborum involucris, quàm fieri potest maximè significanter & sonore quemque quod sentit profiteri, & animi sensa exprimere fas fuerit. Quæ si sic ritè peragantur, quantum alter alteri illas conscientia concedendum, qualem in alijs dissensum salvâ Christianâ caritate tollerandum censeat, exponere porro haut difficulter poterit. Quemadmodum enim corporum

rum vulneribus salutaria remedia applicari nequeunt, nisi detegantur antè & inspiciantur sanabilia sint an minùs? ita etiam Ecclesiæ vulneribus medicina fieri haut poterit, nisi omnium exponantur conspectui, nisi causarum infligentium priùs expendantur pondera. Initium scilicet concordix est, dissidiorum causas & momenta cognoscere ac penetrare. Dissensus verò summam, & lacerantes Occidentalem Ecclesiam causas, ista quam Celsitudini Tuæ, Serenissime Princeps, humilimè offero utriusque & Pontificiæ & Reformatæ Doctrinæ Consideratio exhibet. Exhibet autem ita, ut ubi conciliationi & tolerantix locus esse possit, ubi non possit, subinde commonstret. Sicuti enim pleraque ita etiam hæc pij Parentis mei afferendæ veritatis ergo elaborata scripta, moderationem sapiunt, mitigandisque horribilibus odijs, & reducendæ, si fieri posset, animorum tantopere inter se divaricantium unioni inserviunt. Quorum specimen quoddam, de Tolerantiâ Reformatorum Consultationem, quum haud ita pridem emissem, & factam in Præfatione

ad Lectorem Celsitudinis Tuæ mentionem, satis benignè & clementer acceptam non obscure intellexerim ; ausus porrò sum, quæ alij temeritati, alij arrogantiae procul dubio imputabunt. Nemo enim non temeritatis arguet, quod tantum Germaniæ Principem & Imperij Electorem, ego scholastici ordinis homo compellare mihi sumo : ambitionis nemo non palam reum aget, quod onus cui ferendo non sum, subire satago : imprudentiam uno ore accusabunt omnes, quod mercedis quam tulit beatus Parens meus immemor, periculoso quem premo de tramite non revoco gradum, quod densis convitiis ex invidiæ cavernis certatim erumpentibus imbribus sciens volensque me ingero, pectusque objicio. Verum licet cuncta ista me non fugiant, licet destinata mihi præmia ut præsentia & jam tum soluta intuear, licet tantæ molis operi promovendo imparem me esse non diffitear, quum tamen à Parente sic institutus sic edoctus sim, ab amore Divinæ gloriæ nullis neque minis neque cervici imminentibus periculis avelli patior : Continere certè me non possum quin Tuæ,
Serenis-

Serenissime Princeps, qui ad tranquillitatem publicam facientibus meditationibus indulges & seriò occuparis, qui saxum illud gloriosè volvis, Celsitudini de isthoc animo humilimè gratuler, & Deum invocem, ut constantem illum Tibi servet, & plures Tui similes magnanimos excitet heroas, qui præclarum opus junctis viribus juvent, promoveant, & ad felicem tandem exitum deducant. Modi & media rei conficiendæ idonea à B. Parente meo, SINE OMNI PRÆJUDICIO, ut ipse loqui amat, supeditata extant, quæ si non sufficiunt, meliorem & compendiosiore commonstranti viam nemo sanus obtemperare recusabit. DEUS felicem largiatur successum, & faxit propitius, ut perspecta quæstionum, de quibus controvertitur, aliarum quidem certâ veritate, aliarum verò indeterminabili ambiguitate, aliarum autem curiosâ & otiosâ vanitate animi Christianorum magis magisque mutuâ caritate devinciantur, & actualis unio atque communio tandem reintegretur, alijs interim erga alios non aliter affectis, quàm decet Christianos, & germanos ejusdem Patris cælestis filios. Quod pium
& se-

& serium meum votum, uti non potes improbare, Serenissime Princeps, ita subjectissimum animi obsequium una cum Paternis lucubrationunculis, quas Celsitudinis Tuæ submitto iudicio, clementer acceptabis. Meum erit ardentius venerari summum Numen, ut Serenissimæ Celsitudini Tuæ, Ejusque Regiæ Domui ineuntem hunc novum annum, aliosque deinceps ex ordine plures, felicissimos prosperissimosque esse jubeat, & ab omnibus fortunæ insultibus ad seram posteritatem gloriosam florentemque afferat ac tueatur. Scribebam Helmeſtadij in Acad. Juliâ ipsis Calendis Januarij, Anno MD C LIX.

Serenissimæ & Potentissimæ Celsitudinis

Vestræ

subjectissimus cliens

FRIDERICUS ULRICUS CALIXTUS D.

CON.



CONSIDERATIO DOCTRINÆ PONTIFICIÆ HODIERNÆ Juxta ductum Concilii TRIDENTINI.



Uicquid verum est, id est à DEO, qui prima, summa & indeficiens veritas est, cui omne aliud verum debet quod sit verum. In Deum itaque peccat, quicumque, quod verum esse novit & apud animum suum persuasus est, falsi insinuat, vel ejus contrarium præ se fert, probat & profitemur. Qui itaque contra conscientiam suam, adversus veritatem sibi cognitam, quamvis ea non nisi rem terrenam & civile negotium concernat, testimonium perhibuerit, dixerit, vel fecerit, ille peccatum mortale committit, & gravissime Deum offendit. Dubium autem non est, quin gravius etiam offendar, qui amplexus & professus fuerit, vel probaverit, quod in rebus, religionem, fidem, usum Sacramentorum & cultum Dei concernentibus, falsum vel pravam esse intelligat, & contra deserat, rejiciat & improbet, quod noverit esse verum & rectum.

II. Discrimen autem est inter ista duo, *Ego hoc tanquam verum non possum admittere*, & *Ego hoc quod verum esse nego*, in alio non possum tolerare, nec aliter
A senti.

sentientem, quàm ego sentio, Christianum agnoscere, vel ut Christianum habere & amare. Quum circa fundamenta salutis sive articulos fidei ad salutem cuiusvis necessarios, nec non circa doctrinam sacramentorum superioribus seculis multæ quæstiones sint excitatæ, & excitari plures etiam hodie possint, quarum aliæ fundamenta propinquius fortè attingant, aliæ ab ijs remotius absint, discrimen illud omnino servandum erit, ut homo pius & moderatus, si videat fundamenta esse salva, priore effato utatur, non posteriore.

III. Quæ ad fidem pertinent, in Antecedentia, Constituentia & Consequentia alibi dispescuimus. *Constituentia* diximus esse ipsos fidei articulos, prout secundum substantiam cuiusvis homini adulto ad salutem sunt necessarij: inter *Consequentia* sive corollaria, vel quæstiones emergentes & annatas, illorum potissimum rationem habendam esse, quæ proximè & immediatè ipsos articulos consequuntur, quibus videlicet positus aut negatis articulum quoque ipsum vel poni, vel negari necesse fuerit. Ad *Antecedentia* retulimus notitiam & numerum librorum Canoniorum. Et hæc ipsa, uti etiam consequentia, certius & accuratius cognita habere, non tam esse quorumvis è vulgo, quam Pastorum & Doctorum Ecclesiæ, monuimus.

IV. Si de Antecedentibus & Consequentibus agatur, haut temerè progrediendum erit ad posterius effatum. Turbavit hîc omnia, & schisma, quod in Ecclesia exortum erat, irreconciliabile reddidit Concilium Tridentinum dum multa talia, hætenus indifferentia, sive libertati opinandi relicta, in alterutram partem, plerumque autem deteriorem, sub anathemate determinavit, atque ita omnem conciliationis spem, quamdiu ipsum apud alteram partem vigeat & valeat, ademit.

V. Esto

V. Esto exemplum. Quum universa Ecclesia Græca, & qui in Latina catalogum Canonorum librorum primis quatuor seculis prodiderunt, à Canone V. T. Tobiaë, Judithæ, Siracidaë, Maccabæorum & similes, qui ab autoribus suis Hebraicè scripti non erant, excluderint; coeperunt seculo demum quinto Innocentius, Augustinus & Gelasius variare, & eos quos diximus, antiquis & genuinis Canonicis annumerare: Ipsi autem non obscure fatentur, quòd admodum strictam & accuratam recensio- nem non instituunt. Nec difficile fuit, paucos hosce Lati- nos cum universis Græcis, ipsisque Latinis antiquioribus & plerisque subsequen- tioribus conciliare. Nempè vocem Canonici aliquanto latius accipiunt, & ad eos quo- que libros extendunt, qui alias Ecclesiastici solebant ap- pellari, quos, ut præter alios monuit Rufinus, *legi quidem in Ecclesiis voluerunt, non tamen proferri auctoritatem ex his fidei confirmandam.* Et benè rem totam explicat Alfon- sus Tostatus, Prologo in Matthæum, quæstione tertia: *Li- bri, inquit, nonnulli dicuntur apocryphi, quia non constat de eo- rum scriptoribus, an Sp. S. dictante scripserint, & etiam non con- stat de omnibus quæ in eis habentur, an vera sint. Non tamen est in eis aliquid, quod manifestè falsum sit, vel quod valde suspec- tum sit de falsitate. Hoc modo sunt apocryphi libri quidam, qui ponuntur extra canonem V. T. computantur tamen inter li- bros S. Scripturæ, scilicet liber Sapientiæ, & Ecclesiasticus, & Judith, & Tobias, & libri Maccabæorum: de autoribus enim horum non constat Ecclesiæ, an Sp. S. dictante scripserint; non ta- men reperit in iis aliquid falsum, aut valde suspectum de falsita- te, sed potius in eis est doctrinæ copiosa, sancta & devota. Ideò ecclesia legit illos & computat inter libros suos.*

VI. Ita tota difficultas esset expedita, & conciliari

posset Synodus Tridentina cum veritate & antiquitate, nisi anathema in omnes dissentientes ejaculatum esset. Dicit se omnes libros tam Vet. quam N. T. pari pietatis affectu ac reverentia suscipere ac venerari: Deinde enumerans libros V. T. controversos sive Apocryphos illos immiscet, & tandem subjungit: *Si quis libros ipsos integros cum omnibus suis partibus, prout in Ecclesia Catholica legi consueverunt, & in veteri vulgata latina editione habentur, pro Sacris & Canonicis non susceperit, anathema sit.* Per quæ verba omnis commoda explicandi & conciliandi ratio, quin & mutua dissidentium tolerantia perimitur. Qui enim Concilium hoc Tridentinum admittit, sub pœna anathematis & jactura æternæ salutis apocryphos illos libros Mosi & Prophetis æquare debet. Nec hoc solum: Et qui discrimen aliquod & imparitatem agnoverit, non poterit dicere; tolerabimus nos invicem & Christiana caritate prosequemur, etiamsi in constituendo Canonorum librorum numero dissentiamus; sed necesse habet dicere; Si à me & Concilii sententia diversus abis, & Tobie, Judithæ, Maccabæorum libros, eodem quo Mosén & Prophetas, pietatis affectu & reverentiâ non suscipis & veneraris, tanquam anathemate abominor. Ita, Num Baptismus Johannis cum Baptismo Christi eandem vim habuerit, nunc non multum refert novisse, & semper opiniones liberæ fuerunt. At postquam Tridentini anathema emiserunt, nulla relicta est sentiendi libertas, nulla conciliatio, nulla tolerantia. Baptismo Johannis eandem cum Christo Baptismo vim denegare oportet, aut numero Christianorum excludi. Similiter VII à Christo instituta Sacramenta, nec plura nec pauciora, credere oportet, aut anathema audire. Sic itaque Concilium Tridentinum, partim veras, partim indifferentes, li-
beras,

beras, & innoxias opiniones, in capitales mutavit errores
 five hæreses, & evibratis anathematibus, omnes qui ipsum
 receperint, & juramentum professionis fidei, quale Pius IV
 præscripsit, ediderint, à dissentientibus irreconciliabili schi-
 smate diremit, quos videlicet, quam diu dissenserint, ana-
 themata & Christiano nomine indignos haberi oporteat. Ni-
 si igitur anathemata Tridentina mitigentur aut aboleantur,
 de conciliatione desperandum erit. Percurremus autem
 breviter sessiones Synodi Tridentinæ, & ubi, si removean-
 tur anathemata, conciliationi vel tolerantia locus esse pos-
 sit, ubi non possit, memorabimus.

Concilii Tridentini primæ tres Sessiones Præli-
 minaribus occupantur, & ad determinatio-
 nem dogmatum non descendunt.

DE NORMA FIDEI,
 ad IV Sessionem Synodi Triden-
 tinæ, quæ quum Romani Pontificis mentionem
 non faciat, & de ejus tamen autoritate, & de ecclesia con-
 troversia sint maximi momenti, omnem eam rem
 brevibus aphorismis proponemus.

I.

Sacra Scriptura canonica, quoniam divinitus est inspira-
 ta, auctoritatem obtinet summam & divinam, & infalli-
 bilis est.

II. Discursuum itaque vel illationum sub lumine fidei & relevationis institutarum, sive Theologicarum primum & summum principium hoc est : Quicquid Sacra Canonica Scriptura docet, est infallibiliter verum.

III. Eadem igitur homini Christiano quæ tali, omnium credendorum norma & agendorum regula est.

IV. Quod igitur ex principio paulò antè proposito, per probam & validam consequentiam deduci non potest, ad fidem & religionem Christianam non pertinet,

V. Tobix, Judithæ, Baruci, Sapientix, Siracidæ, Maccabæorum libros, & fragmenta Danielis ac Estheræ, Mosi, Prophetis & Psalmis æquare, error est.

VI. Non æquantes, sive discernentes anathemate ferire, intolerabilis error est.

VII. Synodus itaque Tridentina, quæ in ipsis suis iniitiis utrumque errorem erravit, nullam fidem meretur.

VIII. Versionem Latinam Veterem sive vulgatam, Hebræo textui V. T. & Græco Novi æquare, vel præferre, crassus error est.

IX. In iis, quæ apertè in Scriptura posita sunt (verbis utimur S. Augustini) inveniuntur illa omnia, quæ continent fidem moresque vivendi.

X. Extare itaque traditiones, per quas ex unanimi ecclesiæ priscæ consensu symbolis ac confessionibus, scriptisque præstantium veterum Doctorum declarato, probari possit ullum vel ad salutem necessarium dogma, vel à Christo institutum Sacramentum, quod non inveniatur in S. Scripturâ, error est.

XI. Quoniam quæ continent fidem moresque vivendi,

vendi, apertè in Scripturâ posita sunt, factâ quadam familiaritate (iterum utimur verbis Augustini) cum ipsa lingua divinarum Scripturarum in ea quæ obscura sunt, aperienda & discutienda pergendum est, ut ad obscuriores locutiones illustrandas de manifestioribus sumamus exempla, & quædam certarum sententiarum testimonia dubitationem de incertis auferant. Hinc itaque pendet interpretatio Scripturæ, & qui tali familiaritate cum linguâ Scripturæ contractâ, ab apertis ad obscura illustranda pergendi facultatem consequuti fuerint, idonei sunt Scripturæ interpretes. Ejusmodi facultate præ cæteris pollere debent (utinam polleant!) Episcopi & Doctores in Ecclesia.

XII. Romanum Pontificem, sive seorsim sumptum & sine Concilio, sive Concilio junctum, esse infallibilem sensuum scripturæ interpretem, & controversiarum fidei judicem, error est; qui quantum Pontificem extollit, tanto iugo Christianorum conscientias premit; & propterea seriò oppugnandus, &, ut ecclesiæ tranquillitas reddatur, eliminandus erit.

XIII. Romanum Pontificem numerum credendorum vel dogmatum ad salutem necessariorum augere posse, sive posse Pontificem sub jactura æternæ salutis obligare ad credendum ea, ad quæ credenda neque Christus obligavit, neque fideles in prima ecclesia obligati fuerunt, error est.

XIV. Romanum Pontificem jure divino & ab ipso Christo constitutum esse totius militantis ecclesiæ, per universum terrarum orbem dispersæ, Principem & Monarcham, error est.

XV. Ad salutem omni humanæ creaturæ necessarium esse, ut subsit Romano Pontifici, error est. Hi qua-

tuor

tuor præcedentes & inter se connexi errores prorsus intolerabiles sunt, quòd spiritualement Pontificis tyrannidem stabiliant, eumque conscientis & fidei Christianorum dominari faciant.

XVI. Ad salutem autem necessarium est omni homini, ut subsit capiti Christo & cum eo per veram fidem, cum membris autem per caritatem conjungatur.

XVII. Quicumque itaque ubicunque locorum Christum dominum & redemptorem agnoscunt, & una cum Patre & S. Spiritu venerantur & adorant, & quæ porro ad habendam salutem agnosci opus est, ex Scriptura docent & discunt, & juxta institutionem Christi Sacramentis utuntur, & abnegata impietate sanctimoniam sectantur; illi unam, catholicam & Apostolicam Ecclesiam toto terrarum orbe diffusam, constituunt.

XXIX. Denique, posse Pontificem Reges, Impp. si hæresi infectos esse, aut hæresin minus sedulo extirpare censeat, vel etiam inperitiâ & ignaviâ regnandi laborare judicet, dominatu privare, subditos à sacramento fidelitatis absolvere, & imperium ad alios, quos magis idoneos existimet, transferre, magnus regnisque & Rebus publicis perniciosus error est, quem nullus bonus, patriæque &

Principis sui amans civis admittere, vel
ferre poterit.



DE PECCATO ORIGINIS.

Ad Sefsionem V Synodi Tridentinæ, ubi nullus apponitur capitum vel Canonum numerus.

I.

Adamum quum mandatum DEI in paradiso transgressus est, sanctitatem & iustitiam, quam in creatione acceperat, non sibi soli, sed etiam posteris suis perdidisse, atque adeo in eos (communi sc. carnali modo progenitos) peccatum, quod mors est animæ, propagatione, non imitatione transfundere, rectè docet Synodus Tridentina.

II. Rectè etiam negat, hoc peccatum vel per humanæ naturæ vires vel aliud remedium tolli, quam meritum unius mediatoris Domini nostri Jesu Christi, qui nos Deo reconciliavit in sanguine suo.

III. Infantes igitur baptizandos esse, ut in eis regeneratione mundaetur, quod generatione contraxerunt, rectè asserit.

IV. Præterea docet per Jesu Christi Domini nostri gratiam, quæ in baptismo confertur, reatum originalis peccati remitti. Reatus est obligatio ad subeundam pœnam peccato debitam, quæ omnino tollitur. Et hætenus rectè.

V. Quod autem addit tolli totum id, quod veram & propriam rationem peccati habet, verum non est. In quocunque enim vera & propria ratio peccati originalis constituatur, id, quamvis imminutum manet, & secundum speciem non variatur. Manet item materiale, v.g. concu-

B

piscen-

piscentia seu inclinatio ad bonum caducum & delectabile; manet quoque formale, nempe quod sit ἀνομιᾱ. Ergo peccatum est post baptismum sicut antè erat, etiamsi secundum gradus, vel quo ad magis & minus variet.

VI. Sed hæc ad Scholasticam subtilitatem vergere videntur. Quod rem & praxin attinet, renatos, qui desideria carnis non perficiunt, sed per Christi gratiam reprimunt, non consentiunt, sed repugnant, atque adeo non secundum carnem ambulant, sed secundum Spiritum, etiamsi concupiscentia, quæ in eis residua est, verum peccatum sit, non tamen magis damnationi facit obnoxios, quam si peccatum non esset. Eatenus itaque conciliationi vel tolerantia locus fuerit relictus.

VII. Quod autem Synodus anathema dicat illis, qui residuam in renatis concupiscentiam, quam Apostolus peccatum appellat, propriè peccatum esse existimant, id nimis est sive arrogantia, sive savitia.

IX. Beatissimam virginem Mariam θεοτόκον sine peccato originali conceptam fuisse, in quam opinionem admodum propender Concilium Tridentinum, Sacra Scriptura & universa antiquitati adversatur.

IX. Breviter. Propter peccatum Adami omnes qui ex eo communi modo gignantur, nasci obnoxios æternæ damnationi, nec eam evadere posse, nisi per Dei gratiam & Christi meritum, fundamentalis doctrina est; cui an nascitur & additur quæstio de quidditate peccati originalis, sive quænam ejus adæquata ratio & definitio. Hanc constituere Augustinus non est ausus. *Peccato, inquit, originis nihil est ad predicandum notius, nihil ad intelligendum difficilius.* Nihil autem sine dubio probatius aut rectius dici potest, quam quod sit privatio justitiæ

originalis, per ignorantiam in intellectu, aversionem in voluntate, & rebellionem in appetitu. Quum autem sit quæstio Scholastica, si quis dissentiat, modo fundamentalem doctrinam illibatam retineat, tolerari potest.

DE JUSTIFICATIONE ad Sessionem VI Concilii Tridentini,

Sessione VI, tum capitibus, tum Canonibus, (nova videlicet ratione in prioribus Sessionibus non usitata) prolixè agitur de Justificatione, & immisceantur nonnulla de necessitate gratiæ, de libero arbitrio sive viribus humanis, de certitudine gratiæ sive Prædestinationis, de merito bonorum operum. Sicut autem plura in his subtiliora, quàm ut ad istum modum proposita vel à vulgo fidelium capi possint, vel ad salutem necessaria judicari debeant: v. g. ubi doctrina Justificationis explicatur, de dispositione ad eam, de causa formali & instrumentali agitur. Facile est hujusmodi terminos diversimodè accipi & applicari. Si enim utamur vocabulis vulgari usu receptis & quemadmodum hoc dogma populo Christiano proponi & ab eo credi oportet, loquamur, vix ullus poterit deprehendi dissensus, nempe si ad hunc modum proponatur: Deus hominum suo crimine & diaboli fraude in peccatum & exitium prolapsorum misertus, misit unigenitum filium suum: Ille pro hominibus homo factus, passus & mortuus, resurgens & ascendens in coelos, remissionem

missionem peccatorum & æternam vitam iis promeruit : Hoc suum sui que Filii tantum beneficium Deus per prædicationem Evangelii hominibus fecit annunciari & exponi : Qui se peccatores agnoscunt & dolent, Evangelio adsentiuntur, in Filium credunt, & in ejus merito ac morte confidunt (quæ tamen absque præveniente & excitante & cooperante divina gratia fieri nequeunt) illi Deo reconciliantur, remissionem peccatorum consequuntur, è statu iræ & damnationis in statum gratiæ & salutis transferuntur, in eo permanfuri, & æternæ gloriæ certo futuri participes, si, ex quo crediderunt, & reconciliati Deo sunt, observationi mandatorum divinorum operam dederint, secundum carnem non vixerint, & præeunte & cooperante ope divinâ à peccatis contra conscientiam committendis sibi caverint : Sic in præsentē vita justificabuntur homines, & in futura glorificabuntur. Hisce ita positis consideremus nonnulla ex iis, quæ docuit Synodus Tridentina; ea præsertim, quæ ambigua sunt, vel falsa, vel falsitatis suspecta.

I. Capitulo VI & VII dicitur fides dispositio ad justificationem, & cap. IIX initium justificationis. Fides autem viva & vera non est saltem dispositio & initium, sed à parte hominis proxima & immediata justificationis causa.

II. Eodem VII capitulo dicitur Justificatio non esse sola peccatorum remissio, sed & sanctificatio & renovatio interioris hominis. Justificatio quidem non est absque tali sanctificatione & renovatione, sive justitia quadam incoata & homini inhærente. Quod verò ad ipsam formalem justificationis & justitiæ rationem, per quam adeundæ cælestis hereditatis jus consequimur, illa pertineat, eamve constituat, à vero videtur alienum.

III. Sed

III. Sed à capitulis ad Canones tranſeamus quibus doctrina in capitibus propoſita repetitur, addito ſingulis anathemate. Canone quarto anathema eſſe jubetur, qui dixerit, liberum arbitrium à Deo motum & excitatum merè paſſivè ſe habere. Quatenus movetur & excitatur, ita ſanè ſe habet merè paſſivè. Poſtquam verò motum & excitatum eſt, in virtute moventis & excitantis gratiæ, cum audito & percepto Evangelio divinitus datæ, operatur. Nempe gratia divina, viribus humanis, quæ per liberum arbitrium denotantur, facultatem agendi, quâ priùs deſtitutæ erant, largitur, ſed neceſſitatem non inponit.

IV. Ad Canonem V notamus, liberum arbitrium poſt Adami peccatum eſſe amiſſum & exſtinctum, i. e. vires humanas, ut intellectum & voluntatem, ſibi relictas, abſque peculiaribus diviniæ gratiæ auxiliis, etiamſi circa res, quæ naturæ lumine comprehenduntur, aliquid poſſint, non tamen poſſe revelationibus divinis ſupernaturalibus aſſenſum, qualem oportet, præbere, vel in promiſſionibus Evangelii, meritoque ac morte Chriſti ſpem & fiduciam figere, niſi in virtute diviniæ gratiæ peculiariter una cum prædicato Evangelio ſive per Evangelium donatæ.

V. Ad IX. Sola fides juſtificat, i. e. à parte hominis tanquam neceſſaria conditio vel cauſa juſtificationem immediate efficit. Non eſt ſenſus, quaſi ad obtinendam juſtificationem à parte hominis (nam à parte Dei miſericordiam divinam, & meritum Chriſti, & vocationem per Evangelium, intercedere, ſive potiùs præcedere, notum eſt) nihil omnino requiratur, præter nudam & ſolam fidem. Oportet peccata priſtina agnoſcere, & ob commiſſa dolere: Oportet Evangelium audire. Non tamen quicumque peccata ſua agnoſcit & dolet, vel Evangelium audit, hoc ipſo ſtatim

Epist. 17.

justificatur. Ergo agnoscere peccata & audire Evangelium, justificationem proximè & immediate non inferunt sive efficiunt. Si verò dixeris; Ergo nihil planè ad justificationem faciunt, sive absque ijs justificatio obtineri poterit, perperam ratiocinaris. Hæc exclusiva igitur; Sola fides justificat, in hunc modum exponenda erit: Fides justificat, &, Quod non est fides, id à parte hominis justificationem proximè & immediate non ponit & efficit. Ita regè se habet, eoque sensu à veteribus usurpata fuit. Inde Cardinalis Hosius epistola ad Ruardum Tapperum: *Non solum Augustinus & Ambrosius, sed & Bernhardus & alij multi usi sunt hoc loquendi genere, quod sola fides justificat.* Ex Scholasticis producimus Bonaventuram, cujus hæc sunt verba in iv, Dist. xv, part. i. quæst. i. *Et si Divina misericordia remittit offensam homini, dando gratiam, non tamen ita omnino remittit, ut exigat de offensa satisfactionem pro iustitia: Nam in sola fide passionis Christi remittitur omnis culpa & sine fide ejus nullus justificatur.*

VI. Ad X. Si quis dixerit, homines per Christi iustitiam formaliter justos esse, anathema sit. Hæc assertio magis Scholasticè concepta, quam ut anathemate sancienda. Docet hac ipsa Sessio Synodus Tridentina cap. 3. Mortis Christi beneficium recipere eos duntaxat quibus meritum passionis ejus communicatur. Et c. 6. Neminem posse esse justum nisi cui merita passionis Domini nostri Jesu Christi communicentur. Quid vero est meritum passionis Christi alicui communicari, aliud, quam imputari? Jam sicut homo ab actu divinæ voluntatis, quo eum Deus amat, dicitur amatus; ita quoque à simili actu, itidem ad hominem terminato, quo Deus homini meritum passionis

nis & justitiam imputat, dici potest is homo per Christi justitiam divinitus imputatam justus.

VII. Ad XI. Imputatio justitiæ Christi & remissio peccatorum non excludit ab eo caritatem & incoactam inhærentem justitiam. Non autem sequitur ita eum coram Deo inhærente justitia justificari, i. e. formali inhærente justitia, per quam hæres æternæ vitæ constituitur, quemadmodum per remissionem peccatorum & imputationem justitiæ Christi. Deinde gratiam Dei, quando dicimur justificari gratis Dei gratia per redemptionem factam in Jesu Christo, non *χάρισμα* vel infusum aliquod donum, sed misericordiam, favorem & benignitatem significare, cerrum est.

IIIX. Ad XII. Fides justificans est assensus divinis Evangelicis promissionibus præbitus, utpote veris, & deinde fiducia innixa his ipsis promissionibus & gratiæ Dei meritoque Christi per eas nobis oblato, tanquam maximis bonis, in quorum virtute evasuri simus omne malum, infernum videlicet & damnationem, participesque futuri æternæ vitæ & gloriæ. Fides igitur hic consideratur, non ut res simplex ex genere naturalium; sed ut quoddam a parte hominis morale instrumentum adipiscendi justitiam & salutem. Quod proinde non mirum est, si non fuerit aliquid unum per se, tanquam simplex res naturalis, sed quoddam unum per accidens, & è duobus compositum, ubi fiducia est quasi complementum & perfectio assensus, ut sit fides justificans, complementum, inquam, in esse morali, non naturali. Nam si fiducia separari possit, aut separaretur ab assensu, tum assensus hic non justificabit: Diaboli enim & qui in Spiritum S. peccant, Evangelio tanquam vero assentiuntur, & tamen non justificantur, quia videlicet quod in Evangelio offertur, tanquam

tanquam bonum ad se pertinens non apprehendunt. Qui inter Pontificios fuere eruditiores, id ipsum agnoverunt; ita enim scribit Alfonsus Tostatus in cap. ix, Matth. qu. 8. Dicendum quid non est.

IX. Ad XIII & XIV. Fidem, utpote justificationis à parte hominis, causam, præcedere oportet justificationem, si non tempore, tamen natura. Qui itaque primum justificatur, non credit, remissa sibi esse peccata, sed per DEI gratiam, Christi que meritum remitti, nec quicquam remissioni à parte DEI Christi que obstare, modo conditio vel causa, quam à suamet ipsius parte adesse oportet, non desit. Bene Petrus Chrysologus Sermone I in Symbolum: *Ipse sibi donat veniam, qui sibi peccata per Christum remitti posse confidit.* Intellectus autem reflectitur supra suos & etiam voluntatis actus, ut qui assentitur & confidit, sciat se assentiri & confidere. *Credere fit mente*, ait S. Augustinus, *& videtur mente, quoniam menti nostre fides nostra conspicua est.* Hinc itaque in promptu est colligere; Qui credit Deum esse misericordem & filium Dei pro nobis esse mortuum, & in hac DEI misericordia meritoque Christi fiduciam collocat, ille habet remissionem peccatorum: Sed ego: Ergo. Interim largimur, Minoris non parem apud omnes esse certitudinem, cui plurimum obstare videtur in animis hominum nonnullorum, quod quasi indomitam nimiamque in peccata propensionem experiuntur, & uti oporteret excutere nondum possunt. Danda vero est opera, ut excutatur, ne fiduciæ obftet, eamve imminuat. Fides tamen, quamvis infirma & imbecillis, fides nihilominus est, & orandus est DEVS, ut remotis obstaculis & impedimentis, imbecillum in robustam commutet. *Spiritus itaque contestatur Spiritui nostro, nos esse filios.*

lios Dei, Rom. II, 16. *Et qui credit in filium Dei, habet testimonium in semet ipso : Et hoc est testimonium, quod vitam æternam dedit nobis Deus*, I Johan. VI, 20. Nempè certitudo pro præsentē tempore & statu parit tranquillitatem animi, & pacem Christiano pectore dignam, arcetque anxietatem & desperationem; par autem certitudo negata respectu futuri (Deus enim nos prior non deseret, sed nos Deum deserere possumus) abigit præsumptionem, superbiam & securitatem, & parit debitam sollicitudinem, ut *cum timore & tremore nostram salutem conficiamus*, Phil. II, 12; & *qui se existimat stare, videat ne cadat*, I Cor. X, 12. Hinc igitur Augustinus lib. de Correptione & gratia, cap. XIII: *Quis ex multitudine fidelium, quamdiu in hac mortalitate vivitur, in numero prædestinatorum se esse præsumat? Id occultari opus est in hoc loco.* Et Lutherus in epistolâ ad Christophorum Hoffmannum: *Mea sententia est hac, nos debere fidere gratiæ Dei, sed manere incertos de nostra & aliorum futura perseverantia seu prædestinatione, ut ille dicit, qui stat videt ne cadat.*

Utilitas
hujus doctrinæ.

Et sic expediuntur etiam Canones XV & XVI.

X. Ad XII. Præceptorum divinarum observatio, quatenus fidelibus sub pacto Evangelico constitutis necessaria, ne amicitia Dei & salute suâ excidant, eatenus ipsis, præeunte & adjuvante divinâ gratiâ, est possibilis. Qualis vero secundum rigorem pacti legalis requiritur, & in statu innocentiae præstari potuit, talis hodie à renatis præstari non potest. Peccata certe venialia, juxta ipsorum Pontificiorum confessionem, & contra legem sunt veri nominis peccata, à renatis tamen evitari nequeuntur: à quibus nihilominus omnia mandata implentur, quando

quicquid non impletur ignoscitur, ut loquitur Augustinus libro 1 Retract. cap. 19.

XI. Ad Can. XX. Homo adultus, si post acceptam remissionem peccatorum nolit dare operam observationi mandatorum divinorum, sed ea per contumaciam sciens & volens violet, gratia excidit & servari non potest.

XII. Ad Can. XXI. Christus catenus potest dici legem tulisse, quod juxta voluntatem Patris jussit omnes, adjuncta promissione æternæ salutis, & comminatione æternæ mortis, Evangelio & in se credere, credentes item baptismum suscipere, & in suæ mortis commemorationem Eucharistiam usurpare, denique mutuiter diligere. *Hoc est, inquit, mandatum meum, ut diligatis alij alios sicut dilexi vos, Joh. xv, 12. Et mox versu 14. Vos amici mei eritis, si feceritis, quacunque ego mando vobis.* Quando igitur aliorum opera portant, ita complent legem Christi, Galat. vi, 2.

XIII. Ad Can. XXIV. Justitia inhærens augeri potest, sed ea non est formaliter illa ipsa justitia, per quam fidelibus competit jus capeßendæ hereditatis cœlestis.

XIV. Ad Can. XXV. Operi bono potest aliquando adhærere peccatum actuale veniale, potest etiam aliquando abesse. Thomas in iv Dist. 12, q. 12, a. 2: *Non est inconveniens, quod aliqua hora sit homo absque omni peccato veniali, quamvis homo diu durare non potuit propter difficultatem vitandi omnia peccata venialia: ipsum autem opus bonum in se spectatum, nec veniale nec mortale est peccatum.*

XV. Ad Can. XXIX. Amissa per peccata gratiâ, necessariò amittitur Fides infusa, quæ à divinâ gratiâ ita pendet, ut eâ remotâ ipsam quoque intercidere oporteat

Rema

Remanere nihilominus potest si des acquisita, & homo ab hac Christianus appellari.

XVI. Ad Can. XXIX. Qui lapsus est, sine poenitentia non potest in integrum restitui, potest tamen sine illâ poenitentia quam Sacramentum vocant, i. e. sine auriculari confessione & imposita satisfactione.

XVII. Ad Can. XXX. Peccatum remitti ex ipsa rei natura nihil aliud est, quam reatum, i. e. obligationem ad subeundam poenam tolli. Remisso itaque peccato, nulla residua est poena propriè sic dicta, nec ullum est purgatorium, quod quum à veteribus nonnullis & ab Augustino instar opinionis admissum fuerit, nunc sub anathemate definire, nimis est temeritatis.

XIIIX. Canonibus XXV & XXVI agitur de merito bonorum operum. Mereri Tertulliano, Cypriano & cæteris deinceps scriptoribus idem quod consequi. Meritum igitur hoc sensu est medium, quo à nostra parte adhibito aliquid consequimur. Hoc lato significato est aliquod meritum fidei & operum pietatis: nempe per fidem sive interventu fidei consequuntur Fideles vitam æternam, & intervenientibus seu mediantibus pietatis operibus, doctes gloriæ, quæ in ea erunt. Fundamentum hujus consequutionis positum est in gratuita Dei promissione, qui scilicet hujusmodi præmia pollicitus fuit: non autem in dignitate vel æqualitate operis ad præmium. Nec Deus obligatur hominibus propter emolumentum, quod ex operibus humanis in Deum redundat, sed propter suam promissionem. Hinc Bernhardus libro de Gratiâ & libero arbitrio: *Est quam Paulus expectat, corona justitiæ, sed justitiæ Dei non suæ. Justum quippe est, ut reddat, quod debet; debet autem quia pollicitus est. Et hac est justitiæ*

de qua præsумit Apostolus ; Promissio Dei. Præterea quicquid præstare potest homo, ad id præstandum aliàs obligatus est, quemadmodum servus seu mancipium heri suo. Fieri itaque non potest, ut hominis erga Deum sit meritum aliquod propriè dictum & secundum justitiam acceptum, velut Deus homini aliter obligetur, quam in virtute liberæ & liberalis benignæque promissionis. Quod quum inter ipsos Scholasticos multi animadvertissent, meritum illud exploserunt, nempe Liranus, Simon de Cassia, Gregorius Ariminensis, Durandus, Jacobus de alta Villa, Thomas Waldensis, Petrus ab Alliaco, Johannes Gerson, Marfilius ab Ingen., Hadrianus VI, Conradus Koellin & fortè plures. Quin anno cixccc LIV. Guido quidam, qui sententias Parisiis interpretatus fuerat juxta ordinationem Domini Cancellarij Parisiensis ac cæterorum Magistrorum Reverendorum Theologicæ Facultatis, revocare coactus est, quod dixerat *homo meretur vitam æternam de condigno, i. e. quod si non daretur ei fieret sibi injuria, & quod Deus faceret sibi injuriam*, totam ait propositionem revoco tanquam falsam, hæreticam & blasphemam. Revocatio hæc legitur in tractatu de Condemnationibus ac Revocationibus, qui in veteribus editionibus Magistro Sententiarum annecti solet.

XIX. Qui alia docuerunt ociosi potius in umbra disputarunt, nec ipsi ubi in rem præsentem itum, regnum cælorum & valorem suorum meritorum in trutina justitiæ appensorum Deum flagitare ausi sunt, sed potius agnitis peccatis suis agnitisque omnibus meritis ad unicam DEI misericordiam & Christi mortem ac meritum confugerunt. Testes sunt omnes Agendæ Ecclesiasticæ & Exhortatio, quæ Anselmo tribuitur, Agendis sive totidem

dem verbis sive æquipollentibus inseri solitæ: ibi morituri jubentur credere & profiteri, se non proprijs meritis, sed passionis Domini nostri Jesu Christi virtute ac merito ad gloriam pervenire. In Agenda Cracoviensi jussu Episcopi Johannis de Conari edita Cracoviæ morituro præscribitur hujusmodi precatio: Domine, paradysum tuum postulo, non,, ob valorem meritorum meorum, sed in virtute & effica-,, cia tuæ benedictæ passionis, per quam me miserum redi-,, mere voluisti, & mihi paradysum precio tui sanguinis eme-,, re dignatus es. Ipsum mihi conferre festina, propter,, quem nec tuæ divitiæ nec potentia minuentur, nec ipse,, paradysus angustior aut minor efficitur. Amen. In Agen-,, da Gnesnensi, excusa anno superioris seculi XLIX: Interro-,, pag. 38.
gatur æger: Fateriste non ita vixisse in vita tua & statu tuo,, sicut debueras? Deinde: Credis non aliter te posse salvari,, & vitam æternam ingredi, nisi per meritum passionis Domi-,, ni nostri Jesu Christi? Sequitur: Pone ergo totam spem,, & fiduciam tuam in eandem acerbissimam passionem &,, mortem Christi, huic morri te totum committe, nihil du-,, bitans aut desperans de misericordia Dei: Passus enim &,, mortuus est dominus noster Jesus Christus pro te & pro o-,, mnibus nobis, ut nos omnes salvos faceret, & ipse salvabit,, animam tuam. Amen. Porro sacerdos antequam discedat,, ab infirmo, dicit: Committo te omni potenti Deo. — Et si,, quid tentationis aut desperationis occurrerit tibi,ingere &,, committe te cruci, passioni & vulneribus Jesu Christi: &,, hæc habe ante oculos cordis tui, ea mente firmiter teneto,, nec desperare debes, quia pro te mortuus est Dominus no-,, ster Jesus Christus, & quia ubi superabundavit peccatum,, superabundavit & gratia.

XX. Accedat denique Testamentum Cardinalis

Hosij operibus ejus subjunctum , in quo inter cætera in
 „ hunc modum precatur : Confiteor tibi , Pater , quòd gra-
 „ via sunt peccata mea , quibus iram tuam promerui. —
 „ Quamobrem venio ad te , Pater clementissime , venio ad
 „ te nullis meis , sed multis Filij tui Domini & Redemptoris mei
 „ Jesu Christi meritis onustus , qui quum preciosa morte sua
 „ non modo pro meis , verum etiam pro totius mundi pec-
 „ catis abundè tibi satisfecerit , hujus mortis meritum , in quo
 „ solo meam spem & fiduciam omnem habeo defixam , ad-
 „ fero ad te : Hæc est justitia mea , satisfactio mea , redemptio
 „ & propitiatio mea.

XXI. Simplicem hanc doctrinam cuivis salvando
 maximè necessariam primò Scholastici ociosis & à praxi
 alienis quæstionibus intricarunt ; deinde Tridentini in
 easdem sese diffuderunt , & quæ hactenus indifferenter
 habita , & in utramque partem disputata fuerant , non mo-
 dò determinarunt , sed meliorem verioremq; senten-
 tiam , quod omnium deterrimum , anathemati subjecerunt ,
 quemadmodum hîc anathema jubent esse eum , qui dixe-
 rit justificatum bonis operibus non verè mereri vitam æ-
 ternam.

XXII. Canonî ultimo generalia complexo , genera-
 lia opponuntur.

XXIII. Observandum , asperiores seu incommodas
 quasdam B. Lutheri loquutiones in hac Sessione à Triden-
 tinis arripi , & anathemate notari , à Chemnitio autem in
 examine expositas esse.

Ad Sessiohem VII. DE SACRAMENTIS.

I.

AD I Can. Esse septem Sacramenta à Christo institu-
ta, nec plura nec pauciora, sub anathemate definire, ni-
mis temerarium est. Definitas enim Sacramentorum nu-
merus nec Scriptura probari potest, nec consensu veterum.
*Quod septem sint Sacramenta, ait Vazquez, patrum testimo-
niis confirmare supervacaneum est, quia nullus de eorum numero
quicquam speciatim definiuit.*

II. Quomodo differant Sacramenta V. & N. T. quæ-
stio est minimè necessaria. Nos id agamus ut Sacramenta
nostra i. e. quæ sub N. T. celebrari oportet, rectè & secun-
dum Christi institutum & cum spirituali fructu & profectu
nostro celebremus & peragamus.

III. Ad IV. De sola Fide dictum est antea.

IV. Ad V. Propter nutriendam & firmandam fidem
Sacramenta instituta esse, negari non debet, quamvis etiam
alios habeant fructus & effectus.

V. Ad VI. Sacramenta spirituales effectum signis
& actionibus externis congruum seu analogum habere,
conceditur.

VI. Ad VII. Ex opere operato, si accipiatur ita,
ut sit idem quod interventu & virtute operis juxta Christi
institutionem peracti, tum verum est, Sacramenta hoc
modo habere quendam sibi proprium & immediate uni-
tum supernaturalem effectum. v. g. si infans juxta Christi
insti-

institutionem baptizetur, regeneratur, in filium Dei adoptatur, & membrum fit Ecclesiæ Christi, etiamsi, qui baptizat, qui offerunt & adstant, improbi sint & sine devotione & pietate. Pari ratione si S. Eucharistiam improbus Presbyter administret, hypocrita accipiat, hic tamen corpus Domini manducat & sanguinem bibit. Hoc ipsum est quod dicitur in Augustana confessione Art. XIX: *Sacramenta propter ordinationem & mandatum Christi sunt efficacia, etiamsi per malos adhibeantur.* Nemini tamen adulto fide & pietate, & internis animi in Deum motibus, destituto, ulteriora gratiæ dona conferunt. Est quidem phrasis, *ex opere operato*, valde exosa, sed si exponatur, ut sit idem, quod ex vi operis juxta Christi institutionem & mandatum peracti, tolerari potest.

VII. Ad IX. De Characterē rectè dicit Gabriel Biel: *Characterem esse ponendum, nec ratio necessaria demonstrat, nec evidens auctoritas probat.* Item: *Omnia de characterē dicta, pro magna parte voluntaria sunt & modica ratione fulcita.* Characterem itaque anathemate definire, intolerabilis error est. Quod autem Sacramentum iterari non debeat, non ab impresso characterē, sed à ratione divinæ institutionis deducitur.

II. Ad X. Ordinariè & citra causam magnæ necessitatis nemo privatus id sibi sumere debet, ut vel publicè doceat, vel Sacramentum administret.

IX. Ad XI. Intentio quidem quo ad actum externum præstandum requiritur, sed dum à ministro is ipse peragitur, & per circumstantias à numero vulgarium actuum eximitur, & ad sacrum determinatur, intentionem ad ipsum externum actum relatum subtrahi, impossibile est.

X. Ad

X. Ad XIII. Ritus Pontificii præsertim in Baptismo, si non aliter, ad minimum suâ multitudine exorbitant: Tot enim ritus superadditi, ipsum divinum & sacramento essentialem ritum quodammodo obruunt & obscurant, & ab eo unice considerando & observando animos abducunt.

DE BAPTISMO.

I.

AD Can. I. Anathemate ferire illos, qui dixerint, Baptisma Johannis habuisse eandem vim, cum Baptismo Christi, (quum sit quæstio valde dubia & omnis usus expers,) intolerabile est.

II. Ad III. Ecclesiam Romanam esse omnium Ecclesiarum matrem & magistram, falsum est. De cætero canon admodum generalis est.

III. Ad VII. Servator in cœlos ascensurus dixit Apostolis: *Docete baptizatos servare omnia quæ mandavi vobis. Baptizati itaque debitores sunt, non carni, ut secundum carnem vivant, sed Spiritui. Nam si secundum carnem vixerint, morientur. Et, Consepulti sumus Christo per Baptismum in mortem, ut sicut suscitatus Christus est ex mortuis in gloriam patris, ita & nos in novitate vitæ ambulemus.*

IV. Baptizatus tenetur servare præcepta Ecclesiæ, in quâ vivit; ne videlicet ea violet, vel ex contemptu superiorum vel cum scandalo proximi.

V. Ad IX. De votis Confessio Wittenbergica Tridentinæ Synodo oblata rectè: *Non est dubium quin*

vota pia, iusta & legitima sint servanda, ac solvenda, & vota impia sint rescindenda.

VI. Ad X. Ut peccata gravia ac mortalia, contra conscientiam post baptismum commissa remittantur, opus est pœnitentia.

VII. Ad XIII. De fide infantum bene Martinus Chemnitius ad hunc ipsum Canonem: *Quando dicimus infantes credere aut fidem habere, non est imaginandum, infantes intelligere aut sentire motum fidei, sed rejicitur error eorum, qui imaginantur, infantes baptizatos placere Deo, & salvos fieri sine aliqua actione S. Spiritus in eis. — Quum ergo certum sit infantes baptizatos esse membra ecclesiæ & placere Deo, certum & hoc est, Sp. S. in ijs efficacem esse, & quidem ita efficacem, ut regnum cœlorum h. e. gratiam Dei & remissionem peccatorum accipere possint. — Ergo oportet Sp. Sanctum in infantibus qui baptizantur efficacem esse & operari, ut regnum Dei quod in baptismo offertur & donatur, accipere possint, suo quodam modo nec satis cognito nec explicabili.*

IIIX. Ad XIV. Pueros adultiores priusquam ad S. Eucharistiæ usum admittantur, publicè Christianam fidem profiteri, & in ea confirmari, adhibitâ etiam, si ita videtur, manuum impositione, nec indecorum nec inutile fuerit, non tamen prorsus necessarium.

DE CONFIRMATIONE.

TRibus capitibus de Confirmatione opponimus: Christum instituisse pro baptizatis Sacramentum, cuius ministrum voluerit esse Episcopum &c. Amen: Id nec

nec ex Scriptura nec ex antiquitatis consensu probari posse.

Quin Eugenius IV Instructione Armeniorum docet, Apostolos per manuum impositionem Sp. S. dedisse, *lôco autem*, inquit, *illius manus impositionis datur in Ecclesia Confirmatio*. Si esset Sacramentum à Christo institutum, impositio manuum in ritus illos planè diversos commutari nulla humanâ vel Ecclesiasticâ potestate potuisset. Adde apud Græcos ritum prorsus esse alium. Formulâ utuntur: *Σφραγὶς δωρεᾶς πνεύματος ἁγίου, Ἀμήν* : *Signaculum doni Sp. Sancti, Amen.*

E ritu variabili Sacramentum à Christo institutum facere, & sub anathemate definire, intolerabilis error est.

Ad Sessionem XIII, quæ ter- tia sub Julio Tertio, DE SACRA EUCHA- RISTIA.

Quoniam doctrina capitulorum in cano-
nibus repetitur, ad hos tantum
nunc respiciemus.

I.

AD Can. I. Corpus Christi quod in S. Eucharistia manducatur, non inanime est, sed animatum, idemque Deitati personaliter unitum. Hactenus itaque sine anima & sine Deitate non adesse conceditur.

D 2

II. Ad

II. Ad II. Totam substantiam panis in corpus Christi; & vini in sanguinem converti, & accidentia sine subiecto remanere, non potest è verbis institutionis evinci. Rejicitur itaque ista Transsubstantiatio, tum quia à vero aliena, tum quia pedissequas trahit alios errores, v. g. quod Eucharistia sit Sacramentum permanens, quod adoratio ad hostiam dirigi debeat.

III. Quando in hac sacrâ actione panis editur aut quæcunque pars panis benedicti, editur etiam corpus Domini.

IV. Ad IV. Præsentia extra usum Transsubstantiationi inædificatur, & propterea hac ruente ipsa quoque corrui.

V. Ad V. Finem proximum S. Eucharistiæ, esse ut mors Domini nobis in memoriam efficaciter revoce-
tur & commemoretur; ex ipsius Domini & S. Pauli verbis certum est. Seria & viva hujusmodi recordatio præterquam quod fidem firmat, alios quoque effectus parere poterit.

VI. Ad VI. Christum qui in Eucharistiâ exhibetur, in spiritu & veritate adorandum nemo negat. At adorationem ad aliquod sensibile, tanquam sub eo permanenter Christus esset, dirigi, error est ex Transsubstantiatione natus. Qui ita adorant, non intendunt quidem adorare, nisi Christum, sed ab indicibus, qui panem tanquam Christum ostentant, decipiuntur; sicut quum in terris ageret Christus, si aliquis eum de facie sibi ignotum adorare cupidus ab indice deceptus fuisset, & in vicem Christi Petrum adorasset. In hujusmodi autem adorationem nemo, cui constat, non nisi panem adesse, consentire salvâ conscientia & sine crimine idololatriæ potest. Porro ut panis consecratus circum-

eum gestetur, nec institutioni congruum est, nec praxi antiquitatis. Quatenus autem ad cultum patriæ exhibendum circumfertur, id prorsus rejicitur.

VII. Ad VII. Aniquitus Eucharistiam in usum ægrotorum in paucos dies reservari solitam fuisse conceditur. Rectius tamen fuerit & institutioni magis congruum, apud ægrum in aliquo cœtu, quamvis exiguo, eam celebrari.

IIIX. Ad IX. Dies & hora & locus celebrandæ Eucharistiæ ab Ecclesia constitui potest: Etiam hoc, ut quisque Christianus minimùm semel in anno (satis quidem parcè, Christiano magis dignum ut frequentius) eâ utatur.

IX. Ad X. Presbyterum celebrantem ipsum sumere, quod aliis porrigit, non quidem admodum improbatur, convenientius tamen, si alterius ministerium interveniat.

X. Ad XI. Fides ita hîc requiritur, ut tamen propositum à peccatis abstinendi, & piè vivendi non excludatur: requiritur, inquam, fides efficax & viva, non otiosa & mortua. Confessio presbytero facienda, ad impetrandam peccatorum veniam, non est absolutè necessaria.

Ad Sess. XIV, quæ fuit quarta sub Julio III, DE POENITENTIA.

I.

DOctrinam de Pœnitentia maximè profecto Ecclesiæ necessariam, sicut olim Pontifices & Pontificij ad potestatem suam in immensum evehendam, & quæ-

stum faciendum detorserunt; ita hîc Tridentini Scholaſtici quæſtionibus & tricis involvunt & obſcurant, quin alicubi corrumpunt, ne poteſtatis, quam hæcenus uſurpaverunt, & quæſtus, cui adſveverunt, detrimentum patiantur.

II. Agitur autem de Pœnitentia, quæ poſt acceptum baptiſmum homini renato fideli, ſed peccatis nihilominus obnoxio, neceſſaria. Peccata fidelium vel ſunt graviora, per quæ adverſus conſcientiam commiſſa è ſtatu gratiæ & amicitia Dei excidunt; vel quotidiana, quæ venialia ſolent appellari, commiſſa non deliberatò & per contumaciam, ſed ex infirmitate, quæ in hac mortali vita ſemper eſt reſidua: Propter hæc peccata, quotidie, quemadmodum nos precari juſſit Servator noſter, dicimus: *Dimitte nobis debita noſtra &c.* Hinc Auguſt. Enchiridio ſuo ad Laurentium cap. LXXI: *De quotidianis brevibus levibusque peccatis, ſine quibus hæc vita non ducitur, quoditiana oratio ſatisfacit.*

III. Graviora verò illa graviorem quoque & magis ſeriam pœnitentiam requirunt: Si ſint occulta, nihil obſtat, quin peccator pœnitens cum Deo ſolus, ut ita dicam, tranſigat, ſeu Deo reconcilietur, Eccleſiâ ſeu miniſtris Eccleſiæ nullis intervenientibus. Nempe quando de agnito ſuo delicto vel hoc potiffimum nomine, quod Deum maximè offenderit, ſeriò dolet, idque deteſtatur & averſatur cum propoſito nunquam id iterum perpetrandi, tum amoveretur illud impedimentum, quod hæcenus obſtitit, quo minus Deo fidere, ſive in Deum vivâ fide ferri potuerit. Eſt Chriſtianus, & propterea etiamſi peccaverit, omni tamen fide, ſaltem acquiſita non deſtituitur. Peccatum cui hæcenus inhæſit, facit quidem ut careat

careat gratiâ inhabitante, & propterea non credat, quemadmodum oportebat credere, nec possit Deo, tanquam propitio, fidere: ubi autem excitatus divinâ gratiâ peccatum incipit odisse & averfari, removeretur illud obstaculum & virtute ejusdem gratiæ per Evangelium ejusque promissiones denuo apprehensas redit vera & viva fides, quæ, jacentem rursus erigit, & de impetrandâ per Christi meritum à Patre misericordiarum peccati veniâ certum reddit. Sic igitur in pristinum statum restituitur, & novam vitam denuo vivere incipit.

IV. Ejusmodi peccatori non quidem absolutè necessarium, utile tamen fuerit, si conditionem suam. & quid eum angat, ministro Evangelij indicet: Qui si deprehenderit, eum seriò dolere, peccatum detestari, & propositum in posterum abstinendi habere, fide autem Evangelicas promissiones apprehendere & propter Christi meritum veniam sibi promittere, potest generalem Evangelij doctrinam de quibusvis verè pœnitentibus & credentibus veniæ participibus & damnatione eripiendis, huic individuo applicare, & impetratam à Deo peccati remissionem annunciare & confirmare. Aliud quod attinet remissionem peccatorum, prout ab ipso Deo, sive in foro, ut ita dicam, divino, impetrat, & obtinetur, minister præstare non potest, sicut non modò priscei doctores, sed ipse etiam Magister Sententiarum & multi Scholastici agnoverunt.

V. Sortitur autem peccator quadruplex forum, ut ita liceat loqui, præsertim si peccatum non fuerit occultum, sed publicè notum & manifestum: Reconciliari enim debet Deo, in quem peccavit, qua de re jam fuit dictum: item Magistratui & Reipub. quam & ipsam offendit: rum

tum Ecclesiæ in quam redundavit scandalum & opprobrium, inde quod quidam Ecclesiæ civis se ita male gesserit; denique privato, si forte peccato suo privatum læsit aut injuriâ affecit. Accedit quod eum ecclesia ad pristinam cum fidelibus communionem admittere non debeat, nisi prius constet de vera ejus pœnitentia, quam proinde certis & seriis indiciis ut comprobata det, necesse est. Hinc satisfactiones Canonicae: *satisfacere* autem ex antiquo latinè loquendi usu est *deprecari*. Sic Alcumena apud Plautum;

Amphitr.
Act III.
Sc. II.

— — — *quin ego illam aut deferam*
Aut satisfaciat mihi, atque adjuret insuper
Nolle esse dicta, quæ in me insontem contulit.

Svetonius in J. Cæsare cap. LXXIII: *Catullum satisfaciētem eā die adhibuit cœnæ*. Parili sensu scriptores ecclesiastici. Cyprianus de unitate Ecclesiæ, cap. XVII: *Lapsi Deum plenus satisfactionibus deprecantur*. Lactantius lib. VI, Instit. cap. ult. *Si quid mali evenierit, satisfaciat, & id sibi ob peccata sua fateatur evenisse*. Satisfacere igitur erat deprecari, peccatum agnoscere & fateri, & conceptum animi ex commisso facinore dolorem, externis luctus & submissionis signis testari. Talia per aliquantum tempus continuata requirebat à notorio & scandaloso peccatore Ecclesia, priusquam eum reconciliaret, & pristinæ fidelium communioni restitueret; si tamen animus verè Pœnitens & Christo fide innixus, non putandum est internam cum Deo reconciliationem eò usque dilatam fuisse, donec explerentur satisfactiones illæ Canonicae, & per impositionem manus perficeretur pœnitentis cum Ecclesiâ reconciliatio & communio nis restitutio.

VI. Est autem hîc observandum, duplicem fuisse com-

communione privationem sive excommunicationem : Unam poenalem vel absolutam , adversus contumaces , qui ne quidem semel atque iterum moniti à notoriis criminibus abstinere , resipiscere vel veniam petere vellent , exerceri solitam , & Anathema propriè dictam : Alteram Medicinalem , sive , si ita loqui liceat , Pœnitentialem , quæ videlicet pœnitentibus , ac veniam & reconciliationem petentibus ac desiderantibus imponebatur. In utraque sive impositâ sive remotâ positus est legitimus usus clavium ad ligandum & solvendum ; quodque ita in terris sive in Ecclesia agitur , ligatur vel solvitur , hoc Deus probat & ratum habet in cœlo. Sicut autem Ecclesia satisfactiones Canonicas imponere & tempus exantlandis præfigere potuit , ita quoque animadversâ pœnitentis seriâ conversione , & sincerâ devotione , vel aliâ ad rem faciente circumstantiâ remittere & relaxare. Hæc antiquitus erat Indulgentia.

VII. Diximus peccatorem pœnitentem quadruplex sortiri forum , Divinum , Politicum , Ecclesiasticum & Privatum , ut scilicet etiam cum privato , quem forte injuriâ affecit , transigat. Quod autem in uno horum agitur vel transigitur , alteri non præjudicat , nec facultatem jus suum prosequendi adimit : v.g. privatus condonavit injuriam sibi factam , cædem puta fratris vel cognati. Hoc non obstante integrum tunc est Ecclesiæ satisfactionem , tunc reipub. poenam exigere. Quin etsi cum Deo per veram pœnitentiam sit transactum , Resp. tamen non renetur condonare multam sibi debitam , nec Ecclesia satisfactionem Canonicam. Sic absolutus in foro Ecclesiastico nihilominus obligatur ad subeundam poenam à reipub. inflictam , & vice versa qui magistratui Politico

satisfacit multâ, vel carcere, hoc ipso non reconciliatus est Ecclesiæ.

IIIX Porro remittere culpam vel peccatum nihil aliud est, quàm poenam peccato debitam condonare. Facinus, ut homicidium, adulterium, furtum, est perpetratum, nec fieri potest, ut perpetratum non sit; nec ipsum secundum esse suum superest in rerum natura. Cæterum qui perpetravit reus est sive obligatus ad subeundam poenam. Tale itaque peccatum, crimen vel facinus remitti, nihil aliud est, quàm illam obligationem tolli, & poenam, quæ exigi jure possit, condonari. Non potest igitur remissio poenæ separari à remissione culpæ, nempe ut remissâ culpâ reserveretur luenda poena. Loquimur autem de poenâ propriè dictâ, vindicativâ scilicet, quæ per actum justitiæ infligatur. Nam remissâ poenâ propriè dictâ, nihilominus Deus suis fidelibus benignâ & paternâ providentiâ immittit afflictiones, ad eos castigandos, probandos, cautiore reddendos & à peccatis deterrendos. *Quem diligit Dominus castigat: flagellat autem quemcumque filium agnoscit. Si castigationem sustinetis, Deus sese vobis exhibet, ut filiis. Quis enim est filius, quem non castigat pater?* Hebr. xii, 6 & 7. Hujusmodi afflictiones, non vindicativæ, sed medicinales, correctionis & præservationis vel etiam probationes ergo divinitus immixtæ non subsunt clavibus aut potestati ecclesiasticæ, ut per eam ejusve indulgentias tolli vel relaxari possint. Nec ad eas sive averrendas sive mitigandas aliud quidquam conferre potest ecclesia vel ullus mortalium, quàm deprecationes, quas vetusto vocabulo satisfactiones etiam appellari paullò antè monuimus, jejuniisque & signis poenitentiae & doloris sive acui sive manifestari non negamus; & emendationem vitæ.

IX. Hisce ita expositis & perceptis faciliè intelligi potest, quomodo Synodus Tridentina totam hanc doctrinam partim intricarit, partim depravarit, & opiniones tum falsas tum incertas & merè Scholasticas sub anathemate definierit.

Nempe Canone I definit Poenitentiam verè & propriè Sacramentum esse; quæ quæstio non est nisi Scholastica, ejusque decisio pendet à variâ, imò propemodum arbitrariâ vocabuli acceptione.

Canone III Presbyteris tribuit potestatem remittendi peccata, quoad ipsum forum divinum. Quod falsum est, & ad eminentiam ordinis Ecclesiastici augendam invecum.

Canone IV de materiâ pœnitentiæ ejusque partibus (quæ doctrina istis terminis proposita non nisi Scholastica est) sub anathemate definit. Mirum autem, quum forma sit juxta Pontificios *Ego te absolvo*, quomodo ad materiam pertineat, ejusque pars esse possit satisfactio, quæ hodie formam, per quam aliàs res in suo completo esse constituitur, aliquo intervallo subsequitur. Olim satisfactiones canonicæ absolutionem præcedebant, non sequebantur.

Can. V Quomodo dolor de commisso peccato & Deo ad iram provocato sit liber & voluntarius, quæstio est Scholastica.

Canone VI Confessionem auricularem juris Divini esse, falsum.

Can. VII & IIX. Enumerationem omnium peccatorum itidem juris divini esse, falsum.

Can. IX Absolutionem sacerdotalem quò ad remissionem peccati coram Deo, sive quo ad forum Divi-

num, esse actum judiciale, falsum. Hanc remissionem ab intentione Sacerdotis seriò vel joco agentis pendere, itidem falsum.

Can. X. Ligare & solvere per excommunicationes & satisfactiones canonicas vel impositas vel relaxatas, maxime ad Ecclesiæ Præsides pertinet. Olim tamen consensus etiam populi Christiani requirebatur. Cyprianus epistolâ LV. *Vix plebi persuadeo, imò extorqueo, ut tales patiantur admitti.*

Can. XI. Episcopos vel superiores sancire posse, ut absque suo scitu & consilio inferiores & imperitiores Parochi in casibus gravioribus nihil constituent, ne excommunicationum & satisfactionum canonicarum abusus irrepât, conceditur. Tales autem casus è provincijs ubi contigerunt, Romam evocari, intolerabile olim judicarunt Patres Africani in Concilio, cui interfuit Augustinus.

Can. XII, XIII & XIV. Remissâ culpâ remanere poenam vindicativam à divinâ justitiâ infligendam, & pro eâ divinæ justitiæ per actiones humanas satisfieri, vel peccata redimi posse, falsum est.

Can. XV. Virtute clavium sive potestate ecclesiasticâ in foro Divino remitti culpam & poenam æternam, temporalem verò, quæ sit poena propriè dicta & vindicativa, exsolvendam remanere, & in opera, quæ poenalia vocant, converti posse, commentum est. Et hæc tamen omnia sub anathemate definit Concilium Tridentinum, si-
ve ut ipsum loquitur, *asserentes contrarium perpetuò damnas & anathematizat.*

DE EXTREMA UN- CTIONE.

VNctio, cujus mentio fit Marci vi, 13 & Jacob. v, 14. quamdiu donum miraculosæ sanitatis in ecclesiâ viguit, intervenientibus serijs & ardentibus precibus, effectum habuit depulsionem morbi & recuperationem pristinae valetudinis. Nempe accersiti Presbyteri ægrum de peccatis, propter quæ castiganda sæpe à Deo morbi immittuntur, commonebant, & ad emendationem seriò meditando incitabant, Deum ardentem pro eo deprecabantur, & adhibitâ unctione morbum aliquando depellebant. Hortatur igitur ægros Apostolus Jacobus, ut Presbyteros accersant: esse enim spem non vanam, fore ut eorum operâ, precibus, monitis, sanitati tum corporis tum animæ restituantur. Leguntur apud Tertullianum & Hieronymum procuratæ per ejusmodi unctionem sanitatis exempla. Deficiente curationis dono mansit ritus unguendi, quamvis sine effectû. Pontificij itaque, quum sanitatem non possent, effectum assignarunt abstersionem reliquiarum peccati. Recuperandæ tamen sanitatis & non abstergendorum peccatorum ergo, primitus adhibitum fuisse, vel hoc indicium est, quod hodie apud ipsos Pontificios extremo supplicio afficiendi non unguuntur. Si unctio ad abstergenda peccata faciat, quis magis indigeat quàm illi? Sin ad valetudinem, illis conferre ridiculum fuerit. Juxta veteres nonnullas Agendas ungitur membrum, quod maximè dolet. Quinque igitur Synodi Tridentinæ de extremâ unctione anathematibus opponimus hanc thesin: Fal-

sum est Christum pro moribundis ad delendas reliquias peccatorum instituisse Sacramentum verè & propriè dictum, cujus *Minister* sit Presbyter, *Materia remota* oleum olivæ ab Episcopo benedictum; *proxima* inunctio oculorum, aurium, narium, labiorum, manuum, pedum: *Forma* verò; Per istam unctionem & piissimam misericordiam suam indulgeat tibi Dominus, quicquid deliquisti per visum, per auditum, per odoratum, per gustum, per tactum, per incessum pedum, Amen.

Sessioibus XV, XVI, XVII, XIIIX, XIX, XX, nullum dogma tractatum fuit.

Sessione XXI (quæ fuit V sub Pio IV, habita post restaurationem Concilij die xv i Julij anno 1562,) Conatur Communio-
nem sub una defendere, negans à Christo præceptum esse, ut sub utraque sumatur, & more suo dissentientibus anathema dicit. Advocat præterea in subsidium concomitantiam, quam vocant, & anathema jubet esse eum qui negaverit totum & integrum Christum sub una panis specie sumi. Ex rei quidem natura vivum corpus sanguinem in concomitantiam trahit, sed vice versâ sanguis non trahit corpus in concomitantiam. Quicquid autem de hac ipsa sit, jubet Servator noster in Sacramento corpus sumi seorsim ad modum cibi, & sanguinem seorsim ad modum potus. Huic præcepto non satisfacit,
quum

quum sumitur solus panis benedictus, & non sumitur vinum. Quibus jam de Divino præcepto constat, & ex verbis Domini apud animum suum persuasi sunt, nullo modo pati poterunt se induci ut communionem sub unâ vel admittant vel probent. Præceptum Divinum cognitum conscientiam obstringit. At Tridentini eos qui præceptum divinum agnoverint, anathemate feriunt, & *consuetudinem sub alterâ specie communicandi pro lege habendam decernunt, quam sine Ecclesie auctoritate mutari non liceat.* Consuetudinem igitur & legem suam dum præcepto Christi opponunt, enormiter admodum exorbitant & schisma stabiliunt, quin immedicabile reddunt. Quare tamen omnes, qui hætenus rem non adsequeuti nec edocti sub unâ communicaverint, damnandi non sint, ostensum est Resp. Moguntinis opposito, num. 25. seq.

Sessione XXII, quæ fuit sexta sub Pio IV, Sancit Tridentina Synodus, Sacrificium Missæ quod vocant. Non est autem hic error minus intolerabilis quàm prior. Et quidem quum in S. Eucharistiâ adsit qui pro nobis in arâ crucis semetipsum hostiam obtulit, si nihil aliud intelligatur, fuerit in Eucharistiâ sacrificium & quidem propitiatorium, materialiter scilicet; sed ipsam formalem sacrificij rationem in sacrificandi actione positam, hic constituunt. Jam verò propter actiones & ritum, quo passio Domini suo modo adumbratur & commemoratur, possit Eucharistia, vocabulo latius accepto, sacri-

sacrificium dici. Sed commemoratio beneficii non est sacrificium verè & propriè dictum, quemadmodum representatio aliqua vel commemoratio praelii non est verè & propriè dictum praelium. Quoniam & cum peragitur Eucharistia, Christus pro nobis passus Deo Patri ab animo fidei per preces offertur, poterit etiam hoc respectu dici Christus offerri. Sed si hæc oblatio ad eam quæ in cruce facta fuit, conferatur, toto genere discrepat & solo nomine convenit. At Tridentini statuunt peragi sacrificium verum & proprium, & quidem propitiatorium. Nempe juxta eos cap. 2, *unam eandemque hostiam idem nunc offerri Sacerdotum ministerio, qui se ipsum tunc in cruce obtulit, solâ offerendi ratione diversâ.* Quæro quæ sit hæc diversa offerendi ratio? Si essentialiter dixerint, aut concesserint sacrificium in Eucharistiâ essentialiter & secundum speciem differre à sacrificio in cruce oblato, veritati appropinquabunt. Sed non concedunt nisi accidentalem diversitatem positam in discrimine cruenti & incruenti, quod rem ipsam uti in se est, siue veram propriamque sacrificii rationem variare negant. Capiendo itaque sacrificium formaliter & pro actione sacrificandi docent sacrificium Presbyteri in altari & sacrificium Christi in cruce non differre essentialiter sed tantum accidentaliter, non specie sed saltem numero. Exstructo igitur ad eum modum sacrificio propitiatorio verè & propriè dicto, pergunt & sacrificium à sacerdote solo, victimam scilicet versare valido, peragi posse asserunt. Hinc Missæ solitariae & sine communicantibus, apud Pontificios multo frequentiores, quàm quibus communicantes intersint, sæpè adeò solitariae, ut præter sacrificium & ministrum puerum nemo compareat. Quas & institutioni Christi benedictum panem & vinum distribu-

entis

entis, & praxi universæ antiquitatis ad millesimum usque annum Christianum, & ipsi Romano canoni, distributio-
nis & participationis olim usitatæ manifestum indicium
(verba sunt: *Quotquot ex hac altaris participatione sacrosan-
ctum corpus & sanguinem filii tui sumimus: item, prosunt no-
bis Domine sacramenta quæ sumimus. &c.*) facienti adversari,
nullum est dubium. Qui itaque rem capit & intelligit,
illæsâ conscientiâ nec sacrificium propitiatorium formaliter
acceptum proprièque dictum nec missam sine commu-
nicantibus admittere vel probare potest. At Tridentini
non admittentibus sacrificium propriè dictum & propitia-
torium, & per verba *Hec facite &c.* Apostolos sacerdo-
tes institutos & ejusmodi sacrificium offerre jussos ne-
gantibus, & Missas solitarias sive communionem destitutas
improbantibus anathema irrogant. Quo perseverante,
aut non mitigato vel abrogato, irreconciliabiles sunt.

Sessione XXIII, quæ fuit VII

sub Pio IV., agitur de Ordinatione, quæ ut verè & pro-
priè dictum sacramentum sub anathemate agnoscenda pro-
ponitur. Non tamen additur quot & quæ ordinationes sa-
cramenta sint. Nam quum ordinatio presbyteri sive Sacer-
dotis differat specie ab ordinatione Diaconi, & huius ab
ordinatione Subdiaconi, & sic de reliquis minoribus ordi-
nibus; inde efficietur, sacramenta non tantum septem esse,
sed omnino plura. Sicut autem in Ecclesia sacrificium
pro actione sacrificandi acceptum verum & proprium esse

volunt; ita quoque pari ratione sacerdotium, quod si propriè & uti in V. T. capitur, officium est divinitus institutum ad peragenda & celebranda sacrificia propriè dicta. Quum autem N. Testamenti nullum sit sacrificium propriè dictum, nisi quod in arâ crucis Christus obtulit, id secundum esse suum, vel ita ut idem specie habeatur, repeti nequeat; inde efficitur nullum esse N. Testamenti sacerdotem, vocabulo strictè & propriè accepto, præter Christum. Cæterum quum sint complura in latiori significatu sacrificia, ad quæ offerenda Christiani tenentur. Hinc in scriptura non quidem uspiam presbyteri, sed omnes Christiani sacerdotum titulo, itidem juxta latiore significatum insigniuntur, ut patet ex-1 Pet. ii, 5 & 9; Apoc. i, 6. Quoniam autem Presbyteri sub N. Testamento *ἱεργὺσι τὸ εὐαγγέλιον τῷ Θεῷ*, ut S. Paulus loquitur Rom. xv, 16, sive Evangelio tanquam sacro cuidam operantur, populo precanti in cœtu publico verba præcunt, imo ad presbyterorum preces (verba sunt Hieronymi) *Christi corpus sanguisque conficitur*, i. e. materia panis & vini proposita, talis efficitur, ut sumta sit *κοινωνία* corporis & sanguinis Christi, qualis non esset nisi Presbyterorum benedictio, gratiarum actio & preces præcederent; Hinc factum ut prisca ecclesiastici, qui aliàs amarunt vocabula sub V. T. usurpata rebus in Novo usitatis accommodare, Presbyteros secundum analogiam aliquam appellarint sacerdotes, quemadmodum etiam Diaconos Levitas vocare solent. Sed ut diximus, Tridentini, quemadmodum sacrificium ita quoque sacerdotium propriè dictum sub anathemate fanciunt; item ordinationem esse verè & propriè sacramentum, perque eam vi operis peracti (ita enim ac-

cipi

api oportet) Spiritum S. dari; & differentiam inter Episcopos & Presbyteros juris esse divini; & Episcopos qui autoritate Romani Pontificis adsumuntur (titulares intelligere videntur) legitimos & veros Episcopos esse; hæcque omnia adhibitis anathematibus; quæ si abessent, errores illi non omnino intolerabiles haberi possent. Intolerabile autem nunc est, omnes qui diversa sentiant, anathemata audire, & consortio Christianorum excludi. Hoc quoque notandum, Tridentinos, dum Canone VII ordines ab Episcopis collatos *sine populi vel potestatis secularis concessu* ratos esse jubent, videri imminuere jura vocandi patronis & plebi Christianæ competentia; & dum negant legitimos verbi & sacramentorum ministros esse, qui nec ab Ecclesia & Canonica potestate rite ordinati nec missi sunt, videri pastores & ministros Ecclesiarum protestantium rejicere & damnare.

Sessione XXIV, quæ fuit

Octava sub Pio IV, definiunt more suo sub anathemate Matrimonium esse verè & propriè sacramentum N. Testamenti; & proinde (virtute scilicet actus ita facti) gratiam conferre; item Ecclesiam potuisse constituere impedimenta matrimonii dirimentia alia quam in scripturis prodita. Item, propter alterius conjugum adulterium matrimonium non posse dissolvi. Item clericos in sacris ordinibus constitutos matrimonio recte prohiberi item causas matrimonia-

les ad iudices ecclesiasticos, magistratu videlicet politico planè excluso, spectare. Quæ quum omnia falsa sint, & nihilominus anathemate feriantur, quiennque adfensi non fuerint vel contradixerint, hoc ipso quæ alias ferri fortè vel dissimulari possent, intolerabilia reddiderunt.

Sessione X X V & ultimâ

per biduum habita diebus III & IV Decemb. anno MDLXIII, Tridentini patres cœdio tandem, ut videtur, affecti, rem præcipitant, & agendi ordinem immutant.

Purgatorium ajunt à se antehac stabilitum esse; nempe Canone XXX sessionis VI ubi anathema crepant, à quo hic abstinent. Inædificatur autem purgatorium pœnis temporalibus, à remissione culpæ & pœnæ æternæ virtute clavium ecclesiasticarum separatis. Nos autem negamus virtutem clavium ad remissionem & retentionem, quæ fiat coram ipso Deo seu in foro divino, sese extendere aliter, quam ut doctrina Evangelica ad singulares casus & personas, sive thesis ad hypotheses, ut loqui solemus, transferatur, & secundum eam verè pœnitentibus remissio, in pœnitentibus retentio denunciatur & confirmetur. Negamus etiam remissâ culpâ remanere pœnam quandam propriè dictam & à justitia vindicativa infligendam. Negamus ecclesiasticam aliquam potestatem ad inflictiones sive probationis, sive emendationis, sive præservatio-

nis

nis ergò divinitus immisſas, extendi vel in eas aliquid poſſe; aut eccleſiæ aliter eas avertendi & minuendi poteſtatem competere, quàm per deprecationem & emendationem. Eccleſia quidem virtute clavium ſibi creditarum privationem ſuæ communionis & ſatisfactiones canonicas quemadmodum imponere & aſtringere, ita quoque remittere poteſt & relaxare. Sed hæc nihil ad purgatorium. Quod proinde non niſi ſub dubio & opinionis inſtar ab Auguſtino propoſitum, & ab alijs veteribus ita, ut ſententijs admodum varient, admiſſum fuit. Ex quo autem credi cœpit omnino eſſe purgatorium & Miſſam eſſe ſacrificium propriè dictum, quod ex ſe & opere operato (quicquid ſit de opere operantis) animabus in purgatorio prodeſſe & applicari poſſit; & omnium Miſſarum, diſciplinarum, abſtinentiarum, bonorumque operum, quæ in ordinibus monaſticis fiant, participationem in vita pariter & in morte concedi poſſe: ex eo multiplicatæ ſunt non ſuperſtitiones minus quàm proventus monachorum & numerus Miſſarum ſolitaria- rum in immenſum auctus. Vetant quidem Tridentini *incerta, vel quæ ſpecie falſi laborant, evulgari ac tractari. Ea quoque, quæ ad curioſitatem quandam aut ſuperſtitionem ſpectant, vel turpe lucrum ſapiunt, prohibent.* Agnoſcunt igitur inter alia quæ apud ipſos de purgatorio, vel eo poſito fieri ſoleant, incerta & quæ ſpecie falſi laborent, item quæ ſuperſtitioſa & turpe lucrum ſapiant, occurrere. Quæ vero hæc ipſa ſint, non indicant, ut ex ejuſmodi indicio corrigi poſſint. Videntur igitur emendationem magis promittere & oſtentare, quàm cupere & præſtare.

A purgatorio tranſeunt ad Sanctorum invocationem, reliquias & imagines. A ſanctis tanquam autoribus

petere remissionem peccatorum, gratiam, vitam æternam, & ea quæ largiri solius DEI est, à crimine idololatriæ non est immune. Tales autem preces, quæ aliter, ut verba quidem jacent & sonant, accipi nequeunt, & olim fuerunt, & hodiè supersunt. Quas merito non saltem contortè exponere, sed rejicere & penitus abolere pontificios oportet, si à diro illo crimine ejusque suspicione Ecclesiam suam liberari cupiant. Intercessio ut à vivis ita quoque à mortuis peti utiliter possit, si quemadmodum illi ita hi quoque alloquutiones nostras audirent & perciperent. Quod quum probatione destituatur, nec certum sit, animas beatorum separatas Deum videre nec inde, etiamsi certum foret, colligi queat, eas in Deo cognoscere & videre quicquid Deus cognoscat, inde efficitur illud in Ecclesiâ Pontificiâ usitatum **ORA PRO NOBIS** fructus & effectus expers esse. Nobis autem non indignabuntur si pro illo quod ipsi dicunt, S. Petre, S. Paule ora pro nobis, nos dicere malimus, Jesu Christe fili DEI miserere nostri & apud patrem tuum cœlestem pro nobis intercede. Nec negabunt certius esse hanc precationem exaudiri & effectum sortiri quàm alteram qua sanctorum animæ compellantur. Efferre eas secum memoriam suorum quibus in hac vita conjuncti fuerunt, & novisse quod adhuc in terris Ecclesia militet, & multis cum adversitatibus conflictetur, id verò negare nolumus. Neque inficias imus, ea caritate pollere ut pro ijs quos amarunt, & pro ecclesia quam militare norunt, Deum velint precari. Sed quum caritate, qualem diximus, maximè flagrent, sua sponte id officium præstabunt, ut nostris monitis & colloquijs incitari nihil opus sit. Quæ si vel maximè à nobis

nobis adhibeantur , ab ipsis tamen non percipiuntur , & proinde frustra instituuntur. (Observa obiter : Absolvunt ab idololatria , morem invocandi Sanctos ab hac vita liberatos , in id ut pro nobis orent. Lutherus in epistola ad Georgium Spalatinum & ad Erfordiensēs , Oecolampadius in annot. ad Chrysostom. Grotius discussione Apologet. Rivet. pag. 105 , in f.

Reliquiarum & Imaginum eam rationem haberi fatis est , ne irreverenter & ignominosè tractentur vel abjiciantur : cultus alius , qui positivus sit , ijs non competit. DEI invisibilis visibiles imagines formari , pravum est. Etiam si vero Christus imagine exprimi queat , & per hanc conspectam memoriâ Christi in animis hominum excitatâ , ipse apud imaginem adorari ; qui tamen coram imagine procubuerit , intuentibus scandalum & speciem idolatriæ præbebit.

Subdunt denique non admodum multa de Indulgentiis. Indulgentias aliarum pœnarum Ecclesia concedere non potest , nec olim concessit , quam quas ipsa in foro pœnitentiæ imposuisset. Nihilominus Tridentini anathemate damnant eos , qui quales hodiè in usu sunt , & non Canonicas satisfactiones , sed pœnas à Deo infligendas vel in purgatorio luendas concernunt , *aut inutiles esse asserunt , vel eas concedendi in ecclesia potestatem esse negant.* Abusus , pravos quæstus & corruptelas agnoscunt quidem , sed non nisi generaliter attingunt. Jejunia in abstinentiâ , non in delectu ciborum posita & ab opinione meriti immunia probantur.

Atque

Atque ita jejuniorum ac festorum commendatione, concludunt Tridentini, nulla alia remagis horribiles quàm anathematibus in quosvis dissentientes evibratis. Quæ quamdiu valida censentur & Pontificij quoscunque aliter sentientes vi horum anathematum hæreticos & communionem fidelium & nomine Christianorum indignos reputant, fieri non potest ut inter partes speretur conciliatio.

F I N I S.





GEORGII CALIXTI CONSIDERATIO

DOCTRINÆ REFORMATOIVM
JUXTA DUCTUM CONFESSIONIS

ANNO c15 I5 c XLV.

IN COLLOQUIO THORUNIENSI
OBLATÆ.

DE PECCATO.

Peccatum originis non tantum in iustitia nudâ carentiâ,
sed etiam in pravitate, seu pronitate ad malum consi-
stet. Hanc pravitatem & pronitatem ita existimo Num. v.
intelligi, ut ipsa pronitas sive concupiscentia, tam-
quam aliquid materiale, prava sit, propter adhærentem inor-
dinationem sive *avouias*, tamquam formale, quod faciat eam
esse peccatum, & propter quod etiam dicatur esse pravitas &
pronitas ad malum. Pronitas ad caducum & vel utile vel dele-
tabile bonum, modò esset ordinata, id est, non proclivis ad
præferendum talium rerum amorem pietati & dilectioni
Deo debitæ, non foret peccatum. Licitum enim est & rectum,
amare

D. Calixtus
non docet:
Peccatum
Originis
esse merè
privativū
sed forma-
liter esse
nō nisi pri-
vationem

amare patriam , parentes , uxorem , liberos ; modò amor sit ordinatus , id est , non magis amentur , quàm amari debent , nec recuses amorem eorum missum facere , si cum pietate & dilectione , quàm Deo debemus , simul consistere nequeat . Privatio hujus ordinis vel rectitudinis facit eam pronitatem vel concupiscentiam peccatum esse , sive spectetur quoad actum primum , sive quoad secundum . Pronitas igitur ista est materiale : privatio rectitudinis (qualis sanè rectitudo & legitima subordinatio ante lapsum fuit , imputanda justitiæ originali) est formale . Quod ideo saltem monetur , ne quis ipsum peccati formale existimet constitui in quodam positivo ; & inde per consequentiam eliciat , vel ipsum peccatum à Deo esse , vel dari vera & realia entia , quæ ad aliam primam causam , quàm ad Deum , referri oporteat .

DE GRATIA.

Num. IIX.

Electio facta secundum præscientiam. Ergo non absolutè.

DOctrinæ de Gratiâ inferitur doctrina de gratuitâ electione. Numero IIX. dicitur , *electos nos esse non ex ullo præviso fidei aut operum merito vel dispositione , sed ex merâ & indebitâ gratiâ*. Idem repetitur num XVII. Non quidem electi sumus ex præviso fidei merito ; electi tamen sumus *κατὰ πρόγνωσιν* secundum præscientiam Dei Patris , 1. Pet. 1 , 2 : Rom. IIX , 29 ; XI , 2. Præscientia igitur Dei ab æterno eligentis pro objecto habuit homines eligendos. Si terminata fuit ad homines ut homines , velut miseros , iræque & damnationi obnoxios , tum omnes eligi oportuisset . Eligere autem est alios ab alijs segregare & separare . Hoc quum factum sit secundum præscientiam , necesse est per præscientiam prævisum vel præcognitum aliquid fuisse in nonnullis , ijs videlicet , qui electi sunt , quod in

in alijs non fuerit deprehensum. Alioquin enim secundum præscientiam nulla electio vel separatio fieri potuisset. *Nemo eligitur*, ait Augustinus, *nisi jam distans ab illo, qui rejicitur: unde quod dictum est, quia elegit nos Deus ante mundi constitutionem, non video quomodo sit dictum, nisi de præscientiâ fidei & operum pietatis.* Ita ad Simplicianum juxta antiquam Lib. 1. quæst. 2. sententiam scripsit ante ortum cum Pelagio certamen ipse Augustinus. Quid enim sit, secundum cujus præscientiam facta fuerit ab æterno electio, dubitari vix potest. Nempe oportet idem esse, per quod à parte hominum reapse in tempore positum & præstitum finis & effectus æternæ electionis, sive justificatio & hereditas cœlestis obtinetur. Quod non est aliud, quam obsequium evangelio præstitum, sive fides vera & viva, quâ promissiones evangelicæ & meritum Christi apprehenduntur. Objectum præscientiæ fides. Per quod enim homines in tempore discernuntur, ut alij sint electi & heredes regni cœlestis, alij non sint; idem etiam fuerit objectum illius præscientiæ, secundum quam in æternitate facta fuit eorundem hominum electio & ab alijs separatio. Et implicat, aliud esse per quod à parte nostrâ in tempore constituamur & reputemur electi; aliud verò secundum cujus præscientiam in æternitate à Deo electi fuerimus. Cujus, inquam, interventu electi habemur & sumus in tempore; idem in præscientiâ positum facit, ut electi simus in æternitate. Sed fides &c. Ergo. In æternitate quidem eligit nos Deus sine nobis, vel absque aliquo actu per nos præstito: atque adeo hîc non concurrimus nisi objectivè. Quales videlicet in tempore sumus, puta fideles vel infide- Homines tantû ob- jectivè con- currunt in divinâ præ- les, tales objicimur præscientiæ divinæ in æternitate. Ne que quidquam est novi vel insoliti, nos æternæ Dei præscientiæ objectum præbere. Imò quæcunque à nobis in tem-

pore sive minima sive maxima aguntur, ea sunt æternæ præscientiæ objectum. Atque ita ad electionem, quæ in æternitate secundum præscientiam peragitur, non concurrimus nisi objectivè. Sed ad justificationem, quæ in tempore fit, concurrimus etiam effectivè: nempe à nostrâ parte fides, tanquam aliqua causa intervenit. Dicimur itaque justificari fide, ex fide, per fidem: quales loquutiones de electione non occurrunt.

Sicut autem in tempore fides in actu posita non præjudicat gratiæ justificationi; ita nec in æternitate fides præscita gratiæ electioni. Quamvis enim in justificatione fides à parte hominis concurrat ut aliqua causa, nihilominus quia tota pendet à Dei gratiâ, propterea etiam totum justificationis beneficium gratuitum est. Pari ratione quamvis electio facta sit secundum præscientiam, quæ objectum habeat homines Evangelio credituros, & in fide perseveraturos: hæc tamen ipsa præscita fides à gratiâ, quâ initium, progressum & perseverantiam pendet, & tanquam à gratiâ dependentem præscientia intuetur. Fides itaque præscita & ut objectum accepta non magis derogare potest gratiæ electioni, quàm fides in actu posita, & rationem causæ sortita gratiæ justificationi.

Fides Dei
donū gra-
tuitum.

Interim fides est peculiare Dei donum, & simul est actus intellectus, quatenus, est adensus; & voluntatis, quatenus est fiducia: & ab hisce facultatibus homini naturalibus elicitur & prodit. Neque enim ijs apponitur tanquam saxis vel lignis. Quòd autem ab iisdem sibi relictis & efficaciam supernaturali destitutis produci nequeant, res docet ipsa. Actus enim supernaturales, quales hi sunt, à facultatibus intra naturæ limites subsistentibus non possunt effici. Evidens est argumentum: Quod è principijs lumine

lumine naturæ notis non potest deduci & evinci, ei etiam ab intellectu non nisi naturalibus viribus sive naturali intelligendi facultate instructo firmus & immotus assensus præberi non potest. At nullus fidei articulus peculiari divinâ revelatione patefactus est principijs lumine naturæ notis educi vel evinci potest. Ergo.

Sicut autem naturales intellectus vires superant & excedunt articuli fidei, quatenus sunt verum supernaturale: ita quoque voluntatis, quatenus sunt bonum supernaturale, id quod per fiduciam & spem & amorem, qui voluntatis actus sunt, recumbere & inniti oportet. Pari ratione concupiscentia, quæ in renatis quoque superest, pertinacior ferrur impetu, majoribus etiam objectorum varietate & illecebris, quibus dæmonum quoque hominibus insidiantium accedunt astus, irritatur, quàm ut hæc omnia per vires naturæ sibi relictas quæant superari; peccatum, ne dominetur ei que auscultetur, comprimi; caro cum affectibus & cupiditatibus crucifigi; atque adeo sanctimonia, sine quâ nemo videbit Dominum, præstari; & corpora nostra Deo hostia viva, sancta, accepta sisti. Rectè itaque se habent capitula VI & VII synodi Arausicanæ II, circa annum seculi sexti trigessimum reliquiis Pelagianorum oppositæ, quæ subjungimus.

Si quis sine gratiâ Dei credentibus, volentibus, desiderantibus, conantibus, laborantibus, vigilantibus, studentibus, petentibus, querentibus, pulsantibus, nobis misericordiam dicit conferri; non autem divinitus, ut credamus, velimus, vel hæc omnia, sicut oportet, agere valeamus, per infusionem & inspirationem S. Spiritus in nobis fieri constitetur; aut humilitati aut obedientiæ humanæ subjungit gratiæ adiutorium: nec ut obedientes & humiles simus, ipsius gratiæ donum esse consentit, resistit Apostolo dicenti: Quid habes, quod non accepisti? &

Synod.
Arausica
næ cap. 6
& 7. explicatur.

Gratiâ Dei sum id quod sum. Si quis per naturæ vigorem bonum aliquod, quod ad salutem pertinet vita aeterna, cogitare sicut expedit, aut eligere, siue salutari, id est, Evangelizanti prædicationi consentire posse confirmat, absque illuminatione & inspiratione S. Spiritus, qui dat omnibus facultatem in consentiendo & credendo veritati, hæretico fallitur spiritu, non intelligens vocem Dei in Evangelio dicentis: Sine me nihil potestis facere, & illud Apostoli: Numquid idonei sumus cogitare aliquid à nobis, quasi ex nobis? Sed sufficientia nostra ex Deo est.

Hinc gratia Dei præveniens excitans &c.

Per mediū ordinariū: prædicationem Evangelizantem Rom. I, 16.

Hæc habet inditam & coniunctā gratiam efficacem Dei 2. Cor.

Unde autem habeatur gratia illa tantopere necessaria, & quomodo operetur, his ipsis Arausicanorum verbis haut obscure docetur. Ajunt nos asque illuminatione & inspiratione Spiritûs sancti evangelizanti prædicationi non posse consentire. Per istam illuminationem & inspirationem intelligitur gratia, quocunque tandem nomine appellatur, præveniens, excitans, operans, coöperans. Coniungitur autem evangelizanti prædicationi. Nempe ordinariè (nam si præter communem ordinem Deo aliquando visum fuerit operari, quis ei modum præscribat? gratia non datur, nisi quibus prædicatur Evangelium, atque adeo unà cum Evangelio, & per Evangelium. Hinc igitur Evangelium dicitur *potentia Dei ad salutem omni credenti*, id est, potens & efficax organum, per quod Deus credentium salutem operatur. Tale autem organum non esset, si adjunctam, additam vel inditam gratiam, quam diximus, non haberet. Pone enim Evangelio alicubi prædicationis gratiam eam non conjungi, siue per id & unà cum eo auditoribus non conferri; perinde fuerit; ac si non prædicaretur. Absque eâ enim adensus, qualis requiritur, præberi non magis potest, quàm si prædicatum non esset. Hinc etiam ministerium Evangelij dicitur *ministerium Spiritus*, quia videlicet

delicet cum Evangelico conjuncta est & datur gratia Spiritus, ad præstandum ea, quæ Evangelium ad salutem obtinendam præscribit & requirit, necessaria. Lex, ut per ipsam salus habeatur, exigit perfectam & exactam sui observationem & impletionem. Sed ad eam præstandam vires non adfert vel largitur. Ministerium Legis itaque ministerium literæ & mortis appellatur, quod lex tantum sit litera, sive tantum præcipiat, & vires ad satisfaciendum non suppeditet. Sed ministerium Evangelij est ministerium Spiritus, quia Evangelio gratia & virtus supernaturalis & spiritualis, quanta ad obsequium Evangelio præstandum opus est, conjungitur.

Quomodo operetur hæc ipsa gratia sive illuminatio & inspiratio Spiritus sancti indicatur, quum dicitur quod *dat omnibus facultatem in consentiendo & credendo veritati.* Gratia Dei facultatem dat, non necessitat. Facultatem dat, necessitatem non imponit. Non itaque determinat ad alteram contradictionis partem, nempe ad necessariò credendum. Nec enim operatur potentia, absoluta, sed ordinariâ & juxta conditiones, quas sibi ponere & admittere visum fuit. Patitur itaque sibi resisti, sive actiones, quas incoavit, impediri, excuti & pleno effectû sive eventu privari. Inde S. Stephanus ad Judæos: *Vos semper Spiritui sancto resistitis & obnitimini; sicut Patres vestri, ita & vos.* Act. 7. 51. Et ad eosdem S. Paulus; *Vos repellitis verbum Dei, & indignos vos decernitis æternâ vitâ.* Positâ igitur istâ facultate, quam Spiritus sanctus Evangelio prædicato jungit, sive per id ipsum impertit, homo liber redditur, & indifferenter se habet ad utramque contradictionis partem. Hinc homo indifferenter se habet ad utramque contradictionis partem. Po- rest videlicet ad sensum & obsequium præstare in virtute collatæ divinæ gratiæ, & per illam. Sed quia hæc ipsa non operatur per potentiam absolutam, sed patitur sibi obsisti, seque

Ad sensum
gratiæ hu-
manum,
soli gratiæ
acceptum
ferimus, ut
causæ su-
pernaturali-
li; resistentiam
verò
nequitiae
proprie.

Act. 16. 14.
1 Cor. 4. 7.

Lib. 2 c. 22.
Laudatur
propterea
Conf. Tu-
ron.

Num. 4.

seque repelli, inde est, quod si homo indolem suam sequi & pravitati indulgere malit, possit ad sensum & obsequium denegare. Quod igitur auditor Evangelio ad sensum præbet, sive actum hunc supernaturalem elicit, in totum acceptò ferendum est supernaturali gratiæ. Et quamvis intellectus & voluntas, utpote vitalia principia concurrant, concurrunt tamen non nisi in virtute hujus gratiæ, per eam videlicet præventa, excitata, mora; imò operantia & cooperantia. Quum igitur agatur de actu supernaturali, is uti magis cognatus, ita quoque magis impurandus est supernaturali causæ, nempe gratiæ, quàm naturali: nam hæc ipsa naturalis non elicit eum virtute naturali, sed supernaturali, intrinsecus quidem operante, sed extrinsecus adveniente. Quod igitur de Lydiâ, hoc de quovis præbente Evangelio ad sensum rectè dicitur: *Dominus aperuit cor ejus.* Idem rectè de quovis credente: *Quis te discernit? quid autem habes, quod non acceperis? Si autem accepisti, quid gloriaris quasi non acceperis?* Breviter rem complectendo, *Quod illuminatio sancti Spiritus à multis refutatur,* (verba sunt auctoris libri de vocatione gentium) *ipsorum est nequitia; quod autem à multis recipitur, & gratiæ divinæ est, & voluntatis humanæ, eo videlicet modo, quo fuit expositum,* nempe à gratia præventæ, excitatæ, motæ. Idem alibi: *Gratia quidem divina in omnibus justificationibus principaliter præeminet, sed etiam voluntas hominis subjungitur ei atque conjungitur, ut divino in se cooperetur operi.* Existimo igitur hoc ipsum velle Confessionem verbis, quæ leguntur numero IV: *Efficaciam gratiæ vocatus à libero hominis arbitrio non suspendimus, quasi non Deus per specialem gratiam, sed ipse per arbitrium proprium se discernat; per arbitrium scilicet sibi relictum, & supernaturali gratiâ destitutum.*

Quam.

Quamobrem rectè subjungitur numero v : *Causam seu culpam, cur omnibus meritum Christi non communicetur, non in ipso, sed in hominibus esse.* Itidem optimè numero sequente, *omnes verbo evangelij vocatos, serio & sincerè ac sufficienter à Deo ad pœnitentiam & salutem vocari, non autem simulatè & solâ externâ voluntate signi, cui nulla interna voluntas beneplaciti subsit, quasi Deus nullo modo omnium salutem velit : à quâ sententiâ se longissimè abesse Domini Reformati profitentur.* Hæc omnia rectè & præclarè dicuntur, Quam non meque inducunt, ut mihi persvadeam, quum docent *nos non ex alio præviso fidei aut operum merito, sed ex merâ & indebitâ gratiâ electos esse, non excludere præscientiam, quæ pro objecto habeat fidem, non à viribus naturæ, sed à merâ & indebitâ gratiâ sive initium, sive progressus, sive consummatio & perseverantia spectetur, profectam; nec aliud trahentem meritum, quàm quod gratuito Dei proposito & promissione nitatur : præterea gratiam divinam, per quam homines convertuntur, intelligere talem, quæ facultatem quidem impertiat, sed necessitatem non imponat, sive, ut loquuntur, irresistibilis non sit.* Hujusmodi enim determinans & irresistibilis gratia, quidquid ante de Deo seriò vocante & omnes servari volente rectè fuit expositum & concessum, everteret. Nam si quæ talis irresistibilis gratia esset, ea tum à solo Deo, & quidem absoluto quodam beneplacito conferretur, tum ad conversionem foret necessaria, adeò ut absque eâ hominem converti fuerit impossibile. Pone Cajo & Seio pariter prædicari Evangelium, & utrumque in omnibus pari esse conditione, nec voluntatem utriusq, per Evangelium ejus gratiæ participem fieri, per quam libera reddatur, semetque ipsam ad obsequium Evangelio præstandum flectere valeat, sed

excludere præscientiam fidei Calixtus sperat, excludere vero rem irresistibilem & ineluctabilem.

Aliàs sibi contradicere, ait, Confessionem.

H

hoc

Impugna-
tur gratia
irresistibi-
lis seriâ Dei
vocatione.

hoc totum à gratiâ determinante & irresistibili pendere. Convertitur autem Cajus, non convertitur Sejus, Ille itaque convertitur, quia gratiâ irresistibili donatur & trahitur; iste non convertitur, non quia gratiæ donatæ reluctatur & obsistit, (in hoc enim ambo parces esse ponuntur) sed quia irresistibili gratiâ caret, quæ si conferretur, haut minùs converteretur, quàm ille convertitur. Quòd autem careat, alia ratio reddi nequit, quàm quòd Deus dare nolit. Fit argumentum: Qui non vult omnibus vocatis dare gratiam, quam solus potest dare, & sine quâ impossibile est hominem obtemperare & converti; ille etiam omnes vocatos non vult servari. Sed Deus non vult omnibus vocatis (verbi gratiâ, Sejo) dare gratiam, quam solus potest dare &c. Ergo. Pergo, & porrò hinc infero: Qui non vult omnes, quos verbo Evangelij ad salutem vocat, servari; is etiam omnes quos vocat, non vocat seriò. Sed Deus non vult omnes, quos verbo Evangelij ad salutem vocat, servari. Ergo. Minor superiore syllogismo satis superque probata est. Manifestum igitur est, si ad conversionem hominis requiratur gratia irresistibilis, & negetur sufficiens esse gratia facultatem quidem præbens, sed necessitatem non imponens; everti, quod de Deo seriò vocantes & salutis omnium cupido, piè & rectè propositum fuit. Nec metus esse debet, ne vel viribus humanis nimium tribuatur, vel dignitati gratiæ quidquam derogetur. Illæ enim non agunt nisi in virtute gratiæ, imo non nisi à gratiâ præventæ & excitatæ, adeò ut ad primam etiam gratiæ receptionem, à quâ præventæ & excitatæ denominantur, se non habeant, nisi passivè. Operatur itaque gratia antequam illæ operentur, & deinde cum his ita concurrir, ut ejus virtute actus spirituales & supernaturales producantur, atque adeò honores horum.

Metus re-
fellitur de
viribus hu-
manis &
Synergis-
mo.

horum actuum totiusque conversionis, utpote rerum supernaturalium, gratiæ debeatur. Nam, ut alicubi loquitur Fulgentius, *In hominis voluntate nihil bona cogitationis oboritur, nisi quod beneficio gratiæ prævenientis infunditur; nihil in melius augetur, nisi quod subsequenti juvamine roboratur; nihil benè consummatur, nisi quod eadem operante atque opitulante perficitur.* Tuto itaque dicere licet cum scriptore de vocatione gentium: *Sive initia, vel primum adfensum, sive profectus fidelium, sive usque in finem perseverantiam cogitemus, nullum genus, nulla species cujusquam virtutis occurrit, quæ vel sine dono divini gratiæ, vel sine, consensu nostræ voluntatis habeatur.* Et alibi: *Voluntas hominis subjungitur gratiæ atque conjungitur --- de sua habens mutabilitate si deficit, de gratiæ opitulatione si proficit.* Idem sensit & scripsit Augustinus ante concertationem cum Pelagianis. *Nec illi, inquit, debent sibi tribuere qui venerunt, quia vocati venerunt; nec illi qui noluerunt venire, debent alteri tribuere, sed tantum sibi, quia ut venirent vocati, in libera erat voluntate.*

Lib. 2. c. 22.

Cap. 16.

Lib. 3.
quæstionibus
quæst. 68.

Post V. autem seculi initium exoritur Pelagius & Celestius necessitatem internæ supernaturalis divinæ gratiæ negarunt, & docuerunt, necessariam quidem esse gratiam, ut remittantur peccata, quæ commissa fuerint; non autem necessariam esse, ut à nobis præstentur, quæ juxta divinam voluntatem præstari oporteat: ad hoc enim sufficere externam illam gratiam, per quam Deus voluntatem suam verbo suo & Evangelio revelârit, & hominibus prædicari faciat: quod si omnino sit aliqua gratia intrinsecus operans, per eam fieri, ut facilius præstetur obsequium, non autem ita necessariam esse, quasi obsequium, si ipsa abesset, præstari planè non posset. Hos circa doctrinam de necessitate divinæ internæ gratiæ Pelagianos errores fuisse,

Pelagii &
Celestij
hæresis

Augustini
hinc est
natus error
de gratia
in Præde-
stinatione,
necessitate,
absoluti
benepla-
citi.

se, certos nos faciunt Canones III. IV. & V. Milevitanae sive Africanæ plenariæ synodi, directè Pelagio ejusque ad-
seclis oppositi. Quos quum acriter & magno studio im-
pugnaret sanctus & magnus doctor Augustinus, & ab unâ
parte acutis nonnullis objectionibus urgeretur, ab alterâ
in adserendam & extollendam divinam gratiam rotus in-
cumberet, eò tandem devenit, ut ex gratiâ facultatem im-
pertientè faceret gratiam necessitantem, determinantem,
sive ut hodie nonnulli loquuntur, irresistibilem: & juxta
hypothesin semel admissam ulterius progressus, prædesti-
nationem & electionem doceret ab æterno factam esse
non secundum præscientiam, sed secundum absolutum
quoddam Dei beneplacitum, quo nonnullos è damnatione
eripere visum fuerit, reliquos autem in damnatione relin-
quere, atque adeo non velle Deum omnes homines servari.
Huc primus mortalium delapsus fuit Augustinus, sive quòd
premeretur argumentis Pelagianorum, & commodiorem
exitum non reperiret; sive quòd divinæ gratiæ, ejusque ef-
ficaciæ nimium tribui non posse crederet. Coepit itaque
proponere, & quidem aliquando satis perplexè, contraria
ijs, quæ ante eum veteres, quotquot fuerant, & ipse etiam
ante exortum certamen docuerat; imò contraria perspi-
cuis sacræ Scripturæ verbis, acceptis ut jacent & sonant, &
sensu, quem juxta simplicem concipiendi & intelligendi
modum in mente cujusvis, qui legat vel audiat, nata sunt
efficere.

Veniam autem meretur, quòd aliter necessitatem di-
vinæ gratiæ defendendi non posse existimaret. Huic itaque
præcipuo de necessitate gratiæ dogmati annata fuerunt &
juxta quasi emerferunt quæstiones de modo, quo opere-
rur gratia & cum viribus humanis concurrat; & porro de
modo

modo prædestinationis divinæ ab æterno factæ. Quam aliàs & directè in certamen non adduxerant Pelagiani. Gratiam autem ejusque necessitatem quum prorsus negarent, non erat, quare de modo operandi essent solliciti. Intercurrentes itaque quæstiones vocat Celestinus in epistolâ ad Galliæ Episcopos, & quum errores ipsos Pelagianos rejecisset & damnasset, subjicit, *Profundiores verò difficiliioresque partes intercurrentium quæstionum, quas latius pertractarunt, qui hæreticis resistunt*, Augustinus videlicet & Prosper, *sicut non audemus contemnere, ita non necesse habemus adstruere.* Quum autem magna esset Augustini in ecclesiâ occidentali auctoritas, inde factum videtur, ut subsequutis temporibus vix unquam defuerint, qui sententiam ejus amplecterentur. Nonnulli, quæ est imbecillitas humani ingenij, ut semel orbitam egressus vix intra terminos certos se contineat, ulterius provecti sunt, & doctrinam hanc ita proposuerunt, ut non modò negarent, Deum velle omnium hominum salutem sed præterea affirmarent Deum non minùs prædestinatione suâ horum interitum & damnationem, quàm illorum liberationem & salutem procurare. Prædestinatiani postea dicti sunt, quos anathemate perstringit synodus Arausicana secunda, alioquin Massiliensibus, quos Semipelagianos nonnulli vocant, opposita, hisce verbis: *Aliquos ad malum divinâ potestate prædestinatos esse non solum non credimus, sed etiam si sunt, qui tantum malum credere velint, cum omni detestatione illis anathema dicimus.* Nihilominus ad eandem sententiam postea declinarunt Godscalcus monachus, in synodo Moguntina sub Rabano Archiepiscopo, anno 10 ccc xliix. condemnatur; Honorius Augustodunensis in suo Inevitabili, Thomas Bravardinus, & ex Scholasticis, si rectè memini, Gregorius Ariminensis,

Augustini
auctoritas
seduxit cla-
ros alios.

Hinc Præ-
destinatias
ni orti.

Quorum
asseclæ:
Godscalco.
Honorius,
Bravardini-
nus. Greg.
Ariminen-
sis.

Primi re-
formato-
res.

Petrus ab Alliaco & Marsilius ab Ingen. Eandem, quamvis duram asperamque, primi Reformationis auctores sunt amplexi, ita se quàm maximè & efficacissimè gratiam defendere & exaltare, & e contra vires humanas, quibus nonnulli Scholastici, Scotus videlicet, Thomas Argentinas, Javelus, alij nimium tribuerent, deprimere rati. Augustini verò doctrinam sequutus est princeps Scholasticorum Thomas Aquinas, ejusque sectatores: quin & vir suæ ætatis maximus & insignis scripturæ interpret Alfonso Tostatus. Nostri quoque majores invariata Augustinæ Confessione inhærentes eandem retinuerunt & passim docuerunt usque post annum superioris seculi xxc. Egidius Hunnius, nisi fallor, primus fuit, vel certè inter primos præcipuus, qui priscam & ante Augustinum in primitivâ ecclesiâ receptam sententiam revocavit, & in ecclesias scholasque nostras reduxit, non tamen sine difficultate, contradictione & insimulatione Pelagianismi. Ex eo apud nostros prævaluit, quamquam non ab omnibus pari dexteritate exposita. Quod autem in Augustino, & præclarissimis occidentalis ecclesiæ doctoribus, nostrisque majoribus toleramus, id in alijs quoque citra condemnationem nos tolerare posse & debere semper persuasus fui. Præsertim ex quo dissidentes horridiorem illam doctrinam, cujus sectatores in Belgio Supralapsarii appellantur, missam fecerunt, & ad Augustini sententiam gradum revocârunt. Quod communi consensu factum in synodo Dordracenâ, nisi quòd gratiam & fidem excuti & amitti posse nondum agnoscere voluerunt. Id quum agnoscat hæc confessio numero xi. & proinde multa absurda evitet, vehementer lætor, & toti Protestantium ecclesiæ hoc nomine gratulor. Ad minimum enim nihil sequius vel asperius statuit, quàm docuit

Augu-

Etiam ma-
jores nostri
A.C. usque
ad annum
1580.
Egidius Hun-
nius inter
primos
Præcipuus
qui priscam
receptam
sententiam
revocavit.

Confessio-
nem hanc
tolerari pos-
se de Præ-
destinatio-
ne putat
Calixtus,
missis Su-
pralapsariis

Agnito
Spiritu
S. & fidem
excuti pos-
se.

Augustinus. Quin quum numero vi. *omnes verbo Evangelij vocatos serio & sincere à Deo, qui omnium salutem velit, vocari* Confessio universalis & seria vocatio afferat, ab absoluto Augustini decreto recedit. Nam cum eo nec seria omnium vocatio, nec voluntas omnes servandi consistere potest, sicut pridem est ostensum. Quid igitur in hoc doctrinæ capite perfectam concordiam magnopere remoretur, non video. Minimum mutuae perfectæ Christianæ caritati & tolerantiae, si quid forte dissidij adhuc reliquum sit, nihil obstat.

Quod si autem nonnulli amore quodam absoluti de certi teneantur, ut penitus illud missum facere nolint, in eorum gratiam, quomodo nihilominus in prædeterminatione absolutum aliquod decretum occurrat, ostendi facile potest. Nempe sine dubio infinitæ divinæ sapientiæ plures in aternitate occurrerunt modi, quibus servari potuisset genus humanum, quàm per obsequium Evangelio præstitum; sive plures & alias potuisset à parte hominum requirere conditiones, à quarum interventu humana salus penderet, quàm hanc ipsam in Christum fidem. Potuisset addere perfectam exactissimamque legis observationem, eique præstandæ idoneam gratiam & facultatem impertire: potuisset jungere observationem legis Mosaicæ ceremonialis, vel alterius similis: potuisset statuere, ut Israelitarum, *quorum sua adoptio, & gloria, & pacta, & legis constitutio, & cultus, & promissiones, & Patres, & ex quibus est Christus ipse, quod ad carnem attinet,* Disputat interim contra aliorum decretum Galiatum peculiaris præ cæteris populis, quod participandam salutem attinet, habitasset ratio. Quod quia factum non sit, & nullam præ gentibus prærogativam habeant, dolent & conqueruntur Judæi Roman. ix. Quibus responderet Apostolus, Sicut Deus in conferendâ temporariâ præminentiam non habuerit rationem

tionem primogeniti Esau, quâ primogeniti, quò minus scilicet ejus posteros subjiceret & longè inferiores faceret posteris secundo geniti Jacobi : ita quoque in conferendâ salute æternâ non habere rationem externarum dignitatum, vel cujusquam alterius rei, nisi ejus, quam ipse juxta suum beneplacitum consequendæ salutis medium homi-

Rom. 9, 16. nibus ordinaverit. *Igitur non est hominis volentis, neque currentis, sive fatagentis aliter atque aliâ ratione, quàm misericors Deus constituit: sed est misereantis Dei.* Modo igitur & ordini, juxta quem ex merâ misericordiâ homines servare ab æterno constituit, obtemperandum est. Qui ob-

Rom. 11, 3. temperare non vult, (quemadmodum Judæi, qui *propriam justitiam studentes constituere justitiæ Dei non fuerunt subjecti*)

Rom. 9, 18. servari non potest. Nam Deus *cujus vult, misereatur, quem autem vult, indurat*, id est, obtemperantem (ejus enim vult misereri) misericordiâ prosequitur, pertinacem verò & refractarium, etiam si alias causas, propter quas sui rationem haberi velit, alleget, in cordis duritie & damnationis statu relin-

quit. Si itaque quærat, cur Deus aliud nullum medium, per quod homines servantur, ordinaverit, quam fidem in Christum, sive obsequium Evangelio præstandum; nulla sanè ratio præter absolutum beneplacitum reddi poterit. Ita Deo visum fuit ab æterno, atque ita placuit & decretum est, ut qui Evangelio obtemperat & credit in Christum, servetur; qui non obtemperat & non credit, pereat. Nempe hoc est, *mysterium voluntatis divine, secundum beneplacitum suum, quod proposuit in se: hoc est propositum ejus, qui omnia agit juxta consilium voluntatis sue, secundum quod in sortem adsciti & prædestinati sumus in Christo*, Ephes. 1, 9. & 10. Hoc itaque decretum si capiatur generaliter de omnibus credentibus & salvandis, absolutum est, & meri beneplaciti divini.

Nec

Nec aliter se habet alterum huic annexum de omnibus infidelibus & damnandis. Si verò de singulis agatur, ex hoc ipso generali redditur ratio, quare hic, ille, iste in tempore servantur; & quare ab æterno ut servantur sint electi: nempe in tempore servantur, quia id ipsum, quod apprehendendæ & habendæ salutis medium esse Deus pro suo beneplacito decrevit, adhibent virtute scilicet gratiæ sibi divinitus collatæ; & proinde ab æterno sunt electi, quia quod in tempore adhibitori essent, præscivit Deus. Contrà quia alij non adhibent, ideo in tempore pereunt, & ab æterno reprobati sunt, quippe præsciti, quod adhibitori non essent. Non igitur illi servantur, hi pereunt, quod absolutâ voluntate & decreto quodam singulos seorsim concernente Deus illos servari velit, hos perire; sed quia generali isti de salvandis decreto illi se conformant & morem gerunt, hi non item. Ita ex generali isto & quidem absoluto, ex merâ tamen gratiâ & misericordiâ profecto decreto singulis applicato, sive singulis ad illud collatis & examinatis intelligi potest & ratio reddi, quare aliqui sint electi & salvantur, alij reprobari & damnantur. Decreta igitur electionis & reprobationis singulorum non sunt absoluta, sed respiciunt conditionem vel habitudinem in singulis deprehensam: quæ tamen ut respiciatur sive locum aliquem habeat, à generali illo absoluto quidem, sed philanthropiæ & misericordiæ innixo decreto pendet. Non obstante igitur ejus conditionis respectu totum electionis & salvationis nostræ negotium est & manet merè gratuitum, & in merâ Dei misericordiâ fundatum. Nempe quod Evangelio habita fides & præstitum obsequium respicitur, sive locum conditionis cujusdam invenit, ab illo est decreto & beneplacito merè, ut diximus, gratuito. Quod au-

Conditio
fidei non
collit bene-
placitum
Dei gratui-
tudo.

rem Evangelio fides haberi & obsequium præstari potest, atque adeo præstatur, itidem est donum divinum merè gratuitum, & à gratiâ peculiari divinâ præveniente, excitante, comitante, subsequente, operante & cooperante, uti pridem expositum fuit, pendet. Neque verò qui statuunt, quòd Deus humanum genus in perniciem prolapsum, intuitus aliquos absoluto decreto eligat, & è damnatione eripiat; effugere possunt quin itidem statuunt, Deum reliquos absoluto decreto reprobare & in damnatione relinquere. Dices, Deum eos, qui in exitio relinquuntur, in exitium non præcipitasse, sed suâ culpâ prolapsos & præterea peccatis multis obnoxios & immersos in statu, in quo deprehendit, relinquere. Respondeo, si hæc est vera & adæquata ratio, ob quam relinquuntur & reprobantur, non minus illos quàm istos relinqui & reprobari oporteret: Hactenus enim utrique pares. Nisi igitur aliud quid interveniat & respiciatur, sicut illi ex absoluto quodam beneplacito eliguntur, ita similiter isti reprobantur.

Si Deus absolute ele-
git; ergo &
absolute probavit.

Exe.

Resp.

Object, de
Americani-
is,

Resp.

Magna est difficultas de ijs, quibus & majoribus ipsorum, utpote Americanis, per aliquot secula voluntas & verbum divinum prædicato Evangelio non fuit annunciatum; annon hos ipsos Deus absoluto quodam beneplacito reprobaverit? Respondeo autem, nullam esse gentem, cujus majores non habuerint patefactum Dei verbum. Qui amiserunt & interciderere passi sunt, thesaurum tantum perdiderunt suâ culpâ, nullo Dei decreto; & perderunt non sibi tantum, sed posteris suis. Majores enim & progenitores cum posteris unum aliquod sunt moraliter acceptum. Luunt itaque posterius culpam majorum, præsertim quoad poenas privativas, sive privationem beneficiorum concernentes: & vel imprimis justè, si non modò

modò majorum suorum delicta imitentur, sed & nova accumulent. Dixi neminem esse, cujus majores non fuerint facti participes revelationis divinæ per verbum patefactæ. Omnes sanè à Noacho ejusque filijs & nepotibus descendunt, quibus id ipsum innotuerat. Quum eo per suam culpam & negligentiam multisemet ipsos privassent, *Act. 14. 16.* *scivit Deus gentes in poenam, quam commertitæ erant, aliquamdiu suis ipsarum viis incedere, & tempora istius ignorantia quasi dissimulavit: tandem autem sub initium Novi Testamenti jussit Apostolos ire in mundum universum & predicare Evangelium omni creatura. Atque illi profecti prædicaverunt ubique. Per illos Deus denunciavit omnibus ubique hominibus, ut respicerent. Imò verò in omnem terram exiit sonus eorum, & in fines orbis terrarum verba eorum.* *Marc. 16. 15. & 20. 1* *Act. 17. 30.* *Rom. 10. 18.* *Col. 1. 6.* Evangelium igitur eo modo pervenit in universum mundum; non quidem quòd in quibusvis obscuris latebris & angulis prædicatum fuisse, sit verosimile, sed quòd prædicatum fuerit in quibusvis maximè celebribus locis totius orbis habitati, è quibus facile fama ejus ad alia vicina undequaque diffundi, & ubique innotescere potuerit. Interim, dices, in Americà prædicatum non fuit. Respondeo: *Exc. Resp.* Non est probabile Americam tum habitatam fuisse. Qui ex hac continente in alteram transiverunt, post prædicatum in nostro orbe Evangelium transiverunt. Non adeo est remota Islandia, sicut est America. In eam tamen è Norwegià ante annos sexcentos vel circiter primùm transitus est factus; & inde porrò in Gronlandiam. Quod certius, quàm ego ex memorià nunc narro cognosci poterit ex historià Islandicà, quam scripsit Arngrinus Jonas Islandus. Nullum monumentum vel structura in Americà inventa fuit, quæ tot seculorum ætatem præ se ferret. Quum

Cuscani & Mexicani rectius, quàm pro captu barbarorum, constitutam habuerint rempublicam, & memoriam majorum suorum quamvis nullis literis, alijs tamen modis satis ingeniosis conservarint; secula tamen non nisi admodum pauca numerarunt. Non memorabo, scribere Johannem Laëtium, apud Vucatanenses luculenta fuisse deprehensa vestigia Baptismi; & Josephum Acostam, apud Mexicanos ritum usurpatum fuisse sanctæ Eucharistiæ affinem: talia enim ad æmulationem Satanæ, qui Dei simiam agere gaudet, referri possunt. Id certum est, Americanos plerosque, imò omnes, quantum mihi quidem licuit indagare, immortalitatem animæ, & quòd post discessum à corpore superfit, & bene vel malè habeat, agnovisse. Vix est quòd ad merum naturæ lumen ea cognitio possit referri, quum demonstratio immortalitatis animæ non sit cuivis in promptu, & gentes istæ lumen naturæ parum admodum excoluerint. Nonnulli etiam de resurrectione corporum persuasi fuerunt. Alijs de diluvio aliquid innotuisse compertum fuit. Peruani Deum, quem summum habuerunt, Creatorem esse fassi sunt, & inde Viracocham appellarunt. Hæc & alia, quæ nunc omnia non occurrunt, haud improbabiler arguunt, Americanos ab ijs originem trahere, quibus revelatio divina aliquando innotuerit; & non admodum multis seculis terram, in quâ nunc degunt, incoluisse.

De immortalitate animæ passim apud ipsos creditâ paulò ante monuimus: diximus etiam habuisse regna, qualia præcipuè Mexicanum & Peruanum, non malè constituta. Hæc arguunt usum rationis sic satis apud eos superstitem, & lumen naturæ non fuisse planè extinctum.

Videmus igitur ipsis aptari quoque posse, quod de prisci

Lib. 5. c. 26.

Immortali-
tatis animæ
confessio a
pud Ame-
ricanos ve-
ritas est
prædicati
Evangelij.

Act. 17. 26.

omne

omne genus hominum habitare super universam faciem terra, —
ut quærerent Deum, si fortè palpando eum invenirent: quamquam
non longè abest ab unoquoque nostrum: in ipso enim vivimus, &
movemur, & sumus. Item: Non passus est se esse expertem testi- Act. 14. 17.
monij, benefaciens nobis & dans cœlitus pluvias ac tempora fructi-
fera, implens cibo & latitiâ corda nostra. His jungantur, quæ
de gentibus docet idem Apostolus ad Romanos primo; &
patebit, quare tamdiu sine auxilijs in tenebris ignorantia à
Deo derelicti fuerint. Nempe *derinuerunt veritatem*, ex re-
bus creatis perceptam, quam Deus de se manifestavit hoc
ipso, quod hominibus opera sua ob oculos posuit, & men-
tem usumque rationis dedit, *in injustitiâ*, imò hanc ipsam
Dei veritatem transmutarunt in falsitatem, & noluerunt Deum in
notitiâ retinere. Hinc itaque factum, ut Deus eos permitte-
ret suis ipsorum vijs incedere, & *traderet in reprobum sensum*,
sive mentem perversam & judicij expertem, destitutos vi-
delicet ulterioribus & majoribus auxilijs, quod ijs, quæ in
promptu haberent, non uterentur. Quæ quidem non e-
rant de genere supernaturalium auxiliorum: interim si
rectè illis fuissent usi, Deus de ulterioribus externis auxilijs
benignè prospexisset; & si his etiam rectè, porrò alia ma-
jora suppeditasset, donec tandem ad annunciationem Evan-
gelij perventum esset, per quam demum interna spiritualis
& supernaturalis gratia conferretur. Ex quo enim Evan-
gelium promulgatum est & per homines passim annunciatum
& prædicatur; non est aliquid supernaturale, si ad auditum
& notitiam ejus homo perveniat. Nec est supernaturale vel
vires naturæ excedit, si homo intelligat animam suam esse
immortalem, & propterea separatam à corpore superfore,
& quidem à perturbationibus, quales commercium cor-
poris attulit, exemptam, & immediatè Deo subjectam, in

Illustratur
locus Rom.
1. unde pro-
batur non
Deum, sed
gentes in
culpa esse
quod non
credant.

quam præter ipsius nutum nemo aliquid possit: fore autem ei bene vel malè. Desiderium hoc quoque naturale fuerit, ut quisque malit animæ suæ post discessum à corpore bene potius esse quàm malè; & propterea sollicitudine aliquâ de futuro animæ suæ statu tangatur & afficiatur. Hæc omnia per naturæ vires, si annitantur & intenduntur, præstari posse certum est. Quin id etiam sciri potest, idololatriam pugnare cum rectâ ratione, & principijs luminis naturæ adversari, & propterea fugiendam & rejiciendam esse. Qui jam his auxilijs, quamvis merè naturalibus, uti negligit, quòd ulterioribus non adjuvatur, sed à Deo potius deseritur, sibi imputet, & ad absolutum aliquod Dei decretum non referat. Si homines gentiles ut solam pauperiem fugiant, ad extrema terrarum eurrunt per mare, per saxa, per ignes; cur iidem, quum deprehendant se erroneam religionem hætenus amplecti & sectari, parem diligentiam investigandæ veræ non impendunt? nam nullam in orbe veram esse religionem, bonitati & providentiæ divinæ adversari, idem rationis lumen facile persuadet. Quòd itaque gentes veritatem, quæ de Deo ex operibus ejus per lumen naturæ cognosci poterat, insuper habent & negligunt & violenter quasi suffocant; hinc infert Apostolus *inexcusabiles esse*; nempe quòd majoribus non adjuvantur auxilijs, & in viam salutis non deducuntur, nec cœlestis beatitudinis redduntur participes, ejus calamitatis suæ causam non possunt in alios derivare, sed ipsi in culpâ sunt, & excusari nequeunt. Quòd si autem aliter se gererent, nempe lumine naturæ rectè usi veritatem nec injustè detinerent, nec in falsitatem commutarent, & Deum, quemadmodum noscent, ita quoque colerent & glorificarent, tum excusabiles essent, id est, si salute exciderent, dici posset,

eos

eos nullâ suâ culpâ & negligentâ excidere. Quis igitur accusandus? num Deus? nam auxilia in hoc casu necessaria à solo Deo expectari poterunt. Fit argumentum:

Quando homo lumine naturæ rectè usus præstat quod potest, tum si salute excidit, aut ipse sui interitus causa erit, atque eo nomine accusari poterit; aut Deus in causâ erit, quòd nolit auxilia, quæ solus potest, suppeditare, atque adeo nolit hominem servari. Sed secundum Apostolum in tali casu homo excusabilis foret, Neque tamen Deus se accusari patitur, qui clarè testatus est, se velle omnium hominum salutem. Præstabit igitur, quæ suarum fuerint partium, & quæ ab alio nullo sperari poterunt, ne hominem deferet, sed ulterioribus auxilijs, per quæ porrò ad veritatem saluti necessariam propius accedat, prosequetur.

Hic jam exoritur difficultas, quòd hæc nonnullis Pelagianismo affinia esse videantur. Sed nego hic quidquam esse Pelagianum. Quippe viribus naturæ præstari, quod vires naturales non superet, nihil est absurdi. Pelagius autem ad actus, qui suo genere supernaturales sunt, præstandos naturæ vires gratia destitutas sufficere dictitabat. Deinde auxilium ulterius, quo Deum ejusmodi hominem prosequi diximus, intra limites naturæ adhuc subsistit, & proinde ad communem quoque providentiam referri poterit, Præterea inter ea quæ ab homine fiunt, & quæ à Deo conferuntur uberiora auxilia, non est nexus alicujus meriti vel debiti, sed habent se illa humana tamquam occasio, quam Deus acceptat & quasi arripit, ut *Φιλανθρωπία* & benignitatem suam exerceat. Nam si Deus tantâ benevolentia genus humanum lapsu jam perditum est prosequi-

Obj. de Pelagianismo.
Resp.

Vires humanæ concurrentes cum gratiâ cooperante, sunt non nisi occasio quam Deus arripit.

tus,

tus, ut ipsum nihilominus servari voluerit, hacque fini Filium suum unigenitum miserit; itidem non poterit videri absurdum, si hominibus non renatis, sed lumine naturæ, quod ipse indidit rectè ut seatenus bene velit, ut majora & ulterius ducentia externa media impertiat. Sicut itaque non sequitur, Deus hominum peccato & exitio immerforum misertus est, & Filium redemptorem misit; Ergo meriti fuerunt, ut misereretur & mitteret: sic etiam non sequitur: Deus hominibus peccatoribus & extra statum gratiæ positis, juxta ductum tamen luminis naturæ Deum agnoscantibus & de animâ suâ sollicitis largitur uberiora media; Ergo meriti sunt ut largiatur. Totum non dignitati aut valori talis sollicitudinis, sed divinæ misericordiæ, quæ occasione hominem ulterius ducendi deesse non vult, imputandum. Nam si deesse veller, id cum ejus *Φιλανθρωπίας* & voluntate servandi omnes homines, quam disertè contestatus est, conciliari non posset. Unde porro efficitur, nemini adulto extra gratiam in communi ab Adamo derivatâ forte constituto deesse Deum, nisi ille negligat agere, quæ secundum istius status conditionem posset agere, modò nervos virium adhuc reliquarum intenderet, & committat, quæ posset omittere.

Difficultas
de actibus
& impulsio-
bus an sint
naturales
vel super-
naturales?

Fatendum nihilominus est, magnis hæc difficultatibus involvi, è quibus sese expedire non sit promptum cuivis. Videri enim possunt nonnemi actus, qui naturæ facultates non excedunt, supernaturales esse. Et etiam si non nisi naturales sint, non satis apparet, quâ ratione cum ijs ulteriora divina auxilia conjungantur; & hæc ipsa cujus sint ordinis, num naturalis vel supernaturalis. Nec desunt, qui hominibus non modò juxta ductum luminis naturæ sollici-

sollicitis & meliora meditantibus, sed etiam quibusvis aliis, quamvis ad auditum & notitiam Evangelii nondum deductis, cogitationes quasdam & impulsus, quibus ad curam salutis suæ habendam excitentur, divinitus & supernaturaliter immitti statuunt. Quales ab Evangelio separari aut tutum sit, & verosimile reddi possit, nescio. Ordinariè profectò gratia interna sive intrinsecus operans, quæ verè & ex se supernaturalis sit, non nisi cum Evangelio & per Evangelium confertur. Hinc Augustana confessio *damnat eos, qui sentiunt Spiritum sanctum contingere sine verbo externo per ipsorum præparationes & opera.*

Opinio
quorundam.

Sententia
Calixti.

Artic. 16

Illam tamen sollicitudo, cujus paulò antè facta mentio, & cogitationes à solo naturali lumine profectæ cum fide non ita arcte connectuntur, & remotius absunt, quàm ut ad eam dispositio vel ejus initium haberi debeant. Notum enim est Massilienses, (inter quorum præcipuos fuit Johannes Cassianus, & fortè etiam Vincentius Lerinensis, deinceps Faustus Regiensis & Gennadius) eo nomine reprehendi, quòd viribus naturæ, antequam gratiâ præveniantur & excitentur, competere posse affirmaverint invocationem Dei, desiderium regenerationis & fidei, sive ut Arausici loquuntur, *credulitatis affectum*, atq; adeo fidei quoddam initium. Videntur adea, quæ paulò ante de possibili- bus pervires naturæ, & Deo hominem auxiliis non destitute diximus, respexisse. Semipelagianos vocant nonnulli recentiores; nescio quàm bene. Necessitatem sanè gratiæ admiserunt, absque eâ videlicet neminem justificari vel servari posse. Unde de eis Augustinus libro de Prædestinatione sanctorum cap. 1: *Retenta ista, in qua pervenerunt, plurimùm eos à Pelagiano errore discernunt.* Nec Arausicanæ secundæ synodi Patres, quando doctrinam opinionibus

Massiliensium error.

Massilienses non dicendi Semi-pelagiani.

Quippe ne-
cessitatem
gratiæ a-
gnoverunt,
in modo
tamen va-
riarunt.

Modo Deo
commi-
tendus.

Ezech. 3, 1.
1. Tim. 2, 4.
2. Pet. 3, 9.

Calixti re-
capitula-
tio.
Ejus sen-
tentia de
modo.

bus eorum oppositam exponunt, anathemata subdunt;
nec ipsi communionem catholicæ ecclesiæ unquam moti fue-
runt. Necessitatem itaque gratiæ quum agnoverint, de mo-
do quo operetur, & voluntatem sive præveniat sive sequa-
tur, cumque eâ concurrat & jungatur, variarunt. Atque
utinam homines de partibus suis ritè peragendis & officio
facièdo, ut Evangelio obtemperent nec gratiam frustren-
tur vel incassum acceperint, magis essent solliciti, quam de
modo, quo agat vel concurrat divina gratia, scrutando.
Negari non potest occurrere difficultates, quibus ingenia,
quantumvis magna, succumbere nihil sit mirum. Qui ad
decretum absolutum & gratiam determinantem vergunt,
id agunt ut gratiæ necessitatem & dignitatem extollant,
nec humanis viribus nimium tribuant, atque adeo homo
non sibi meripsum sed uni Deo salutem suam ferat acceptam.
Qui verò plusculum viribus humanis concedere videntur,
metuunt, ne si aliter statuunt, culpam exitii humani in
Deum derivent, & contradicant expressis & disertis Scri-
pturæ testimoniis, quæ Deum nolle neminem perire affir-
mant. Si alicubi vel illi vel isti, dum quisque in scopum,
quem ob oculos sibi posuit, fervidiùs fertur, exorbitant,
ignoscat eis benignus & misericors Dominus; & nobis quo-
que, si fortè rem acuta non semper tetigerimus.

Hoc maneat certum & perpetuum, ex merâ miseri-
cordiâ Deum misereri, quorumcunque miseretur, nullâ
ab ipsis præbitâ causâ, propter quam ille misereri teneat-
ur, vel ipsi misericordiâ sint digni: e contra verò, neminem
(de adultis loquor) à Deo deferri & reprobari, nisi causam
præbuerit, id est, propter culpam aliquam suam, communi
illi culpæ & peccandi forti, cui obnoxii vivunt mortales
omnes, & per quam, si divina misericordia non interve-
nisset,

nisset, perire omnes oporteret, superadditam. Omnibus hominibus supersunt aliqua naturales notitiæ, & aliqua intellectus ac voluntatis vires, quæ sunt quædam auxilia communia, & limites naturæ non excedunt, nonnullis hoc etiam datur, ut Evangelii prædicatio ab ipsis non admodum sit remota, quemadmodum ferè omnibus nostram hanc continentem incolentibus: aliis præterea, ut valde propinqua sit & propemodum ingeratur, ac offeratur, utpote Judæis & Turcis medios inter Christianos versantibus, ut nunc non dicam, num Deus aliquando singulorum corda intrinsecus pulset, & ad curam salutis suæ habendam excitet: iis verò, quibus reapse prædicatur Evangelium, qui quæ actu illud audiunt, confertur interna Spiritus sancti gratia, præbens facultatem ad sentiendi atque ea omnia præstandi, quæ ad salutem necessaria præscribit & requirit Evangelium. Dico itaque, neminem à Deo deseri & ulterioribus auxiliis privari, nisi auxilium, cuius jam particeps sit, ad usum transferre neglexerit, injustè detinuerit vel excusserit. Interim in divinâ ulteriorum mediorum dispensatione ea occurrere, quorum ratio ad inscrutabilia Dei iudicia & imperferutabiles vias referri debeat, & à nemine mortalium reddi possit certum est. Verbi gratiâ: Prædicari aliquando facit Evangelium his, & non illis, quum tamen hi non fuerint auxiliis suis prioribus rectius usi, quàm illi; imò nonnunquam minùs & negligentius, quàm illi. Sæpe videlicet paribus inæqualia, imparibus verò æqualia, & aliquando deterioribus majora suppeditat dona & auxilia, Servator ipse in Chorazin & Bethsaidâ multas edidit virtutes ex quo incolarum profectu: quæ si editæ fuissent Tyri & Sidone, in sacco & cinere egissent poenitentiam. Exclamat igitur Apostolus admirabundus; & nos cum eo unâ: *O pro-*

Matt. II. 20.
Lucæ 10, 13

Rom. II. 33

fundas divitiarum sapientia tum scientia Dei! quam inscrutabilia sunt ejus judicia, & via ejus impervestigabiles! Quis enim cognovit mentem Domini? aut quis ei fuit à consilio?

Quamvis autem sententia, quam invexit Augustinus, & tot post eum præstantes Doctores per annos c. lxxx, interque eos multi è nostris majoribus Augustanæ confessioni addictissimis amplexi fuerunt, hæreseos damnari non debeat; dubium tamen est nullum, alteram non modò mitiorem esse, sed etiam veriolem, & proinde præferendam. Congrua enim est tum divinæ benignitati & erga homines benevolentia, tum scripturæ dictis de Deo, quòd omnes servari & neminem perire velit, evidenter attestantibus: quæ torqueri nefas est: imò torta Socinianiè similiter alia torquendi & articulos fidei omnes evertendi ansam porrigunt. Deinde præferenda est, quòd sit sententia prisca & primitivæ ecclesiæ; atque adeo Augustiniana, si cum eâ conferatur, novitatis meritò arguatur, quippe quæ post quartum à nato Christo seculum primum emerferit, antehac incognita & inaudita. Denique præferenda est, quòd *utilis*
2 Tim. 3. 16. sit ad docendum, ad reduarguendum, ad corrigendum, ad instru-
Rom. 15. 4. endum in justitiâ: ut per patientiam & consolationem Scriptura-
rum spem habeamus. Quæ sicut in scripturam, ita quoque in doctrinas veras & scripturâ depromtas, quin in hanc ipsam compertunt, quæ debitam sollicitudinem salutisquæ curam & bene operandi studium excitat & auget, securitatem pellic, nec desperationem inducit, sed & hanc & illam arcet, utramque pietati æquè noxiam. Diversa verò ista sententia ad fines, quos modò diximus, non tantum nihil confert, sed iis etiam adversatur, ut populo Christiano non possit tutò & absque metu exoriturorum scrupulorum proponi. Quod ipsi quoque ejus patroni agnoscunt. E
quibus

quibus duos tantum insignes nunc producam, Alonsum videlicet Toftatum, & magnum Lutherum. Toftati in v. cap. Deuteronomii, quæstione decimâ hæc verba sunt: In doctrinâ Prædestinationis *subintricatissima apparent difficultates, quas proferre superfluum, imò perniciosum credo.* Lutherus brevi epistolâ quemdam de suâ prædestinatione anxium consolans in hunc modum loquitur: Zu wissen/das uns solches verboten ist zu verstehen / oder damit umbzugehen. — So ist auch Sünde / mit solchen forschen umbgehen — dan wann man sich ewig mit der versehenung martert / so gewinnet man doch nichts daran / denn angst. Si hæc vera sunt, tum verum etiam est doctrinam, quæ ejusmodi effectus pariat, non esse è Scripturis haustam. Scripturæ enim hoc agunt & hac fini revelatæ & promulgatæ sunt, *ut per earum consolationem spem habeamus.* Tantum nunc de Gratiâ & Prædestinatione.

Tom. 2. Jæ
nensi editi-
onis secun-
dæ pag. 169.

DE S A N C T A E U- C H A R I S T I A.

I.

QUamquam persuasus sum, verba Domini corpus & sanguinem suum in Eucharistiâ exhiberi affirmantis intelligenda esse, ut sonant, sive ut super ea humanæ mentis captus & cōgitatio naturaliter fertur, & proinde corpus Domini verè comedi, & sanguinem vere bibi; quum tamen maxime hîc occurrant difficultates, & objectiones pro adversâ opinione militantes à multis superari nequeant, sacramentum autē ipsum non sit adeò absolutæ necessitatis, ut absq; eo vel usurpato vel exactè cognito salus sperari nequeat: propterea semper existimavi, nec fas nec pium esse (de utilitate in publicum redundaturâ nihil nunc dicam)

Verba institutionis
literaliter
interpretantur.

Nontamen
damnandi

qui difficultates dupe-
rare neque-
unt.

ut Christiani, qui nihilominus sacramentum hoc juxta institutionem Christi perfectè administrant & usurpant, propter diversitatem quamdam opinionum, quas excutere nondum possint, mutuis inter se odiis & inimicitiiis collidantur, & schismatibus divellantur. Eà de re egit tum alibi, tum Responso Moguntinis opposito, numero XXI: nec hic repetam.

II. Sed & hoc certum est, si quid fortè dissidii in doctrinà de Personà Christi & Gratià atque Electione occurrat, id vix à vulgo fidelium animadverti vel intelligi, & propterea non adeo validam vel universalem causam schismati præbere. Nempe de gratià determinante vel non determinante, & de generibus communicationis idiomatum tantumdem noverunt idiotæ, quorum maximus est numerus, Augustani, quantum Reformati; & hi, quantum illi. Dissensio autem de præsentia corporis & sanguinis Domini in sanctà Eucharistià, magis in observationem hominum incurrit, statusque controversiæ magis notabilis est, quando videlicet alii corpus & sanguinem Christi sumi affirmant, alii negant; & proinde inter ipsos etiam idiotas schisma nutrit. Opera itaque Christianæ pacis & tranquillitatis animantibus enixè est danda, ut dissensus minuat, aut si fieri ullâ ratione possit, penitus aboleatur, & omne schismati fomentum subtrahatur.

Cōtrover-
sia autem
magis no-
tabilis de
Cœnâ quā
aliæ.

Laudatur
Confessio
Thuronen-
sis.

III. Verba quidem Confessionis satis proba sunt numero primo: *Christus corpus suum pro nobis traditum & sanguinem Novi Testamenti pro nobis effusum in potum ac cibum spiritualem vitæ æternæ nobis se exhibere & communicare testatur.* Numero secundo: *Corpus & sanguis Domini verissimè & præsentissimè nobis exhibentur.* Numero decimo: *Nequaquam statuimus nuda, vacua, inania signa, sed potius id, quod significant & ob.*

& obſignant, ſimul verè exhibentia. Numero duodecimo: *Pater non ſolum virtutem, efficaciam, operationem, beneficia Chriſti nobis præſentari & communicari, ſed in primis ipſam ſubſtantiam corporis & ſanguinis Chriſti, ſeu ipſam illam victimam, quæ pro mundi vitâ data eſt, & in cruce mactata.* Si hæc capi-
antur ut jacent & ſonant, nihil meritò deſiderari amplius poterit.

IV. Turbant autem, quæ habentur numero ſeptimo: *Non ſtatimus ullam incluſionem, inexiſtentiam* (hæcenus benè) *coëxiſtentiam* (ſi verè manducatur ſubſtantia corporis Chriſti, quando manducatur benedictus panis, non poterit ſimpliciter omnis coëxiſtentia, quamvis ea inſenſibilis & inobſervabilis ſit, excludi) *aut localem & corporalem præſentiam* (ratione modi conceditur: non ita adeſt corpus, ut locum repleat, vel loco commenſuretur, quemadmodum ſecundum naturam corpora adeſſe ſolent: verè tamen adeſt) *aut talem elementorum cum Chriſti corpore unionem, per quam illud oraliter tam ab indignis & impiis, quàm à piis & fidelibus manducetur.* Manducari propriè, & non tropicè vel metaphoricè, in formali intrinſecâque ſua ratione includit, ut ore fiat. Nec ut verbis Dominicis veritas reſpondeat, à dignitate vel indignitate manducantium pendet.

Taxatur
Confeſſio,
quæ negat
coëxiſtenti-
am &c.

V. Sed rem ipſam aliquantò preſſius conſideremus. Corporis Domini pro nobis fracti, id eſt, lacerati, vuln-
erati & in mortem traditi, ſanguinisque effuſi, ſive, ut verbo dicam, mortis Domini memoriâ animis noſtris obverſari, & ſæpius, & quàm maximè fieri poteſt efficaciter innovari, unicè eſt ex re & ſalute noſtrâ. Ne igitur obſervatio mortis Domini obrepat, vel oſcitanter de eâ cogitemus, ſed recordatio excitetur viva, ſeria & efficax; ideo Servator noſter ex pari in nos, quo ſuum pro nobis corpus tradidit ſangu-

Memoria
crucifixi
maximè
neceſſaria.

In hanc
memoriam
S. Cœna eſt
inſtituta.

nemque

memque effudit, amore, illud ipsum pro nobis traditum corpus & effusum sanguinem nobis in Sacramento, quando benedictus panis comeditur & calix bibitur, manducandum & bibendum exhibet. Nulla enim realia recordatio, qualem diximus, magis & efficacius excitari possit. Innovabitur quidem memoria magni ducis aut regis pro populo suo & patriâ generosè mortui, si historia rei gestæ recitetur, vel imago oculis objiciatur; longè autem magis, atque ita, ut animum validius moveat, percellat, penetret, si corpus ipsum defuncti adsit, præsensque sistatur, etiam si loculo sit contectum, & ut in se est, conspici nequeat. Ita etiam, inquam, Servator noster, ut efficacissima esset recordatio, & ad spem fiduciamque nostram fulciendam potentissima, corpus pro nobis in mortem traditum sanguinemque effusum nos voluit comedere & bibere, sacramento tamen quasi contectum, ut in sensus non incurrat.

Præsensque
corpus si
stitur &
sanguis, ut
memoria
sit effica-
cissima.

VI. Finem autem proximum & proprium hujus comestionis & bibitionis esse, ut mortis Dominicæ memoratio quàm maximè seria, viva & efficax peragatur, verba ipsa Domini, *Hoc facite ad mei commemorationem*, ab Apostolo exposita nos dubitare non permittunt. Sed & cæteris ejus verbis, quibus, quum hoc sacramentum institueret, usus fuit, clavis & perspicuis, *Accipite, edite, Hoc est corpus meum; Bibite, Hoc est sanguis meus*, simplicem, sed certam & indubitata fidem habemus, etiam si enuncient, quod caput nostrum excedat, ab experimento sensuum sit alienum, & exemplo careat: *captivantes videlicet omnem cogitationem, ut obediat Christo*. Quod nisi faciamus, omnia fidei dogmata evertemus. Ut autem quod credimus evidenter evincatur, hoc utimur argumento.

1 Cor. II. 26.

3 Cor. 10. 5.

Quod

Quod Christus, quando benedictum panem dedit & comedere iussit, eos qui juxta hujusmodi mandatum comederint, edere affirmavit, hoc ipsum ab illis editur. Syllogismus pro
Terminatur.

Sed corpus suum Christus, quando benedictum panem dedit & comedere iussit, eos qui juxta hujusmodi mandatum comederint, edere affirmavit.

Ergo Corpus Christi ab illis qui benedictum panem juxta mandatum Christi comederint, editur.

De sanguine bibendo plane similis fit syllogismus.

VII. Major extra omnem controversiam est posita. Minorem probant verba Domini, *Accipite, edite, Hoc est corpus meum; Bibite, Hoc est sanguis meus.* Nam si Minor, quæ simplici & propriæ verborum *Edite, Bibite, Corpus, Sanguis*, significationi innititur, non fuerit vera, ejus contradictoria erit vera, nempe Non adfirmasse Christum, corpus suum ab ijs comedi, qui juxta ipsius mandatum panem benedictum comederint. Hæc autem contradictoria non potest esse vera. Ergo Minor nostra erit vera. Minor probatur à contradictoria propositione.

IX. Quod hæc contradictoria non possit esse vera, sic ostenditur. Si esset vera, necesse foret improprie, figuratè, & tropice accipi vel vocabula *EDITE, BIBITE;* vel vocabula, *CORPUS MEUM, SANGUIS MEUS;* vel utraque. Nam si corpus, si sanguis accipiantur pro signo & symbolo corporis sanguinisque Christi exhibente & applicante nobis fructum & effectum corpore pro nobis in mortem tradito & sanguine effuso partum; tum necesse est manducare & bibere idem esse quod credere. Sin edere & bibere capiuntur proprie, tum necesse fuerit corpus & sanguinem accipi improprie, & quidem non nisi pro mero & nudo signo, quod saltem significet, quemadmodum panis faciat ad alimoniam corporalem, ita quoque corpus

L

Christi

Christi facere ad spiritualem. Sed nullus horum exponendi modorum locum invenit. Ergo contradictoria Minoris superius factæ non est vera.

Edere & bibere propriè, non figuratè accipienda.

IX. Quod jam nullus ex istis modis admitti possit, ita porro probatur. Ex ipso obsequio verbis Domini ab Apostolis præstito manifestum est **EDERE & BIBERE** propriè ab ijs accepta fuisse, & accipi oportere. Ederunt enim re verà & biberunt. Non autem opus est addi, Ore edisse vel bibisse, sive oralem manducationem & bibitionem memorari. Dictum enim est antea, de intrinsecâ & formali ratione manducationis & bibitionis propriè acceptarum esse, ut fiant ore: sicut de ratione cursus vel ambulationis est, ut fiat pedibus; nec opus est dici pedestrem

Exc. 1. cursum vel ambulationem. Objicietur fortè, τὸ **EDERE** si referatur ad panem, τὸ **BIBERE** ad vinum, tum propriè capi: sin ad corpus & sanguinem Christi, tum impropriè. **Resp.** Respondeo, fieri non posse, ut unum simplex vocabulum semel prolatum adeo diversis significatibus sit obnoxium. Si dixisset Servator divisim & distinctè, Edite panem, & Edite corpus meum, tum persuaderi posset priore loco propriè, & posteriore impropriè capi. Sed non nisi semel & simpliciter prolatum, itidem non nisi unam & simplicem obtinere potest significationem: non potest, inquam simul & semel idem esse, quod Edere, & idem quod Credere. Prætereo quòd admodum violentum sit, si Edere & Bibere exponatur Credere. Nec in manducatione spirituali per fidem factâ Edere & Bibere distinguuntur.

Exc. 2. X. Objicietur forsitan adhuc: Dixit etiam Servator Apostolis Lucae xxii. 29: *Ego paciscor vobis, prout pactus est mihi Pater meus, regnum, ut edatis & bibatis in mensâ meâ in regno meo & sedeat super thronos, judicantes duodecim tribus Israel.*

Israel. Respondeo, hîc edere & bibere non capiuntur si. Resp.
 mul propriè & impropriè, simpliciter & metaphoricè, sed
 saltem impropriè sive metaphoricè. Nec Edere & Bibere
 hîc significant Credere, sed lætari & gaudere, quemadmo-
 dum homines in convivijis solent: sicut Sedere gloriam &
 dignitatem significat. Affinis loquutio occurrit Matth. i ix,
 11. Nihil igitur interpretatio ista ad præsens negotium, in
 quo Edere exponitur, ut simul sit & propriè edere, & cre-
 dere. Adde ista proferri in sermone continuo & prolixo,
 ubi locus solet esse figuris & metaphoris. Hic autem in
 institutione Eucharistiæ sermo est adstrictus & concisus,
 & simplex enunciatio, quâ, quid exhibeatur edaturque,
 indicatur. Estque quasi responsio ad quæstionem, quam
 instituere potuissent Apostoli, si dixissent, Domine, quid
 vis nos agere? respondet porrecto pane, Accipite & edite.
 Rursus potuissent interrogare, jubes nos edere & panem
 porrigis, nec de eo possumus dubitare, quem sensu perci-
 pimus: porrigisne nobis etiam aliud quid manducandum?
 respondet, Hoc est corpus meum. Ex his, ut spero, mani-
 festum evadit, non posse ullo modo, quum dicitur, EDITE,
 HOC EST CORPUS MEUM, sensum esse, ut Edite
 relatum ad panem propriè capiat; relatum verò ad cor-
 pus, impropriè, idemque sit, quod Credite.

XI. Si autem vel maximè posset poni quòd sensus Edere cur
non idem
quod cre-
dere,
 Edite, sit Credite, non tamen huic sensui aptari poterit
 significatio verborum, Hoc est corpus meum. Nam exponi
 oportebit, Credite non quidem, quòd habeam verum & na-
 turale corpus, sed quòd corpore meo pro vobis in mortem
 tradito promeruerim vobis remissionem peccatorum &
 æternam salutem; & hæc beneficia per corporis mei passio-
 nem impetrata nunc vobis fide participanda offerri. Talis

significatio siue totius enunciari **HOC EST CORPUS MEUM**, siue prædicari **CORPUS MEUM** adeo est violenta & à communi concipiendi ratione, & ab omni exemplo, siue scripturam siue usitatas loquutiones spectes, remota, ut nihil queat esse violentius vel remotius. Nempe *corpus meum* significat beneficia per passionem & mortem corporis mei parta, &, quidem hîc & nunc oblata. Quomodo autem offeruntur? Per fidem scilicet participanda. Si igitur absit fides, tum nec offertur nec participatur corpus isto quidem sensu, id est, fructus & effectus corporis in mortem traditi. Ergo participatio corporis ad eum modum intellecti non conjungitur cum sacramento Eucharistiæ, quatenus est sacramentum Eucharistiæ, sed aliunde, nempe à fide, cui imputanda est, pendet. Quæ fides si absit, tum etiam participatio, de quali loquimur, abest: si adsit, tum adest, etiamsi nullum administretur sacramentum. Tantundem igitur habetur sine sacramento, quàm cum sacramento, & unio spiritualis ac mystica cum Christo non minus sine sacramento sibi constat, quàm cum illo. Evidens est argumentum. Quod nec exhibet, nec efficit semper, sed ab exhibito vel effectui separari potest, id etiam omne, per se & quatenus ipsum nec exhibet, nec efficit. Sed sacramentum Eucharistiæ neque corpus Christi, eo, quo sæpe dictum est, sensu intellectum, semper exhibet, neque spirituales & mysticas cum Christo unionem semper efficit, sed ab utroque aliquando separatur, scilicet quando deest fides, & Sacramentum ab occulto infideli vel impio sumitur. Ergo sacramentum Eucharistiæ omne, per se & quatenus ipsum, neque corpus Christi exhibet, neque mysticam cum Christo unionem efficit. Si jam Sacramentum Eucharistiæ per se & quatenus ipsum nec exhibet, nec efficit, se,

est sequitur illud secundum se & quatenus tale, esse merum & nudum exhibitionis & effectus signum. Hoc stare non potest cum ijs quibus confessio negat se statuere *vacua & inania signa, sed potius id quod significant & obsignant simul verè exhibentia, & efficientia mysticam Christi nobiscum unionem.* Ergo illa, è quibus id necessariò & evidenter colligitur, nempe quòd π Edere significet credere, & quòd corpus significet beneficia, & fructum mortis corporis partum, repudianda erunt.

XII. Sicut aurem subsistere non potest interpretatio, per quam Edere, sit simul Edere & Credere; vel per quam non sit nisi Credere; & per quam *απολαύω* corpus sit exhibitio beneficiorum corpore in mortem tradito paritorum: ita quoque non potest subsistere interpretatio, per quam teneatur quidem simplex & propria significatio π Edere, quòd omnino ore fit, quamvis non sit necessarium maducationem oralem appellari; & per quam Corpus accipiatur pro signo & symbolo corporis, utique nudo & merè significativo, quippe si Edere non sit Credere, atque adeo si absit fides, sicut abesse potest, tum Sacramento quatenus Sacramento nihil relinquitur, nisi ut merum sit signum vel symbolum, quemadmodum paulo ante ostensum. Hæc igitur interpretatio ad hunc modum se habebit, ut vocula HOC, quæ subjecti locum tenet, denotet panem benedictum, nec quicquam aliud; prædicatum autem Corpus meum, ponatur pro signo vel symbolo corporis figurante vel significante, quòd quemadmodum panis cibus est terrenus & terrenam vitam sustentat, ita corpus Christi pro nobis in mortem traditum & à nobis fide apprehensum, cibus sit spiritualis, nutriendus animam in certam spem vitæ æternæ. Calvin. Instit. lib. iv, cap. 17, num. 3.

*panis nobis in symbolo corporis Christi datur; hæc statim concipi-
enda est similitudo, ut corporis nostri vitam panis alit, sustinet,
ruetur; ita corpus Christi vegetanda & vivificanda animæ uni-
cum esse cibum. Quum vinum in symbolum sanguinis propositum
intuemur, cogitandum quos corpori usus vinum adferat, ut eosdem
spiritualiter adferri nobis Christi sanguine reputemus.*

Significa-
tio corpo-
ris Calvi-
niana vio-
lenta & in-
usitata,
imò con-
traria.

XIII. Taceo, huiusmodi significationem corporis
itidem violentam & prorsus arbitrariam esse, cuius exem-
plum nullum vel ex usitato & communi loquendi modo,
vel ex scripturâ proferri possit. Taceo, quòd hæc explica-
tio non modò sit aliena ab usitatâ loquendi ratione, sed ei
etiam contraria. Id enim in quo proprietas, quam ex prime-
re cupimus, magis perspicua & vulgò nota est, de eo, in quo
minus perspicua vel nota est, prædicatur, non contrâ. Sic
quem robustum & animosum esse indicamus, eum leonem;
quem vafrum, eum vulpem solemus dicere, quod leonis
robur & vulpis astutia pridem omnibus innotuerint. Si ita-
que Servator docere voluisset, corpus suum modo, quo
paulò ante expositum, alimoniam esse spirituales, utique
dixisset, *corpus meum est panis*; nam in pane vis alendi est no-
tissima: sicuti alibi dixit, *Ego sum panis vitæ*. Item, *Ego sum
vitis vera*, quandoquidem in vite vis palmites vegetans ma-
nifesta est. Hic omnia sunt contraria; neque enim dicitur,
Corpus meum est panis, sed inverso ordine, *panis est corpus meum*.
Sunt complura alia, quibus vis quædam inest reficiendi ani-
mum, & proinde tropicè & per metaphoram rectè dici pos-
sunt panis, qualia sunt studium Philosophiæ, elegantia ser-
monis, meditatio rerum sacrarum, prædicatio divini verbi
& Evangelij. Sed de his omnibus subjecti locum occu-
pantibus metaphoricè prædicatur panis; & sic satis intelli-
gor, quid mihi velim, si dicam, Philosophia est meus panis;
atque

Illustratur
id exem-
plis Ioh. 6,
35. cap. 15, 1.

Philoso-
phia rectè
dicitur pa-
nis; non

rectè dicitur panis est Philosophia.

atque ita de reliquis. Ut autem panis subjecti vicem fungatur, & Philosophia prædicati, est contra omnem loquendi consuetudinem, & enunciationem reddit vel difficilem intelligi; vel falsam. Nam ut vera sit, necesse est panem itidem accipi figuratè & metaphoricè, hoc videlicet modo, aliquis panis metaphoricè acceptus est Philosophia, est elegans sermo &c. si panis capiatur propriè, tum planè falsum fuerit, si dixeris, Panis est Philosophia. Omnium autem minimè ostenso sensibili & materiali pane, rectè quisquam dicere poterit, Hoc est Philosophia. Quum itaque panis propter analogiam & convenientiam alendi ex se & suâ naturâ non magis sit symbolum unius, quàm alterius, non magis corporis Christi, quàm Philosophiæ vel cuiuscunque rei, quâ animus reficiatur; sicut non obstante analogiâ illâ prorsus incongruum fuerit, ostenso vel porrecto pane dicere, Hoc est Philosophia; ita quoque dicere, Hoc est corpus Christi. Quæ quidem res ex se suâque naturâ ita est comparata, ut sit alterius peculiaris rei imago, figura vel signum, de illâ hoc ipsum signatum prædicari potest: nihil enim secundum se est aliud, quam talis signati signum. Sic ostendendo effigiem ad repræsentandum Titium factam, dicimus Hoc est Titius; sed non ita se habet panis respectu corporis Christi, nempe ut ad illud peculiariter & distinctè signandum sit factus vel comparatus.

Inst.

XIV. Perget tamen fortè & pertendet non nemo, etiam si panis secundum se & naturam suam pluribus aptari possit; Christum tamen, cum institueret sacramentum sanctæ Eucharistiæ peculiariter sanxisse & ordinâsse, ut in hoc ipso sacramento Panis sit figura & symbolum corporis sui, sensu videlicet huiusmodi: Hic benedictus & fractus panis est symbolum mei corporis, quod in mortem traditum &

fide

fide apprehensum alit spiritualiter, sicut p̄anis ore comestus corporaliter. Ut enim panis propter alendi vim symbolum habeatur corporis Domini, necesse est ipsum quoque corpus Domini tanquam spirituali alendi virtute

Resp. pr̄aditum spectari. Necesse igitur est tanquam fide apprehensum concipi, nam absque fide neminem alit. Talis autem acceptio corporis quum sit, uti antea ostensum fuit, violenta & coacta, & exemplo, quo intellectus in concipiendo adjuvetur, vel juxta quod intelligi possit, careat; oportuisset id ipsum, si ita intelligi deberet, non ita nudè proferri, sed pluribus disertius & distinctius exponi. Sed id tantoperè jam non urgeo, quàm si Corpus accipiat non nisi pro signo corporis, ad eum, quò expositum est, modum, & non pro corpore verè & propriè sic dicto, & ad prædicamentum substantiæ referendo; tum subsistere non posse, quod confessio profitetur, in hoc sacramento *communicari*

Num. 12 *nobis ipsam substantiam corporis & sanguinis Christi.* Quin nulla omnino fuerit in hoc sacramento præsentia veri propriæque dicti corporis, Domini, corporis, inquam, quod pertineat ad prædicamentum substantiæ: quod solum est verum propriæque dictum corpus Domini.

Inst. XV. Dicetur fortè, quòd fides rem, quamvis absens sit, præsentem faciat sistatque. Sed quæro, quænam

Resp. fides? Num fides, quâ creditur Christus habere corpus? vel fides, quâ creditur Christus corpus suum pro nobis in mortem tradidisse & tradito nos redemisse? sed abesse potest utraque, præsertim posterior, atque ita sacramento, quatenus tali, nihil relinquitur, uti pridem etiam ostensum. Hoc autem impris observandum, quòd fides non faciat rem præsentem secundum esse suum, vel substantiam suam. Præsentia ista tantum est intentionalis sive notionalis.

Nempe

Nempe res, quæ concipitur & vera esse creditur, in intellectu est per speciem intelligibilem, non per substantiam suam. Alioquin concipienti & credenti fuisse Alexandrum Magnum, esse Turcarum Imperatorem, esse Sinas, Japoniam, Americam; hæc omnia secundum verum esse suum præsentia forent. Quin in hoc sacramento reapse præsens esset ipsa oblatio corporis Christi in cruce facta, sive specie, sive numero eadem. Quomodo sanè sacrificium, quale Pontificij statuunt, egregie stabiliretur. Per fidem itaque res secundum esse suum vel substantiam suam non constituitur præsens.

XVI. Expositio itaque quam modò consideremus, *Confessio*
 sacramentum merum signum constituit, & omni verâ rea- *Thor. alterâ manu*
 liquæ præsentia corporis Dominici denudat. Quod tamen *aufert, quod unâ dedit,*
 absurditatis ab ipsis contrariæ sententiæ adfertoribus da-
 mnatur. Nunc unum adduco Bezam, qui Alamannum *Epist. 3.*
 Ecclesiæ Lugdunensis turbatorem per literas increpat gra-
 viter, quòd nuda tantum signa adesse doceret. Dixerat
 Alamannus, *hoc inter nos constare puto, Christum in illâ cœnâ non*
realiter neque verum corpus suum, sed panem duntaxat & vinum
dédisse discipulis edendum & bibendum, Ego verò respondeo,
ait Beza, perinde hoc esse, atque Christum mendacii arguere, ut *Beza in*
qui claris & perspicuis verbis dicat, se illud ipsum corpus dare quod *constat,*
traditum est pro nobis, & illum ipsum sanguinem pro nobis effusum.
Deinde, quis unquam nisi purus putus Anabaptista docuit Christum
dédisse solummodo panem & vinum discipulis? Absit igitur, absit
ut in istis tam horrendis blasphemis tibi assentiar. Imò contrarium
affirmo, nempe Christum non simpliciter panem & vinum, sed cor-
pus suum pro nobis paulo post traditum, & verum illum sanguinem
mox pro nobis effusum, id est, semetipsum discipulis suis tunc verè
dédisse, & nunc Ecclesiæ suæ dare. Si adeo à veritate abhor-

ret, dari in Eucharistiâ duntaxat signa, & non dari verum corpus pro nobis traditum, & verum sanguinem pro nobis effusum; tum à veritate etiam aliena est hæc ipsa, quæ nunc consideratur expositio verborum Domini, per quam aliter accipere vel intelligere non licet.

Calvini
Inconstan-
tia.

Instit. lib.
4. cap. 7.
n. 3.

Num. 19.

XVII. Hic igitur id quoque observari oportet, Calvini de S. Eucharistiâ doctrinam insigni contradictione semetipsam conficere, atque eo nomine erroris non saltem suspectam reddi, sed planè convinci. Scribit Calvinus non uno loco, verum corpus, verum sanguinem exhiberi. Hoc verbum, inquit, nec mentiri nec illudere nobis potest, Accipite, Edite, Bibite, Hoc est corpus meum, quod pro vobis traditur; Hic est sanguis, qui in remissionem peccatorum effunditur. Quod accipere jubet, significat nostrum esse; quod edere jubet, significat unam nobiscum substantiam fieri. Paulò post: veram substantialemque corporis ac sanguinis Domini communicationem, quæ sub sacris cœnæ symbolis fidelibus exhibeatur, admittit. Iridem Tractatu de Cœnâ, qui primum locum inter Tractatus ejus Theologicos Genevæ junctim editos obtinet: Quod si Deus nec fallere nec mentiri potest, consequens est, ipsum omnia quæ illic signat, re ipsa implere ac præstare. Necesse est igitur nos in Cœnâ verè corpus & sanguinem Christi recipere, quum utriusque communionem Dominus nobis representet. Quid enim sibi vellet nos panem comedere ac vinum bibere, ut significet carnem ipsius cibum esse nostrum, & sanguinem potum; si veritate spiritali prætermisâ, vinum & panem solummodo praberet? Nonne frustra & mendaciter hoc mysterium instituisset? & quod linguâ Gallicâ dicimus falsis insignibus? Ita fatendum est, si vera sit representatio, quam adhibet Deus in Cœnâ, substantiam interiorem sacramenti visibilibus signis conjunctam esse: & quemadmodum panis in manu distribuitur, ita corpus Christi, ut ejus participes sumus.

simus, nobis communicari. Hoc certè etiamsi nihileffet, nobis abundè satisfacere deberet, quum intelligimus Christum in Cœnâ veram propriamque sui corporis substantiam donare, ut pleno jure ipsum possideamus, & possidendo in omnem bonorum societatem vocemur.

XIIX. Quum ad istum modum scriberet Calvinus, visus est Tigurinis, Zwinglianæ expositionis merum signum interpretantis (cum quâ Oecolampadiana convenit) tenacibus plura concedere, quàm ipsi vellent, & rectè concedi posse arbitrarentur. Explicat itaque mentem suam, & se ab ipsis non dissentire contestatus, *Ne qua ambiguitas, inquit, restet, quum in cœlo quærendum esse Christum dicimus, hæc loquutio locorum distantiam sonat, & exprimit. Tametsi enim Philosophicè loquendo super cœlos locus non est; quia tamen corpus Christi, ut fert humani corporis natura & modus, finitum est, & cœlo ut loco continetur: necesse est à nobis tanto locorum intervallo distare, quanto cœlum abest à terrâ. Sic etiam Beza illâ paulò antè citatâ epistolâ: Sicut rêvera à nostris oculis, ac præinde à loco in quo Cœnam Domini celebramus, tam procul nunc abest Christi corpus, quàm abest cœlum à terrâ: tamen quatenus hæc actio cœlestis est, & fides nostra in cœlum usque subvehitur, ut Christum quàm efficacissimè apprehendat, hoc sanè respectu præsentissimam esse Christi carnem in cœna nisi fatearis, Cœnam Domini evacuas. Sed fidem non veram & realem, sed saltem intentionalem rei absentis præsentiam inferre; & cum sacramento non per se, sed per accidens conjungi, pridem est dictum. Deprehendimus igitur in hac doctrinâ duas propositiones sibi contradictoriè oppositas, nempe, Verum corpus Christi secundum substantiam suam in Eucharistiâ adest, nobisque exhibetur, Et, Verum corpus Christi secundum substantiam suam non adest, quia videlicet à loco, in quo celebratur*

Consensu
cum Tigur.
c. 25.

Cœna, tam procul abest, quàm abest cœlum à terra; *nec alibi, quàm in cœlo, nec aliter, quàm mente & fidei intelligentiâ querendum est*: ut in eodem cum Tigurinis consensu, loquitur

cap. 21. Calvinus. Quoad rem coincidit hæc contradictio cum alterâ quæ itidem hinc emergit, nempe, Panis & vinum in Eucharistiâ non sunt nuda & vacua signa, tantum significantia & non exhibentia; Et, Panis & vinum sunt nuda & vacua signa &c. Impossibile autem est doctrinam, quæ contradictoria proponat à veritate non esse alienam.

XIX. Videmus, quò à Tigurinis, ut consensum cum ipsis tueretur, redactus sit Calvinus, scilicet, ut admittat corpus Christi ab Eucharistiâ tanto intervallo distare, quanto cœlum abest à terra; & proinde symbola in Eucharistiâ tantum esse significantia, non exhibentia. Quod ipsum

Oecolampadii profana vox. Anno 1525, in doctrina Calvini novam parit contradictionem Oecolampadius quidem (ut suæ hypothese erat congruum) libello, quem hac de re primum titulo de expositione verborum Domini edidit, non esse in hoc sacramento quod vel miraculum sit, vel hominis captum excedat, longo sermone persuadere conatur; & quum eum absolvisset, *Nunc, ait, satis est didicisse, non esse insaniam, nec supra humanam rationem si intelligere conemur, quid sit & quomodo se habeat huius mysterii*

Instit. lib. 4. c. 17. §. 7. Calvinus. Oecolampadio religiosior. ratio. At Calvinus longè aliter: *Quamquam, inquit, cogitando plus animus valet, quam lingua exprimendo; rei tamen magnitudine ille quoque vincitur & obruitur. Itaque nihil demum restat, nisi ut in ejus mysterii admirationem prorumpam; cui nec mens planè cogitando, nec lingua explicando par esse potest. Mox iterum disertè profitetur, esse arcanum sublimius, quàm ut vel hominum ingenio comprehendi, vel enarrari verbis queat. Idem prisci Ecclesiæ doctores senserunt, nempe Eucharistiâ *Οἰνωρ* & tremendum esse mysterium. At expositio illa posterior,*

quam

quam in consensu cum Tigurinis adhibet Calvinus, non superat captum humanum, nec includit mysterium, quod mente comprehendendi, vel verbis enarrari nequeat. Totum enim in hoc uno positum est; Quemadmodum panis faciat ad alimoniam corporalem; ita corpus Christi facere ad spirituales: atque eo respectu panem esse symbolum corporis Christi. Dices forte, quod omnino sit magnum mysterium, corpus Christi in mortem traditum & fide apprehensum esse spirituales animæ alimoniam. Resp. Quicquid hic fuerit mysterij, id ad Dominicam cœnam, quatenus est Dominica cœna sive tale particulare sacramentum, non pertinere, sed Christianam religionem & fidem & revelationem evangelicam in communi spectatam, concernere.

Exci.

Resp.

XX. Quin ausim addere, si nihil hic aliud fuerit, quam ut panis ejusmodi sit symbolum, non opus fuisse peculiari aliquâ Chri institutione, sed ab Ecclesiâ potuisse tale sacramentum institui, quemadmodum eadem instituit, ut baptismo jungatur unctio, quæ itidem virtute operis perfecti nullum cœleste & spirituale donum confert, vel super naturalem effectum habet, sed saltem significat, quod qui baptizantur constituentur *Reges & Sacerdotes Deo* Hi enim interuentu unctionis olim consecrabantur. Animadverto M. Anron. de Dominis idem observasse lib. vi. cap. 5. n. 20.

Si non aliud Sacramenti mysterium nisi quod panis sit signum corporis, non opus fuit Christi institutione.

Apoc. 1. 6.

Possimus, inquit, nos nobis instituere, ut panis semper significet corpus Christi, ita ut quoties comedimus panem, toties in memoriam revocemus, Christum pro nobis factum esse carnem Quàm deprimat igitur & deiciat interpretatio ista Sacramentum Eucharistiæ, & omni sublimitate, ac propemodum dignitate spoliet, & in censum rerum vulgarium, non modo contra communem veterum, sed ipsius Calvini sententiam redigat, manifestum est. Rectè autem superioribus suis sub-

Append. ad Amb. S. 4.

junxit M. Ant. de Dominis: *Sed efficere, ut panis ita sit nobis signum corporis Christi, ut in ipsius comestione ipsum verum & reale Christi corpus intra nos per divini spiritus operationem recipiamus, quis adeo impius sit, qui in humani intellectus id ponat potestate?*

Repetitio
priorum,

XXI. Atque ita, ut spero, satis demonstrata est Minor principalis nostri syllogismi, dum ostensum, ejus contradictoriam non esse veram. Non esse autem veram hinc patuit, quòd ad veritatem ejus requiratur, vel tò comedere accipi, ut idem sit quòd Credere; aut ut sit simul edere & Credere; vel Corpus accipi pro symbolo corporis, exhibente & applicante beneficia spiritualia per corpus pro nobis in mortem traditum & fide à nobis apprehensum parta; vel accipi pro symbolo, quòd tantum significet, & ex se nihil supernaturale exhibeat, vel nullum supernaturalem effectum habeat. Patuit autem nullam harum expositionum subsistere posse. Ergo agnoscenda erit veritas minoris nempe quòd Christus, quando benedictum panem dedit & comedere jussit, eos qui juxta hujusmodi mandatum comederint, corpus propriè dictum, sive corpus, quòd sit de prædicamento substantiæ, comedere, vocabulo comedendi itidem propriè accepto, affirmaverit. Hoc est præcipuum argumentum quò intellectum meum confringi fateor, ut à simplicitate & veritate verborum, quemadmodum jacent & sonant acceptorum, recedere non audeam.

XXII. Possint adjungi alia, & id quoque observari, Scripturam quando mutat subjectum HOC, ejusque loco Panem ponit, tum etiam mutare prædicatum. Nempe S. Paulus, *Panis*, inquit, *quem frangimus, est participatio corporis Domini*. Si jam panis figura & signum est corporis, atque itidem corpus Domini, quando de Eucharistiâ agitur, figura & signum

Argumentum ex
Paulo.

1. Cor. 10. 16.

signum est corporis Dominici; tum enunciatio illa Apostoli hunc habebit sensum, Panis, qui est figura corporis Dominici, est participatio figuræ corporis Dominici. Qui sensus cum sit absonus & ineptus, argumento est corpus hîc, ut & in illâ alterâ: *Hoc est corpus meum*, capiendum esse propriè, non autem impropriè, figuratè & metonymicè. Et hæ, ut dixi, de S. Eucharistiâ loquutiones sunt, quibus ipsa utitur scriptura: *Hoc*, quod scilicet præter panem) cujus præsentia indicio non eget) cum pane tamen sive mediante pane accipitur & comeditur, *est corpus Domini*; Et, *Panis benedictus ac fractus est participatio corporis Domini*. Scripturæ, non est, sed ecclesiastica, quæ postea usurpari cœpit: *Panis est corpus Domini*.

XXIII. Hisce annecti poterunt, quæ de manducanda carne & bibendo sanguine Christi leguntur Joh. VI. Argumenta ex cap. 6. Iohan. Quum enim de spiritali manducatione sui, quæ per fidem fit, verba Servator fecisset, & Judæi non caperent, dicentes, *quomodo potest hic nobis carnem suam dare, quam edamus?* v. 53. potuisset eos pauculis verbis absolvere, & exponere, Carnem suam non manducari propriè sed impropriè; non re, sed fide. Sed si sic exposuisset, præjudicasset manducationi sacramentali, quam post lapsum anni erat instituturus. Pergit igitur sanctè adseverare rem ita sese brevi habitu- v. 54. ram, & fore, ut qui ipsius carnem non ederit, & sanguinem non biberit, sive edere & bibere contemserit, non habiturus sit in se vitam. Non tantum hîc Judæi, sed discipuli quoque offenduntur, dicentes: *Durus est hic sermo; quis potest eum audire?* v. 60. Existimantes sine dubio, non posse dari alium manducandæ carnis Christi modum, quàm usitatum & vulgarem illum, quo esca dentibus laceratur & discerpitur. Potuisset Servator discipulis suis, quibus aliàs mysteria disertius

disertius explicare soleret, vel uno verbo succurrere, & dubium omne eximere, si non nisi de spirituali per fidem manducatione intelligi voluisset. Sed non facit, quia videlicet sacramentalem ab illâ spirituali diversam posthac instituere in animo habebat: cui derogasset, si omnem sui manducationem ad solam spiritualem restrinxisset. Auget itaque potius difficultatem, ut indicet verbis suis habendam esse fidem nec ad captum sensuum & normam eorum, quæ vulgariter fiant, exigi oportere. *Hocce, inquit, vos offendit? quod scilicet dixi, carnem meam esse manducandam & sanguinem bibendum. Si igitur videritis filium hominis ascendentem eò ubi erat prius: in cœlos videlicet. Si non potestis credere, me dum in terris medius inter vos versor, posse meam carnem manducandam præbere, multò minus id ipsum crederis, postquam à vobis sublatus cœlos adscendero.*

Spiritus est id, quod vivificat. Spiritui igitur inclinanti ad fidem verbis meis, ut ut ingenij humani captum & usitatum naturæ modum excedentibus habendam, nolite obniti. Sicut enim caro & sanguis mysteria non revelat, ita quæ in dijudicandis caro non prodest quidquam. Quæ enim sunt *Spiritus Dei*, quæ à Divino Spiritu revelantur & per divinam potentiam præstantur, ea non percipit homo animalis, id est, carnalis, qui habet intellectum & affectum depressos ad sensibilia, ut benè exponit Lyranus. Et commentarius scriptoris Ambrosio cœvi, inter opera Ambrosiana: *Pecoribus similis sensum suum in terram deprimit: ideo non adsequitur nisi quæ videt, nec patat aliquid posse fieri, quam quomodo scit: ideo quicquid aliter audit, quam novit, stultum judicat.* Ex eo igitur multi discipulorum pedem retulerunt, nec amplius cum Christo versabantur. Quos passus est abire, nec stitit aut revocavit, quum verbo, sicut diximus, retinere vel revocare potuisset,

isset, nisi obstitisset manducatio Sacramentalis vera & propria, quam instituere decreverat.

XXIV. Ultimo loco adduci possent testimonia pri- Argumen-
ta ex anti-
quitate.
scæ Ecclesiæ, nisi ea tractatio futura prolixior, quam ut in-
stituto nostro conveniat. Audiamus tamen breviter ali-
quot sanctos martyres Jesu, qui *draconem illum magnum &* Apoc. 12;
6. 12. 13.
antiquum serpentem vicerunt per sanguinem Agni & per sermonem
testimonii sui; & anima sua prodigi fuerunt usque ad mortem.
Ex ijs Ignatius inter hæreticos numerat eos, qui non consiten- Ignatius.
tur Eucharistiam esse carnem Servatoris nostri Jesu Christi, pro pec-
catis nostris passam; epistolâ ad Smyrnenfes, è quâ verba ista
profert Theodoretus dialogo tertio. Justinus martyr, apo- Justinus.
logiâ secunda: *Non ut vulgarem panem & potum ista sumimus,*
sed incarnati illius Jesu carnem & sanguinem esse edocti sumus.
Hæc alimonia dicit sanguinem & carnes nostras ali, quia vi-
delicet aluntur pane & vino, quæ quamvis sint medium,
cujus interventu participantur corpus & sanguis Domini,
sunt tamen & manent panis & vinum, & proinde vim nutri-
endi non amittunt. Hinc alius martyr, Irenæus videlicet, Irenæus.
Eucharistiam duabus rebus, terrenâ & cœlesti constare
affirmat, libro IV, cap. xxxiv. *Quemadmodum, inquit, qui est*
à terrâ panis percipiens vocationem Dei, jam non communis panis
est, sed Eucharistia, ex duabus rebus constans terrenâ & cœlesti:
scilicet & corpora nostra percipientia Eucharistiam, jam non sunt cor-
ruptibilia, spem resurrectionis habentia. Idem libro V, cap. IV,
tamquam paria reputat negare, quod Dominus sanguine suo
nos redemit, & negare, quod calix Eucharistiæ sit communica-
tio sanguinis ejus, & panis, quem frangimus communicatio corporis
ejus. Cyprianus martyr sermone de lapsis, qui videlicet Cyprianus.
Num. 13.
immolaverant idolis, in hunc modum loquitur: *Mortiferos*
Idolorum cibos adhuc penè ructantes, exhalantibus etiamnum

*scelus suum faucibus & contagia funesta redolentibus Domini corpus invadunt. — Spretis his omnibus atque contemptis, vis infer-
tur corpori ejus & sanguini, & plus modo in Dominum manibus
atque ore delinquunt, quàm quum Dominum negaverunt. Ex qui-
bus Cypriani verbis liquet, eum non negare, quòd ab in-
dignis sumatur corpus Domini.*

Obj. de
manduca-
tione indi-
gnorum.

XXV. Manducatio equidem indignorum facit, ut nonnulli ab admittendâ simplice verborum acceptione & verâ comestione corporis propriè dicti sint alieniores. Videtur enim ipsis incongruum, verum corpus Domini ab indignis manducari. Cæterum necesse est verba Domini veritatem suam obtinere, siue ad dignos proferantur & referantur, siue ad indignos. Et minor principalis nostri syllogismi superius facti, quum dicit, *eos qui juxta hujusmodi mandatum comederint*, omnes sacramento secundum institutionem utentes comprehendit, etiam indignos. Imò quantum indignis confertur, tantum confertur per sacramentum, quatenus sacramentum est: cætera fructum spiritualem & applicationem meritorum Christi spectantia per fidem conferuntur, & non per sacramentum. Observandum autem, indignos illos nihilominus Christianos esse, & saltem occultè indignos. Nam si de indignitate eorum constet, non admittuntur. Sunt itaque membra visibilis Ecclesiæ, & eate- nus corporis Christi. *Non est impiis & incredulis*, ait alienbi Bucerus, *sed indignis Christianis concessum, quod illis concedit Christus & Paulus*. Mirum enim non est, quòd hisce benignus & *Φιλάνθρωπος* Servator, ut ad cor redeant, compungantur, & ad poenitentiam invitentur, corpus suum in sacramento sine ullâ sui passione vel injuriæ sensu, velit exhibere, quod olim ad eorundem redemptionem & salutem impijs cum verâ sui passione & acerbissimo cruciatuum sensu flagellandum

dum & torquendum exhibuit. Cæterum dices, qui in-
 dignè sumunt, *rei sunt corporis & sanguinis Domini*, quòd non
 discernant corpus Domini, id est, quòd majore reverentiâ &
 purgatiore conscientiâ ad id sumendum non accedant,
 quàm si vulgaris esset cibus. Respondeo, hoc ipsum facit
 pro verâ præsentia veri corporis. Nam si non adsit corpus
 secundum se, sed nuda quædam corporis figura, unde ut ac-
 curatâ adeo discretionè, quæ neglecta damnationem indu-
 cat, opus sit. Interim etiamsi per hujusmodi negligentiam
 & indiscretionem ab indigno Christiano peccetur in corpus
 Domini, reapse tamen non magis patitur aut læditur, quàm
 Deus, quando in ipsum itidem ab hominibus peccatur.

instantia
 I. Cor. 11.
 vers. 27.
 & 29.

Resp.

XXVI. Declaratur ulterius. Servatore in terris in-
 ter homines agente multum fuit corporaliter cum eo con-
 versari, ei adsidere, tangere, colloqui: absque fide tamen id
 non erat salutiferum. Positâ verò fide potuit ab homine
 pio dici, Ad sociatus sum Christo corporaliter & spirituali-
 ter: & ad sociatio corporalis proficit mihi ad spiritualem, ut
 quàm propinquus sum corpore tam propinquus quoque
 sim, & magis etiam, animo & spiritu. Quin Christus corpo-
 ralem ad sociationem exhibebat propter spiritualem, quam-
 vis non deessent, qui etiamsi corporali fruerentur, ad spiri-
 tualem tamen & salutarem cum ipso societatem & unio-
 nem non pertingerent. Sic etiam in sanctâ Eucharistiâ cor-
 poris sui cum corpore nostro indistantem conjunctionem ex-
 hibet, ut per eam spiritualis promoveatur, augeat, & altio-
 res indes radices agat, quamvis non desint, qui ob suam ipso-
 rum culpam nullâ spirituali, sed solâ illâ alterâ potiantur; quæ
 tamen ipsa, nisi obicem illi ponerent, spirituali efficiendæ ido-
 nea. Hæc obiter de manducatione indignorum, unde pa-
 teat, eam nec negari oportere, nec veræ præsentia veri cor-
 poris obstare.

XXVII. Sed in hunc sermonem ex occasione verborum Cypriani delapsi fuimus. Neque verò antiquitatis testimonia accuratius excutiendi hic locus est. Quod primis seculis communiter Christianis improprium fuit, eos humanâ carne vesci, ex doctrinâ de hoc sacramento ad gentiles perperam, ut fieri solet, delatâ sine dubio manavit. Hinc qui pro Christianis apologias scripserunt, necesse habuerunt à se suisque amoliri *ἀνθρώπων σαρκῶν βοσῆς*, *humanarum carnum escas*, ut Justinus; *Θυσία δέσνυα*, ut Athenagoras; *ἀνθρωποφάγία*, ut Tatianus loquitur. E Latinis Tertullianus: *Dicimur sceleratissimi de sacramento infanticidii, & pabulo inde*. In dialogo Minutij Felicis Cæcilius paganus objicit Octavio Christiano: *Infans farre contectus, ut decipiat incautos, apponitur*. Sed hæc nunc missa faciamus.

XXIIX. Minorem principalis nostri syllogismi dudum demonstravimus refutando contradictoriam ejus, & ostendendo, quod nulla expositio, quæ verba **EDITE**, **BIBITE**, **CORPUS**, **SANGUIS**, à proprio & genuino significato ad improprium, peregrinum & figuratum transferat, subsistere possit. Quamquam, ut verum fatear, ad tale quid ostendendum, qui simplici, nativo, & usitato sensui inhæret, non tenerur. Athinc qui recedendum esse affirmant, eos evincere oportet, sententiam, quæ est propria & usitatâ acceptione emergat, pronunciare, quod sit evidenter absurdum; aut quod Deo indignum; aut quod ne quidem per divinam potentiam fieri possit; aut quod cum veritate & voluntate divinâ aliunde certâ & è dictis extra controversiam positis manifestâ, directè pugnet. Aliquid, inquam, horum liquidò demonstrare & evincere oportet eos, qui persuadere nobis cupiunt, ut repudiatâ propriâ & usitatâ acceptione, impropriam & inusitatam recipiamus.

Reformatores potius quam nos ostendere oportet esse hic literam absurdam.

cipiamus. Nisi enim aliquid horum rationibus efficacibus
 omniq̃ue exceptione maioribus prius evincatur, mens &
 conscientia ad peregrinos sensus delapsa, numquam tran-
 quilla, numquam tuta esse poterit: quin semper necesse
 habebit Deum indignantem & increpantem metuere; Qua-
 re perspicue loquenti fidem non habuisti? quare meam
 veracitatem & potentiam in dubium vocasti? quare majorem
 angustæ tuæ capacitatē, quàm meæ immensitatis rationem
 habuisti? Urgentissimam itaque rationem oportet esse, ob
 quam simplici & proprio sensui improprius & figuratus
 præferatur; & si ullibi, in primis hoc nostro in negotio, ubi
 nova institutio, novumq̃ue mandatum, & peculiaris ac su-
 premus sermo Domini ad Apostolos, brevisq̃ue & conci-
 sus. Alia ratio prolixarum ad populum concionum, in qui-
 bus tropi & figuræ rectius locum inveniunt.

Idque ur-
 gentissima
 ratio

XXIX. Videamus paucis, num ejusmodi urgens Quæ non
 ratio ulla dari queat. Si qua fuerit, hæc erit, quod sui cor- est in im-
 poris præsentiam exhibere, & manducationem concedere possibili.
 divinæ Christi Domini potentia prorsus sit impossibile. Ad
 eum autem modum impossibile, ut ne quidem per infini-
 ram potentiam fieri possit, id tantum est, quod implicat con-
 traditionem, & ponit rem simul esse, & non esse. Ut rei
 præsentī accommodetur, dicendum fuerit implicari con-
 traditionem, si corpus Christi statueretur alicubi esse, ubi
 loco non commensuretur, vel locum non repleat, vel loco
 alia corpora non extrudat. Hæc enim propriè convenire
 omni vero corpori. Quum autem corpori Christi, ut in Eu-
 charistia est, adimantur, hinc effici, esse in Eucharistia ve-
 rum corpus Christi, & non esse. Sed vix credo quemquam
 eruditum huic argumento multum tribuere. Notum enim
 est, quod esse in loco, & loco coextendi, non ingrediatur de-

initionem corporis, nec sit de ejus essentiâ, sed accidens, & ne id quidem absolutum; quod proinde salvâ essentiâ & sine implicatione contradictionis per divinam omnipotentiam removeri possit. Supremum cœlum juxta Philosophos in loco non est. Christus autem *sublimior cœlis factus*, Hebr. vii, 26. *Adscendit longè supra omnes cœlos*, Eph, i, 10: nobis scilicet ex influentiâ & motibus cognitos. Quin si ab humanâ naturâ per omnipotentiam divinam removeri potest salvâ naturæ substantiâ modus existendi substantialis, quod factum esse mysterium incarnationis & unionis personalis liquidò comprobatur; multo magis eâdem substantiâ salvâ removeri poterit modus existendi accidentalis in commensuratione ad locum positus.

Nec in oraculo Petri Act. 3, 21.

XXX. Major difficultas videtur esse in hoc, quòd corpus Christi cœlum non deserat, (*eum enim oportet cœlo recipi, usque ad tempora restitutionis omnium*) & nihilominus statuatur esse in terris ubicumque celebratur Eucharistia, quod simul & semel in pluribus locis sæpe sit. At corpus Christi secundum substantiam suam unum numero corpus. Dum autem est in cœlo, & simul ubicumque celebratur Eucharistia, multiplicatur ejus præsentia, quæ multiplicari non posse videtur, nisi multiplicato subjecto, cujus est præsentia. Erit igitur unum, & non erit unum. Respondeo, præsentiam in aliquo Ubi non esse nisi accidens quoddam, includens respectum sive habitudinem ad locum vel ad Ubi. Quod ipsum accidens subjecto sive substantiâ, cujus est accidens, planè posterius est, & ab eo diversissimum & adeo distinctum, ut per potentiam divinam penitus removeri possit. Sicut itaque non sequitur, Ab hoc corpore respectus ad Ubi potentiâ divinâ tollitur, Ergo ipsa corporis substantia destruitur: ita quoque non sequitur, Hujus corporis

poris præsentia vel respectus ad Ubi potentiâ divina multiplicatur, Ergo ipsum corpus secundum substantiam multiplicatur. Neque verum est, Quodcumque est in pluribus Ubi, id unum non est. Deus enim maximè ac perfectissimè unus est, in omnibus tamen est Ubi; & si mundum ab hoc diversum crearet, qui hunc nullâ parte contingeret, in illo non minus quàm in hoc præsentissimus foret, unitate penitus illibatâ. Dices, Deum unum infinitum esse; & infinitate, ^{Instantia} hincque manante immensitate ubique esse, nec unitati ejus propterea derogari: at corpus esse unam substantiam finitam. Resp. substantiam rerum finitarum genere suo & dif- ^{Resp.} ferentiâ finiri, nempe quod non quamvis quarumvis rerum perfectionem, sed saltem suam sibi juxta naturæ suæ modum debitam contineant. Hinc quidem consequitur, ut naturaliter non sint nisi in uno Ubi. Sed si per omnipotentiam divinam supra naturæ suæ conditionem eleventur, & præsentiam in pluribus Ubi fortiantur; nihilominus retinent tum finitatem tum unitatem suæ substantiæ, pluralitate videlicet illâ substantiam intrinsecus non immutante, sed saltem extrinsecus afficiente, & habitudinem naturalem ad præsentiam in uno Ubi non abolente. Breviter ad tollendam contradictionis implicationem, quæ rem extra omnem possibilitatis sphaeram ponat, ipsique omnipotentia divinæ subtrahat, satis est intelligere, quod aliud sit substantia corporis, aliud præsentia in uno vel pluribus Ubi, & quod hujusmodi præsentia neque corporis essentiam ullo modo constituat, neque definitionem ingrediatur. Quin valet hic quoque argumentum superius factum, Potest removeri, quia actu remotus est à naturâ Christi humanâ, & quidem in perpetuum, modus existendi substantialis, naturaliter debitus; nempe non suâ propriâ humanâ hypo-

stati, sed divinâ Verbi subsistit & substantialiter tetminatur ac completur, nullatenus propterea imminutâ ejus integritate & essentiâ. Ergo multò magis poterit ad tempus aliquod removeri modus subsistendi accidentalis, naturæ corporis alioquin conveniens; & tribui talis, qualis à naturâ spirituum non est alienus: nam etiam anima tota est in qualibet parte corporis, & proinde etiam tota, quippe indivisibilis, in pluribus Uoi.

Probatur
exemplis
Scripturæ
multiplica-
tæ præ-
sentia cor-
poris Chri-
sti.

XXXI. Sed hæc, fortè intricatoria, linquamus, &

conferamus nos ad Sripturas, in quibus, quantum quidem humanus intellectus capere potest, exemplum multiplicatæ præsentia corporis Christi exhibetur. In confesso est Christum ex quo in cœlos secundum humanam suam naturam adscendit, in cœlis manere usque ad tempora restitutionis omnium. Idem tamen post illam suam adscensionem visus fuit sancto Apostolo Paulo. Factus quidem erat conspicuus quadraginta illis diebus, quibus post resurrectionem

suam in terris commoratus est, *at non toti populo, sed testibus, quos ipse prius designaverat; inter quos eo tempore nondum erat Paulus. Visio itaque Pauli necessariò referenda ad apparitionem factam in itinere Damasceno. De quâ ad ipsum A-*

nianias: Iesus visus est tibi in viâ, quâ veniebas. Item: Deus patrum nostrorum designavit te, qui videres justum illum, & audires

vocem ex ore ipsius. Servator ipse ad Paulum: Visus sum, vel, apparui tibi. Hinc se ocularis resurrectionis Christi testibus

annumerat, 1 Cor. ix, 1: Nonne Iesum Christum Dominum nostrum vidi? Rursus 1 Cor. xv, 5: Visus est, inquit, Cephæ; deinde duodecim illis; postea amplius quàm quingentis fratribus simul; postea Iacobo; deinde Apostolis omnibus: novissimè autem omnium, voluit abortivo visus est etiam mihi; oculis videlicet corporeis, quemadmodum visus fuerat Cephæ & cæteris

prius

prius commemoratis testibus. Non autem sublatus fuit eo tempore Paulus in cœlum, sed solo allisus in terrâ procubuit. Ergo apparuit Christus, qui cœlos tamen interea non deserebat, in aëre terris vicino; & è propinquo loquutus est, ut ex ore ejus vocem audiret Paulus.

XXXII. Tradunt Astronomi, tantam esse distantiam cœli stellati à terris, ut si inde lapis decidat, centum annorum spatio terram contingere nequeat. At Christus corpore suo è terrâ adspicientibus Apostolis elevatus, adscendit super omnes cœlos, & ad terminum brevissimo tempore, eodem sanè die, quod nemo temerè negaverit, pervenit. Quod si rectè perpendatur, nihilominus mirum est, & vix aliud quid, quàm corpus idem in pluribus simul esse locis. Tradunt iidem, cœlum illud, quod diximus stellarum fixarum in unâ secundâ, quam vocant, sive sexagesimâ parte minuti conficere iter sexcentorum quadraginta trium millium octingentorum & quadraginta octo miliarium germanicorum, atq; adeo emetiri spatium centies decies & novies amplius, quàm sit universus ambitus orbis terrarum; idq; ordinariè & naturaliter. Corpus adeo vastū tantillo momentulo & propemodum in ictu oculi per tantum, & humanum captum propemodum excedens spatium moveri & ferri non minùs incredibile est, quàm corpus aliquod simul in pluribus esse locis. Quin vix aliud est, quàm simul & eodem momento in pluribus esse locis. Et fit tamen non immediatè per divinam omnipotentiam, sed per virtutē causarum secundarū cum generali concursu causæ primæ.

XXXIII. Non potest itaque non esse periculosum, nos homunciones, qui ne unius quidem muscæ vel formicæ, nec partium, quibus ipsi constamus, animæ corporis vè nostri naturam perfectè cognitam habemus, clara Domini ver-

Simile ex
Astronomia.

ni verba in peregrinam & improprium sensum torquere, quòd non capiamus, quomodo divina omnipotentia queat efficere, quod verbis illis simpliciter & propriè acceptis

Epist. 3. enunciat. *Demus* potius, ut cum Augustino loquar, *Deum* aliquid posse, quod nos fateamur investigare non posse. In talibus rebus tota ratio facti est, potentia facientis. Neque ideo negandum est, quod apertum est quia comprehendi non potest, quod occultum est. Etenim de veritate carnis & sanguinis non est relictus ambigendi locus: ait Hilarius. Nam ipse Dominus Jesus (verba sunt Ambrosii) testificatur nobis, quod corpus suum accipiamus & sanguinem. Numquid debemus de ejus fide & testificatione dubitare? Tutiolem igitur hanc sententiam esse nemo temerè negare poterit.

Occupatio.

XXXIV. Ponamus enim errare nos, qui simplicem sensum, quem verba propriâ, & nativâ suâ significandi vi in intellectu gignunt, retinemus; atque eo nomine à Domino compellari & argui in hunc fortè modum: Noli verba mea propriè & ut sonant, accipi: debuisset is animadvertisse, quòd res adeum modum, uti verbis simpliciter captis à me prolata est effici nequeat, meamque adeo potentiam superet; & ad figuras sensumque figuratum vos convertisse. Ponamus, inquam, nos ad eum modum ab ipso Domino reprehendi; respondebimus sanè: Domine, si decepti sumus, à te sumus decepti, quem credidimus si aliud voluisses, aliud quoque effaturum fuisse, atque adeo te quidquid diceres, velle, & quidquid velles, efficere posse. Maluimus itaque verbis tuis simplici animo acquiescere, quàm curioso & temerario tuam sive veracitatem sive potentiam in dubium vocare. Si aberravimus, tuum erit, cujus reverentia in errorem nos induxit, nobis clementer ignoscere. Ita respondebimus; nec ullus dubito, nos à benignissi-

Resp.
Hæc etiam
est Apolo-
gia Luth-
ri & Chem-
nitii lib. de
S. Cœna
c. 7. arg. 1.
& 2.

nignissimo Domino veniam impetraturos. Ponamus contra partem, quæ à simplici sensu abhorret, errare, & à Domino ad dicendam causam evocari, hocce vel simili sermone coargui. Cur perspicua mea verba torquistis, & non modò errorem negatæ meæ in Eucharistiâ præsentiae per Ecclesiam longè lateque sparsistis, sed simul portam evertendis omnibus fidei mysteriis aperuistis? cur simplici sensui verbis planissimè expresso contradixistis? cur aliter intellexistis quàm ego loquutus sum? cur infinitam meam potestatem decempedâ imbecillitatis vestræ metiri & vel veracitati, vel certè potentiae meæ detrahere ausi estis? cur vestram curiositatem & elatas cogitationes in meum obsequium captivas non duxistis? quid responsuri sint, ipsi viderint. Veniam tamen ipsis non invidemus, quin ut impetrent, optamus. Et cur impetraturos esse speremus, alibi exponimus.

XXX. Innuebam verbis coenæ Dominicæ, de quorum sensu controvertitur, à significatione simplice & propria in figuratam & impropriam translatis portam pandi, viamque muniri, per quam ad evertendâ fidei mysteria pergarur. Ideo enim à simplice sensu receditur, qui juxta eum aliquid à communi rerum naturâ, serie & cursu, cui adsuevimus, alienum, imo abhorrens, affirmari videtur. Sed si recedendi hæc idonea est causa, pari ratione & facilitate mysteria Trinitatis, Incarnationis, Resurrectionis & alia quæcumque evertentur. Si enim quum dicitur HOC EST CORPUS MEUM, propter apparentem humano intellectui absurditatem vel impossibilitatem Corpus accipi debet pro symbolico & typico corpore; quid ni similiter, quum dicitur CHRISTUS EST DEUS, Deus sit symbolicus & typicus Deus? Ita videlicet cessat & tollitur omnis,

Tropistica
portam
pandit ad
evertendâ
cætera si-
dei myste-
ria.

quæ alioquin ingenii humani vim excedit, & captum superat, & exemplo caret difficultas, nempe; Unam essentiam in pluribus personis subsistere. Tollitur etiam altera nihilo inferior, quæ in mysterio incarnationis occurrit, duarum, inquam, naturarum in unâ personâ unio, & unica subsistentia. Notum autem est eos qui superiore seculo primi divinitatem Servatoris impugnarunt, ex Helveticis Ecclesiis, in primis verò Genevensi Italicâ prodiisse: nempe Michaëlem Serverum, Georgium Blandratam, Matthæum Gribaldum, Johannem Paulum Alciatum, Lælium Socinum, infauisti illius Fauisti patrum, Valentinum Gentilem, Franciscum Lismaninum, Petrum Statorium, alios. Hæc non dico in opprobrium ecclesiæ vel Helveticæ, vel Genevensis, neque Calvinum Arianismi insimulo, quem scio Arianorum acerrimum hostem fuisse, & tum Valentini Gentilis ignominiosam palinodiam, tum Serveti supplicium procurasse; sed quod rem ita planè se habere ex vitâ Calvinii, quam scripsit Beza, & ex epistolis tum Calvinii tum Bezæ deprehendam. Nempe iis in locis ecclesiis que factum erat initium torquendi clara scripturæ verba, tum alia, qualia sunt, *Deus vult omnes homines servari, neminem perire; Electi sumus secundum præscientiam*; tum in primis Eucharistica illa: *Hoc est corpus meum*, idque propter apparentem captui humano difficultatem. Vestigiis institerunt illi homines, & fundamentis jactis inædificarunt, rati propter parem rationem in pluribus licere, quod liceret in uno; neque quod in aliquo rectum esset, posse pravam esse in cæteris. In exilium autem ire coacti pestem infidelitatis intulerunt Poloniae, Lithuaniae, Transylvaniae; & pluribus inferent, nisi maturè & prudenter obviam eatur. Hæc, ut dixi, observo, non quod Helveticis ecclesiis notam inuri velim, sed cautelæ ergò.

ergò, ne perversis hominibus occasio impugnandæ fidei Christianæ præbeatur, vel in manus arma, quibus impugnent, consignentur: & ut fiat, quod benè docuit Hilarius, *Fides non ex arbitrio nostro, sed ex dictorum est ineunda virtutibus.* Dictorum sanè virtutem pro sententiâ affirmante stare agnovit & fassus est Faustus Socinus, quum respondens ad secundum epistolam Johannis Niemojevii scripsit. *Papistæ & Lutherani habent apertissimum testimonium affirmans, illud quod in Cœnâ Domini datur, esse illud Christi corpus, quod pro nobis fuit traditum.*

lib. de una
P. & F. ef-
sentia

XXXVI. Superest adhuc una contra simplicem acceptionem objectio, desumpta ab eo, quod commune volunt esse omnibus Sacramentis, quæcunque tandem fiat, nempe ut nomen signati tribuatur signo. Panis, ajunt, est signum corporis Christi: appellatur itaque nomine signati, & dicitur corpus Christi. *Nos sanè,* ait Oecolampadius Præfatione in suum de Eucharistiâ dialogum, *ex ratione Sacramenti cognovimus, illos Lutheranos non tam purè, ut debebant, Christum annunciare.* Consensui orthodoxo, uti vocant, huncce liminarem adscripsere versum: *Discite vel tandem, quid sacramenta vocentur.* At hoc fundamentum prorsus est imbecille & lubricum. Doctrina enim de sacramentis in genere ex Scripturis certa & firma nulla potest extrui; nulla generalis regula, quæ sit omnibus communis, per firmam consequentiam deduci. Prout quisque sacramenti vocabulum latius vel strictius accipit, ita quoque regulas format latiores vel strictiores. Sicut igitur acceptio, ita quoque regulæ propemodùm sunt arbitrariæ. Juxta eas igitur hoc, illud, istud Sacramentum singulariter exigendum & conformandum non est, sed de singulis ex institutione singulorum, tamquam ex vernaculo principio, judicandum.

Objectio
ex com-
muni ana-
logia Sa-
cramento-
rum.

Respo.

Quin si hinc axiomati inhæretur, Eucharistiæ præter meri
nudiq; signi rationem nihil tribuitur, omnis autem digni-
tas & profundi ac imperscrutabilis mysterii sublimitas de-
trahitur, ut pridem ostensum. Nec quadrat exemplum,
quod præcipuum haberi solet & produci, *Agnus comede-
ris festinanter, Pasach, Pascha vel transitus est Domini.* Victima
enim illa, si primam institutionem spectemus, in ædibus
mastrata & comesta, & sanguis ejus superliminari & postib-
us ædium illitus, non erat signum transitus Domini, sed
medium procurandi transitus; sive suo quodam modo
caussa, quæ faceret Dominum transire. *Procedens Dominus
ad percutiendum Aegyptum, quum videris sanguinem illum in su-
perliminari & in duobus postibus, transibis, nec sinet percussorem
ingredi domus vestras, Exod. xii, 23.*

Obiectio
ex Exod.
12. II.
Respo.

Vox sacra-
menti quid
significet.

XXXVII. Sacramenti vocabulum nusquam in
Scripturâ occurrere notum est, nisi quod vulgatus inter-
pres *μυστήριον* aliquando solet vertere *sacramentum*. *μυστήριον*
nativâ vi denotat rem quamvis arcanam; communiore au-
tem usurpatione significat rem arcanam sacram, & in Scri-
pturâ sæpe totam doctrinam revelatam & evangelicam. Sic
Hieronymus ad Pammachium ep. lxi, cap. ix: *In symbolo
fidei & spei nostræ post confessionem Trinitatis & unitatem Eccle-
sia omne Christiani dogmatis sacramentum carnis resurrectione
concluditur.* Sacramentum à verba *Sacro* *sacrare* (sicut à ju-
ro, juramentum; à testor, testamentum; à fundo, funda-
mentum, à vestio, vestimentum) deductum vi originis suæ
significat quamvis rem sacram. Unde veteres Latini & ju-
ramentum, quod invocato numine præstaretur; & æs, quod
ab utroque litigante apud Pontificem deponi solitum, ut
ejus, qui causâ cecidisset, portio in publicos sacrosque usus
converteretur, sacramentum dixerunt. Scriptores et-
iam

iam ecclesiastici vocabulo in summâ latitudine usi sunt: & serò tandem ad angustio rem significationem certasque aliquas res restrinxerunt. Definitionem autem certam & accuratam vix quisquam molitus est. Testimonio hîc alio non utemur, quàm eruditissimi viri Danielis Chamieri. *Definitionem, inquit, Sacramenti postremi recentissimiq; Theologi magnis conatibus inquisiverunt: qui veteribus fuit labor vel superfluous, vel perfunctorius. Nam ab iis definitionem nullam habemus, nisi ab Augustino, atque hanc minimè gentium accuratam. Causam fuisse reor, quòd nondum Sacramentum esset certò constitutum, tanquam proprium huic generi, multo minùs speciei nomen. Et si interdum nonnihil observari queat, quòd accedat. — Post Augustinum & longo quidem intervallo; ac tum maximè, quum unà cum rebus mutata fuit vocabuli significatio, Theologorum operas valde occupavit hic definiendi Sacramenti labor. Successus cuiq; fuit pro animi conceptu. Vnde factum, ut in tanto sententiarum astu nulla posset definitio tanquam certa fixaq; & rata constitui. Jam cuivis arbitrandum relinquo, an rei adeo novæ, adeo incertæ, & nullo, Scripturæ testimonio subnixæ tutò inædificari possit perspicuorum Domini verborum à simplice & proprio sensu in improprium & inusitatum detorsio.*

Panopliæ
tom. 4. lib.
2. cap. 6,
§. 3. & v.

XXXIIX. Nos itaque simplicibus Christi redemptoris nostri verbis simplice fide inhæremus, persuasi illum non aliter, quàm disposuit, pronunciasse, nec aliter disposuisse, quàm pronuntiavit: atque ita nobismetipsis rectè consulemus, & triste ac perniciosum schisma, quòd Protestantium ecclesias divellit, componemus. Sopiatur enim per propitiam Dei benignissimi gratiam, & extinguetur penitus, si in hanc vel similem confessionis formulam consenserimus.

Tertull.
adv. Praxean c. I.

Formulam
hanc, sicut
ab Auctore
ipso edita
fuit, ita hic
exhibere
visum est.

IN sanctâ Eucharistiâ sive Cœnâ
Dominicâ adsunt, & quando editur panis,
editur quoque corpus, (vocibus propriè &
non figuratè acceptis) & quando bibitur vi-
num, bibitur quoque sanguis Domini, non
quidem mediante solum fide; per quam citra
omne sacramentum corpus Christi a fidelibus
editur, & sanguis bibitur, non tamen propriè
sed metaphoricè, nulloque inter esum & po-
tum, quale hic manifestissimum est, discrimi-
ne; nec mediante vel transsubstantiatione
panis, vel ubiuitate corporis Christi, vel e-
jus locali aliquâ inclusione, alligatione aut
commixtione; nec interventu descensus &
adscensus: sed modo supernaturali, quem
simpliciter & in solidum divinæ omnipoten-
tiæ imputamus & committimus, nobis aliàs
planè incognito, ineffabili, incomprehen-
sibili & indeterminabili; verè tamen & secun-
dum ipsam substantiam. Hoc enim ut creda-
mus, Christo simpliciter & perspicuè affir-
manti debemus. Modum autem inexplica-
bilem

bilem esse, haut temerè ulli inficias iverint, etiam si alij atque alij hos illòsve modos, scrutando & ad præconceptas opiniones vel privata emolumenta torquendo, excogitaverint & invexerint. Cæterum, *in occultis Dei operibus*, ut benè loquitur Augustinus, *non aliquid ignorando* <sup>4 de origi-
ne animæ
cap. 24.</sup> *sed temerè incognita pro cognitis adstruendo, & falsa pro veris proferendo ac defendendo peccatur.* Exhibet autem Servator corpus suum manducandum, & sanguinem bibendum ex ingente erga fideles suos amore, ut in eis excitetur & alatur seria, fervens & efficax recordatio corporis pro nobis in mortem traditi, & sanguinis in remissionem peccatorum effusi, id est; passionis & mortis Domini.

Non est hîc metuendum absurdi aliquid, vel ut hæc præsentix confessio comitem trahat adorationem vel oblationem sive sacrificium Missaticum Pontificium. *Absurditatibus sublati*, ait alicubi Calvinus, *quidquid ad exprimendam veram substantialemq; corporis & sanguinis Domini communicationem, quæ sub sacris cœna symbolis fidelibus exhibetur, facere potest, libenter recipio.* Utinam recipiatur! Et addit: *atque ita, ut eam non imaginatione duntaxat aut mentis intelligentiâ fideles percipere intelligantur.* Dixerat paulò ante: *Nul-* ^{Num. 12.} *lum locum relinquo huic cavillo, quasi dum fide percipi Christum dico, intelligentiâ duntaxat ac imaginatione velim concipi.* Idem

Num. 32. *etiam, de modo, ait, si quis me interroget, fateri non pudebit, sublimius esse arcanum, quam ut vel meo ingenio comprehendis, vel enarrari verbis queat. Pari sensu Lutherus libro meo te pntis. Darauff stehen / gläuben und lehren wir / daß man im Abendmahl warhafftig und leiblich Christus Leib isset und zu sich nimpt. Wie aber das zugehe / oder wie er im Brode sey / wissen wir nicht / sollens auch nicht wissen. Utinam dictis uterque stetisset, nec ille alibi scripsisset, Christus quatenus homo non alibi quam in cælo, nec aliter quam mente & fidei intelligentiæ quarendus est: hoc enim est sibi metipso contradicere & modum determinare: nec iste præsentiam ab ubiuitate alicubi suspendisset. Quamquam opinionem eam missam postea fecit. Unde Chemnitius: Fundamentum præsentia corporis Christi in Cænâ Lutherus monuit non esse collocandum in disputatione de ubiuitate, sed in veritate verborum institutionis. Idem rectissimè: Nos præsentiam ipsam, quia testimonium habet verbi Dei simpliciter credimus: de modo verò præsentia, quia verbo Dei revelatus non est, iudicamus, non esse disputandum. Non igitur definimus certum modum illius præsentia, sed eum humiliter commendamus sapientiæ & omnipotentia Dei.*

XX XIX. Subjicimus coronidis loco verba & sententiam eximij Viri, Marci Antonij de Dominis, libro Num. 20. *sexto, capite VI, in hunc modum expressam: Per mille profectò annos Ecclesia sancta catholica sobriâ divinatorum mysteriorum cognitione contenta, & piè credidit, & tuto docuit, in Eucharistiâ legitimè consecratâ, fideles corpus & sanguinem Christi agnoscere & recipere ac manducare, ac in illa sacro pane, sacroque vino, corpus & sanguinem Christi mirabiliter exhiberi. Modum verò particularem piè, humiliter & religiosè ignorare, voluit, quo Christi corpus & sanguis in sacris hisce mysteriis & sacramentis exhiberetur. Rem ipsam & effectum lata tenebat, à modo*

Consensu
cum Tigur.
cap. 21.

Exam.
Conc. Trid
de Euch. ad
can. 1.

modo humilis & devota abstinebat. Totam disputationem concludit hisce verbis : Dicamus omnes in Eucharistia carnalem & corporalem Christi praesentiam adesse quò ad rem & naturam ; id est, quò ad ipsam carnis & corporis substantiam : negemus etiam pariter omnes quò ad modum carnaliter & corporaliter Christum adesse. Præclara itidem & egregia sunt, quæ leguntur libro VII, capite XI, num. XIX. Omnes, inquit, & Pontificij, & Lutheri, & Calvini discreti sectatores in eo convenimus, circa sacratissimum Eucharistia sacramentum, nobis in eo verum ac reale Christi corpus verè & realiter exhiberi. Cur ergo in hoc non sistimus omnes ? Cur hæc terminum dissensionum non collocamus ? Cur ad modum ineffabilem, mirabilem, & occultum, nobisque penitus ignotum, & quem Christus ipse nos latere voluit, tam audacter descendimus, ut, qui cum nostrâ insipientiâ non desipiat, eum à caritate & communione religiosa & catholica excludamus ? Hic est tam atrocis, & periculosa dissensionis facillimus modus sapienda : ut omnes veritatem corporis Christi in sumenda Eucharistia exhiberi uno ore fateamur ; & circa modum, quo fiat hæc exhibitio, quippe ineffabilem & inexplicabilem, nobis omnibus silentium perpetuum indicamus ; & ex hac dissensione schismata coalita exstinguamus. Cur, dicente Christo, HOC EST CORPUS MEUM, nos addamus, est corpus per transubstantiationem, consubstantiationem, figurativè duntaxat, & non realiter ; fide percipiendum, & non ore ? &c. Hoc est addere sermoni Dei, unde facile arguamur, & mendaces inveniamur. Cur ab ista nostra addita contendamus, ut schismate Ecclesiam dividamus ? idem corpus Christi omnes comedimus : sed modum quo id fiat omnes ignoramus. Rectum sanè consilium, cui si omnes obtemperemus, tolletur tandem adspirante Dei opt. max. gratiâ,

diffidium & schisma, quod factum esse & tanto tempore durare omnes gemimus, & aboleri desideramus. Interea, quamdiu nondum planè ab omnibus in unam eandemque sententiam itur, verba eximij viri Davidis Chytræi facio mea. *Abfit, ut omnes exteræ ecclesias, reges, principes & populos de Eucharistiâ dissidentes condemnemus, & Diabolo tradamus, aut minus Turcis & Scythis ferendos statuamus. Quæ crudelia judicia, ut in nullius sani hominis mentem venire arbitror, ita toto tempore semper damnavi & abominatus sum.*

Præfat. in
libr. de
morte &
vita æter-
na.

Faxit Jesus Christus, benignissimus & mitissimus pacis auctor, qui suis mutuam caritatem supremis tabulis unice commendavit, ne sanctissimum sacramentum, quod ipse tesseram unitatis esse voluit, diffidij & discordiæ diutius sit fomes!

F I N I S.

In



In gratiam benevoli Lectoris tria
ista capita, de quibus in his Animadversionibus
agitur, integra subijcimus, excepta ex Confessione,
quam Protestantes Reformati in Colloquio
Thorunicasi exhibuerunt.

NVM. III. DE PECCATO.

I.

Deus nequaquam est causa ullius peccati, sed Fons & Au-
tor omnis boni, Ofor verò & Ultor mali.

2. Mera igitur calumnia est, cum Ecclesiis nostris hor-
renda illa blasphemia impingitur, quòd Deum faciant Au-
torem peccati, quam toto pectore detestamur. Interim
providentiam Dei circa peccata, & supra ipsos peccatores,
eandem planè, quam & plerique Romanæ Ecclesiæ Theo-
logi docent, agnoscimus.

3. Non minùs gravis calumnia est, quòd doceamus,
Christum ipsum peccasse, aut in cruce desperasse, à quâ bla-
sphemiam toto item animo abhorremus.

4. Omnes homines, solo Christo excepto, in peccato
originali concepti & nati sunt, etiam ipsa sanctissima virgo
Maria.

5. Peccatum Originis non tantum in justitiæ nudâ ca-
rentiâ, sed etiam in pravitare, seu pronitate ad malum, ex A-
damo in omnes propagatâ consistit.

6. Etsi liberi arbitrii facultas naturalis post lapsum ma-
net, quoad naturalia & civilia, tamen nulla ejus est facul-
tas

tas ad bonum supernaturale & spirituale, vel intelligendum, vel volendum, vel faciendum; aut ad legem quoad substantiam operis implendam. Quo respectu non tam liberum arbitrium, quam peccati servum, & in peccatis mortuum meritò dicitur, donec per Christi gratiam exciteretur & liberetur.

7. Et si in Renatis Peccatum Originis, quoad culpam & reatum, gratuita remissione deletur, & quoad pravitatem magis magisque per Christi gratiam mortificatur, manent tamen in ipsis, quamdiu in carne vivunt, ejus pravitatis reliquiae; videlicet pravae inclinationes, & motus concupiscentiae, quae proinde verè & propriè peccatum dicitur, non tantum, quatenus est poena & causa peccati, sed etiam quatenus ipsa, cum legi Dei, tum Spiritui gratiae repugnat. Atque haec doctrina, cum ab ipso Apostolo aperte tradatur, non ut erronea rejici, nedum sub Anathemate, ut haeretica, damnari potest.

8. Omne peccatum propriè sic dictum suam naturam est mortale, quia ἀνομία, legi repugnans, eoque maledictionem legis promerens: nec tamen omnia peccata sunt aequalia, etsi nullum suam naturam sine Christi gratia sit veniale.

9. In Renatis autem peccata ignorantiae & infirmitatis, quamvis per se & suam naturam, si Deus ex rigore legis cum ipsis ageret, essent mortalia, tamen quamdiu Fidem & Caritatem bonumque propositum non tollunt, & quotidianam Poenitentiam eluuntur, per gratiam Dei non sunt mortalia, sed venialia, quia ad mortem non imputantur, sed propter Christum in ipsum credentibus remittuntur,

NUM. IV. DE GRATIA.

I.

A Peccato & morte nulla est redemptio aut justificatio per vires naturæ, aut per iustitiam Legis, sed per solam Dei gratiam in Christo, qui nos in peccatis mortuos, unico mortis suæ Sacrificio, & perfectissimæ Obedientiæ merito pro nostris, nec tantum pro nostris, sed totius mundi peccatis plenissimè satisfaciendo, ab irâ & maledictione redemit.

2. Qui redemptos per Verbum Evangelij & Spiritum gratiæ, ex regno peccati & mortis, ad regnum gratiæ & vitæ efficaciter vocavit, & per Sacramenta gratiæ obsignavit:

3. Qui vocatos & sincerè resipiscentes, propter solum Christi meritum, fide vivâ apprehensum, & fidelibus, ceu ipsius Christi membris, ex merâ gratiâ imputatum, à peccatis justificat seu absolvit, & in filios adoptat:

4. Simulque Spiritu caritatis in corda nostra effuso, ad sincerum sanctimonix & obedientiæ novæ studium indies magis magisque renovat & sanctificat, seu justos & sanctos facit:

5. Qui denique in Fide illâ & Caritate, per eandem ipsius gratiam, ad finem usque vitæ perseverantes, ceu hæredes regni cælorum, non ex ullo merito, sed gratiâ in Christo promissâ, æternum glorificabit:

6. Atque ita etiam bona ipsorum opera, in Christi Fide & Caritate, per sancti Spiritus gratiam facta, præter ac supra meritum abundantissimo imò infinito præmio, paternè propter Christum remunerabit;

7. Prout eosdem ab æterno, non ex ullo prævisto fidei aut operum merito, vel dispositione, sed ex merâ itidem & indebitâ gratiâ, tum ad eandem illam Redemptionis, Vo-
cationis

cationis, Justificationis, Adoptionis & perseverantis Sanctificationis, quam in tempore dedit; Gratiā, tum ad vitæ æternæ coronam & Gloriam, per illa media participandam, in Christo elegit;

8. Cæteris, qui veritatem in injustitiā detinent, & gratiam Christi oblatam contumaciter respuunt, justo judicio rejectis.

Ex hac doctrinā de Gratiā, quā tota Salutis nostræ ratio continetur, summarim ita exposita;

1. Manifestum esse speramus, quod nequaquam sentiamus cum Socino, qui satisfactionem & meritum Christi, adeoque ipsam Redemptionem in sanguine ipsius factam, blasphemē negat & oppugnat.

2. Negamus verò, præter mortem Christi, Sacrificiis, aut meritis, aut satisfactionibus, vel Sanctorum, vel propriis, ullam vel minimam Redemptionis & salvationis nostræ partemtribuendam.

3. Negamus etiam, homines non renatos, per aliquod meritum congrui, si faciant quod in se est, ad primam vocationis Gratiā seipsos posse disponere.

4. Nec efficaciam Gratiæ vocantis à libero hominis arbitrio suspendimus, quasi non Deus per specialem gratiam, sed ipse per arbitrium proprium seipsum discernat.

5. Falsò accusamur, quasi mortis & meriti Christi pro omnibus sufficientiam negemus, aut virtutem imminuamus, cum potius idem hic, quod ipsa Synodus Tridentina Sess. vi. cap. 3. doceamus, videlicet. *Ei si Christus pro omnibus mortuus sit, non omnes tamen mortis ejus beneficium recipere, sed eos duntaxat, quibus meritum passionis ejus communicatur.* Causam etiam seu culpam, cur non omnibus communicetur, nequaquam in merito & morte Christi, sed in ipsis hominibus esse fatemur.

6. Falsò

6. Falsò item accusamur: Quasi non omnes verbo Evangelij vocatos, seriò & sincere, aut sufficienter à Deo ad poenitentiam & salutem vocari doceamus, sed plerosque tantùm simulatè & hypocriticè, solâ externâ voluntate signi; cui nulla interna voluntas beneplaciti subfit, ut qui nullo modo omnium salutem velit. A quâ sententiâ, ex malè intellectis, aut etiam incommodis nonnullorum verbis, in nos detoriâ, longissimè nos abesse, & Deo ter Opt. summam veritatem & sinceritatem in omnibus ejus dictis & factis, in primis verò in verbo Gratiae ad salutem vocantis, tribuere, nec ullas contradictorias in ipso voluntates fingere, sanctissimè profiteamur.

7. Quasi omnem inhærentem justitiam fidelibus negemus, eosque solâ externâ justitiæ Christi imputatione, quæ sit sine ullâ internâ renovatione, justificari statuamus: cum tamen solis poenitentibus & vivâ fide in Christum credentibus, Justitiam imputari, simulque per eandem fidem à Spiritu S. corda contrita vivificari ad ardentem erga Christum charitatem, & novæ obedientiæ studium excitari, à pravis verò cupiditatibus mundari, atque ita justitiam & sanctitatem vitæ novæ inchoari & indies perfici, doceamus. Id tantùm addimus, per hanc inhærentem justitiam propriam, quia in hac vitâ imperfecta est, neminem coram severo Dei judicio posse consistere, aut in eâ confidere, ut à reatu mortis per eam justificetur, seu absolvatur, sed per & propter solam perfectissimam Christi justitiam ac meritum vivâ fide apprehensum.

8. Quasi fide solâ, quæ sit sine operibus, quæque tantùm credat, sibi propter Christum remissa esse peccata, quamvis sine ullâ resipiscentiâ in illis perseveret, hominem justificari, fingamus: cum potius talem fidem omninò fal-

Justificatio
per solam
fidei, unico
e merito
di pecca-
redemit.

Spiritum
sancti & vitæ
davit:

per solum
Christum, seu
per pecca-

confusio, ad
omnes indies
& sanctos

et ipsius
heredes
Christi

Christi Fidei
et ac supra
eternè pro-

visio fidei
et idem &
eternis, Vo-
cationis

cationis, Justificationis, Adoptionis & perseverantis Sanctificationis, quam in tempore dedit; Gratiā, tum ad vitæ æternæ coronam & Gloriam, per illa media participandam, in Christo elegit;

8. Cæteris, qui veritatem in injustitiā detinent, & gratiam Christi oblatam contumaciter respuunt, justo judicio rejectis.

Ex hac doctrinā de Gratiā, quā tota Salutis nostræ ratio continetur, summarim ita expositā,

1. Manifestum esse speramus, quod nequaquam sentiamus cum Socino, qui satisfactionem & meritum Christi, adeoque ipsam Redemptionem in sanguine ipsius factam, blasphemē negat & oppugnat.

2. Negamus verò, præter mortem Christi, Sacrificiis, aut meritis, aut satisfactionibus, vel Sanctorum, vel propriis, ullam vel minimam Redemptionis & salvationis nostræ partem tribuendam.

3. Negamus etiam, homines non renatos, per aliquod meritum congrui, si faciant quod in se est, ad primam vocationis Gratiā seipsos posse disponere.

4. Nec efficaciam Gratiæ vocantis à libero hominis arbitrio suspendimus, quasi non Deus per specialem gratiam, sed ipse per arbitrium proprium seipsum discernat.

5. Falsò accusamur, quasi mortis & meriti Christi pro omnibus sufficientiam negemus, aut virtutem imminuamus, cum potius idem hic, quod ipsa Synodus Tridentina Sess. vi. cap. 3. doceamus, videlicet. *Etsi Christus pro omnibus mortuus sit. non omnes tamen mortis ejus beneficium recipere, sed eos duntaxat, quibus meritum passionis ejus communicatur.* Causam etiam seu culpam, cur non omnibus communicetur, nequaquam in merito & morte Christi, sed in ipsis hominibus esse fate-
mur.

6. Falsò

6. Falsò item accusamur: Quasi non omnes verbo Evangelij vocatos, seriò & sincerè, aut sufficienter à Deo ad poenitentiam & salutem vocari doceamus, sed plerosque tantùm simulatè & hypocriticè, solâ externâ voluntate signi; cui nulla interna voluntas beneplaciti subfit, ut qui nullo modo omnium salutem velit. A quâ sententiâ, ex malè intellectis, aut etiam incommodis nonnullorum verbis, in nos detortâ, longissimè nos abesse, & Deo ter Opt. summam veritatem & sinceritatem in omnibus ejus dictis & factis, in primis verò in verbo Gratix ad salutem vocantis, tribuere, nec ullas contradictorias in ipso voluntates fingere, sanctissimè profiteamur.

7. Quasi omnem inhærentem justitiam fidelibus negemus, eosque solâ externâ justitiæ Christi imputatione, quæ sit sine ullâ internâ renovatione, justificari statuamus: cum tamen solis poenitentibus & vivâ fidè in Christum credentibus, Justitiam imputari, simulque per eandem fidem à Spiritu S. corda contrita vivificari ad ardentem erga Christum charitatem, & novæ obedientiæ studium excitari, à pravis verò cupiditatibus mundari, atque ita justitiam & sanctitatem vitæ novæ inchoari & indies perfici, doceamus. Id tantùm addimus, per hanc inhærentem justitiam propriam, quia in hac vitâ imperfecta est, neminem coram severo Dei judicio posse consistere, aut in eâ confidere, ut à reatu mortis peream justificetur, seu absolvatur, sed per & propter solam perfectissimam Christi justitiam ac meritum vivâ fidè apprehensum.

8. Quasi fide solâ, quæ sit sine operibus, quæque tantùm credat, sibi propter Christum remissa esse peccata, quamvis sine ullâ resipiscentiâ in illis perseveret, hominem justificari, fingamus: cum potiùs talem fidem omninò fal-

sam esse, eâque hominem non modò non justificari, sed multò etiam grâviùs damnari, ultrò fateamur, ut quæ gratiam Dei transferat ad peccandi licentiam. Veram autem fidem justificantem eam demum dicimus, quæ promissionem Evangelij, quâ resipiscentibus remissio & vita in Christo offertur, assensu practico, seu fiduciali amplectitur, & corde verè contrito sibi applicat, quæque deinde per caritatem est efficax. Solam autem justificare dicimus, non quòd sola sit, sed quòd sola promissionem Evangelij, adeoque ipsam justitiam Christi apprehendat, per & propter quam solam gratis, sine ullo proprio merito, justificamur.

9. Quasi per hanc doctrinam studium bonorum operum tollamus, eorumvé necessitatem negemus: cum tamen nec fidem justificantem, nec ipsam justificationem sine sanctificatione & bonorum operum studio in adultis ullo modo posse consistere, ex jam dictis manifestum sit. Quo sensu etiam ad salutem omninò necessaria esse agnoscimus, quamvis non ut causas justificationis aut salutis meritorias.

10. Quasi præcepta Christi nullo modo à fidelibus servari posse, statuamus: cum tamen illa, non quidem proprijs viribus, sed per gratiam Spiritus Sancti, non tantùm servari posse, sed etiam omninò servari ab omnibus debere, doceamus, & quidem non voto solum, aut proposito inefficaci, sed etiam ipso opere, & vero, sincero, ac perseveranti totius vitæ studio. Quamvis in hac vitâ non ita perfectè à quoquam servantur, aut servari possint, ut legi Dei satisfaciamus, eamque per omnia impleamus, sed ut simul ex imperfectionis & infirmitatis propriæ sensu, variorum lapsum & delictorum veniam quotidie humiliter à Deo petere opus habeamus.

II. Quasi statuamus, semel justificados, Dei gratiam ejusvé

ejusvè certitudinem, & ipsum Spiritum Sanctum non posse amittere, quamvis in peccatis pro lubitu volutentur: cùm contrà potius doceamus, ipsos etiam Renatos, quoribus in peccata contra conscientiam recidunt, in ijsque aliquandiu perseverant, nec fidem vivam, nec Dei gratiam justificantem, nedum ejus certitudinem, aut Spiritum Sanctum pro illo tempore retinere, sed novum iræ ac mortis æternæ reatum incurrere, ac propterea, nisi speciali Dei Gratia excitante (quod in Electis fieri non dubitamus) ad resipiscentiam iterum renoventur, re ipsa etiam damnandos esse.

12. Negamus porro, Fidem in Christum justificare tantum dispositivè, præparativè, initialiter, quia nempe ad caritatem cæterasque virtutes, ceu justitiam inhærentem disponat.

13. Negamus etiam, per justitiam illam inhærentem propriam nos ita justificari, ut per ac propter eam coram judicio Dei à reatu mortis absolvamur, in filios adoptemur, & vitæ æternæ digni pronunciemur: quo sensu forensi vox justificandi à Spiritu S. in hac doctrinâ usurpatur. Est enim sane sensu dici possit, fideles per caritatem aliasque virtutes infusas justificari, id est, justos sanctosque fieri, hæc tamen justitia in hac vitâ imperfecta est, eoque, ut supra dictum, coram severo Dei judicio nequaquam potest consistere, quod solum in hac doctrinâ maximè spectatur.

14. Hinc etiam non assentimur ijs, qui docent, renatos per bona opera Justitiæ Dei pro peccatis suis satisfacere, & remissionem aut vitam propriè mereri; & quidem ex condigno, seu ex intrinsecâ ipsorum operum dignitate, vel cum præmio æqualitate: omni etiam pacto aut promissione, ut nonnulli volunt, secluso.

15. Neque ijs, qui docent, renatos Legem Dei perfectè

in hac vitâ posse implere: perfectione, non tantum partium, sed etiam graduum, ita, ut sine ullo peccato vivant, quod in se & suâ naturâ sit mortale: quin etiam posse facere opera supererogatoria, perfectionem legis transcendentia, ac per ea non sibi tantum, sed etiam alijs mereri.

16. Quique nihilominus docent, neminem sine speciali revelatione certò scire posse, se gratiam Dei esse consecutum, tali certitudine, cui falsum subesse non possit: eoque semper omnes de gratiâ dubitare debere. At nos etsi fatemur, etiam fideles & iustificatos, non temerè & securè de Gratiâ Dei debere præsumere, varijs etiam angoribus & dubitationibus sæpe conflictari, tamen ex scripturis docemus, eos & posse & debere ad eam certitudinem in hac vitâ contendere, & divinâ gratiâ adjuvante pervenire, quâ Spiritus Sanctus testatur Spiritui nostro, quòd filij & hæredes Dei simus. Cui testimonio non potest subesse falsum, etsi non omnes, qui Spiritum Dei jaçant, verè illud testimonium habent.

17. Denique docemus quidem, non omnes homines electos esse, & qui electi sunt, non ex prævisò operum merito, aut prævisâ fidei in ipsis dispositione, aut voluntaris assensu, sed ex merâ in Christo gratiâ electos esse: certum etiam esse apud Deum Electorum & salvandorum numerum.

18. Interim alienam à mente nostrâ sententiam, nobis ab illis tribui dicimus, qui nos accusant, quasi æternam Electionem & reprobationem absolutè, sine ullo fidei aut infidelitatis bonorum aut malorum operum respectu, factam esse, statuamus. Cùm contrâ potius in Electione fidem & obedientiam, non quidem ut causam, aut rationem ipsius Electionis ineligendis prævisam, sed tamen ut medium ad

salu-

salutem à Deo ipsis præordinatam : In Reprobatione verò non tantum peccatum originale, sed etiam quoad adultos infidelitatem & impœnitentiam contumacem, non quidem à Deo præordinatam, sed in ipsis reprobis, ut causam desertionis & damnationis meritoriam, prævisam atque permissam, justissimoque judicio reprobata, statuamus. Adeoque de sublimi hoc Prædestinationis mysterio eandem planè sententiam teneamus, quam ex scripturis in primis Augustinus, contra Pelagium olim asseruit; quamque ipsi Romanæ Ecclesiæ Doctores præcipui, præsertim Thomæ Aquinatis sectatores, hodieque retinent.

DE SACRA COENA.

I.

Sicut Baptismus est Sacramentum spiritualis nostræ in Christo regenerationis, ita S. Coena est Sacramentum spiritualis in eodem nutritionis: quo Christus ipse per externa symbola panis & vini, verbo ejus sanctificata, quæ in sui Sacrificij memoriam corporaliter & visibiliter edere & bibere jussit, corpus suum pro nobis traditum, & sanguinem Novi Testamenti pro nobis effusum, in cibum ac potum Spiritualem vitæ æternæ, nobis se exhibere & communicare, testatur.

2. Constat igitur hæc Sacramentum rebus terrenis, Pane & Vino, & cœlestibus, corpore & sanguine Domini: quæ diverso quidem modo utraq; tamen verissimè ac præsentissimè nobis exhibentur, nempe terrenæ modo naturali, corporali & terreno, cœlestes verò modo spirituali mystico & cœlesti, quem rationi & sensui inscrutabilem solâ fide tenemus, quâ verba promissionis & rem ipsam promissam,

videlicet Christum crucifixum cum omnibus suis beneficiis apprehendimus.

3. Hinc etiam res terrenæ Panis & vinum verè sunt & dicuntur ipsum Corpus Christi, non quidem substantialiter aut corporaliter, sed Sacramentaliter & Mysticè, seu per & propter unionem sacramentalem, quæ non consistit in nudâ significatione, neque tantum in obsignatione, sed etiam in conjunctâ illâ & simultaneâ rei terrenæ & coelestis, quamvis diversimodâ, exhibitione & communicatione.

4. Eodem sensu dixerunt veteres & nos cum ipsis; *Panem & vinum in corpus & sanguinem Domini mutari*, non quidem ipsâ substantiâ & naturâ, sed usu & officio, in quo sacra hæc symbola, non tam id esse dicuntur; quod sensu percipitur, quàm id quod vi promissionis in ijs intuetur & acceptat Fides.

5. Hinc & tota actio S. Coenæ sacrificium à veteribus meritò dicitur, videlicet Eucharisticum, quia sacra hæc symbola, quæ mysticè sunt corpus & sanguis Christi, Eucharisticâ prece Deo offeruntur, & nobis communicantur in gratam commemorationem & fidelem applicationem uniei illius sacrificij verè & propriè propitiatorij, semel in cruce peracti.

6. Etsi igitur non statuimus Transsubstantiationem, quæ Elementa panis & vini, quoad substantiam annihilentur, aut substantialiter in corpus Christi mutantur;

7. Nec ullam inclusionem, existentiam, coexistentiam, aut localem & corporalem præsentiam, aut talem elementorum cum Christi corpore unionem, per quam illud oraliter tam ab indignis & impijs, quàm à pijs & fidelibus manducetur;

8. Nec

8. Nec verum & propriè dictum ipsius Corporis & Sanguinis Christi in Coenâ sacrificium propitiatorium;

9. Et si quoque adorationem Christi (quam cæteroqui in actione sacre coenæ vel maximè necessariam esse, ultro fatemur) non ad ipsa elementa, aut corpus aliquod invisibile sub iis latens, sed ad Christum ipsum à dextra Patris gloriose regnantem dirigimus:

10. Nequaquam tamen statuimus nuda, vacua, inania signa, sed potius id, quod significant & obsignant, simul verè exhibentia, adeoque certissima media & efficacia instrumenta, per quæ corpus & sanguis Christi, adeoque Christus ipse cum omnibus suis beneficijs, singulis vescentibus exhibetur seu offertur, credentibus verò confertur, donatur, & ab ipsis in cibum & salutem animæ acceptatur.

11. Nequaquam etiam negamus veram corporis & sanguinis Christi præsentiam, sed tantum localem & corporalem præsentiae modum, & unionem cum Elementis substantialem: ipsam verò nobiscum præsentiam sanctè credimus, & quidem non imaginariam, sed verissimam, realissimam & efficacissimam, nempe ipsam illam Christi nobiscum unionem mysticam, quam ipsemer, ut per verbum promittit, & per symbola offert, ita per spiritum efficit, quamque nos per fidem acceptamus, per caritatem sentimus, secundum verus illud dictum: *Morum sentimus, Modum nescimus, Præsentiam credimus.*

12. Unde & patet, non solum virtutem, efficaciam, operationem, aut beneficia Christi nobis præsentari & communicari, sed inprimis ipsam substantiam corporis & sanguinis Christi, seu ipsam illam victimam, quæ pro mundi vitâ data est, & in cruce mactata, ut per fidelem, hujus victimæ

129 **CAPITA CONFESSIO**
mæ communionem & cum C
quenter etiam meritum &
partorum, participes simus, &
in ipso maneamus.

13. Et quidem non tantum
quoad corpus nostrum. Et
terrenam, ita fide cordis, ceu
stem acceptamus, secundum
Ventrem, quod terimus, mentem
fide illâ mediante, non solum
nostra, Christi corpori, per e
surrectionis & vitæ æternæ, in
caro de carne ejus, & os de
cum ipso corpus mysticum, q
mysterium magnum esse.

14. Denique de ritibus h
jam addimus, quod Christus
non minus, quam panem ede
ab ipso institutos ex parte aut
fines ac usus transferendi,
cessarios, sub Anathem
mortalium pote

F I N



PROFESSIONIS THORVNIENSIS.

et cum Christo ipso unionem, consecrationem & beneficiorum, sacrificio ejus sumus, & sicut ipse in nobis, ita nos

non tantum quoad animam, sed etiam

corporem. Etsi enim, ut ore corporis rem-

ittis, seu organo proprio, rem coele-

sticundum veterem illum versiculum:

Sanctam mentem, quod credimus, inter : tamen

non solum animæ, sed & ipsa corpora

sancti, per ejusdem spiritum ad spem re-

ternæ, inferuntur & ununtur, ut sumus

& os de ossibus ejus, adeoque unum

consuetum, quod Apostolus merito dixit

esse.

ritibus hujus Sacramenti hoc saltem

Christus ipse omnes ex calice bibere

panem edere, jusserit. Quodque ritus

parte aut toto abolendi, vel ad alienos

ferendi, vel alios ritus, tanquam ne-

Anathemate addendi, nemini

potestas competat.

F I N I S.

